

84(2Рос-Комм)

У 51

8892к

Мем. республиканская  
Библиотека им. В. И. Ленина  
МАГНИТНИЦКИЙ РАЙОН

Александр Ульянов

# ИЗЪЯ ЧОЙ





Коми республиканская  
библиотека № 7 И. Денина  
У-51  
Александр Ульянов

# ИЗЪЯ ЧОЙ

Висьтъяс

Художник  
А. Мошев



Сыктывкар  
Коми небӧг ладзанин


2001

2

НАЦИОНАЛЬНАЯ  
СИБИРСКАЯ

8832 K





## ВОДЗКЫВ ПЫДДИ

Вөзъя коми лыддысьысьлы ассьым вэль небөг. Шусьö сійö «Изъя чой». Книгаыслөн нимыс топыда йитчöма менам чужан сикткөд, Дереваннöйкөд. И висьтъясын зили петкөдлыны ас сиктса йöзöс, налысь этшö, чужöмбансö, оласногсö, сьөлöм дойсö. Нöшта небөг нимыс тöдчöдö — морт олöмыд абу туй вуджöм, а сьöкыд, быд лунъя удж, джуджыд чой паныд кавшасьöм. Быдторйыс сэнi овлö. Но мый көть эз вöв, век колö лоны мортөн. Мичаён, сөстөмөн, шань сьөлöмаён, орччөн олысьыдлысь дойсö гөгөрвоысьён, лёкыслы паныд сувтысьён. Öти кывйён кө, коми йöзөн. Сэтшöмөн, кутшöмөн вöлины миян пöль-пöчным.

ПАШ ВАСЬ ÖЛЬÖКСАН

# Выль керка

Сьод ты помын, медся ляпкыдінас нин, Педөр Ваньлы быть лои чеччыны пыжсьыс. Гожомыс кос вөлі да ваыс прамөя усьома, векныдик пыж бөжыс помся кутіс сибдавын-джөмдавын ты нюйтас, көть эськө Вань сувтіс да пелыс вылас мыджсьөмөн вель дыр на ружтіс-йөткасис вис вомлань. Сэссия дөзмис сөнсө зэвтны. Аддзө, мый весьшөрө пессьом-мырсьөмыс лоө да. Клуна-клона пуктіс кык лопта пелыссө пыж пыдөсас, болскысис резина сапөга кокнас тыө. Водзөсө, сыв пасьта туруна вискөдз, коді йитіс Сьод тысө Эжва юкөд, ботанъяса пыжсө ковмис ас бөрсяыс кыскыны. Посныдик гөгыляса чеп йылын. Атшавмөныс лои, дөрөмыс гөйгөдзыс көтасис.

Вис вомас Педөр Вань ыркөдчыштис-лолыштис. Дырсө эз тапикась-сулав, здук-мөд сөмын. Гожьялөм плешсьыс дөрөм соснас пөсьсө чышкис, кисө дэбыд ваас больөдыштис-мыськаліс, чужөмсө ыркөдіс-пожъяліс. Кык кокни лои. Пөсьсө да мудзсө ты ваыс быгтьө ас пытшкас йиджтіс-босьтіс, чунь костьясөдыс тюрөдіс-нуис.

Ывла вылын көть август төлысь, а шондіыс Иван лун дырйи моз пөжө. Водз асывнас төвзьыліс эськө, торкис Педөр Ваньлысь кыйсьөмсө. Но өні дзикөдз лөнис, зарни рөма кыз пу корьяссө төвру оз вөрзьөд. Енэжыс пыдөстөм, өти помсяныс мөдөдзыс лөзсьыс-лөз, кымөртор некөн абу. Майбыр, кутшөм лөсьыд татшөм здукьясас морөс вылад! Лөнь да шоньд. Тадзи эськө, шог төдтөг да мичаа, став нэмтө овны!

Төрьт Педөр Вань төдса вискөдыс жө Эжвасянь тыас пырис. Кык ботан и босьтліс аскөдыс, да со тай, ведра чери на шедіс. Сөр рытөдз, сьөлөм бурмымөныс, бурскис турунаиньяссө да баддяиньяссө, а вой помсө нин ты бокас Педөр Миш керкаын суис. Водз асывнас бара на чөвтасьліс. Но регыд мысти төв ныр кыпөдчис да вөтліс Ваньөс ты вылысь: ковмис лэптавын ботаньяссө. Гортас мөдөдчытөдз өшлыліс найөс кык майгөг костө, төлөдіс-косьтіс. Отнадлытө, бөжалысьтөгьд, зэв деливө төла лунад черитө кыйны. Ветки пыжтө отарө-мөдарө бергөдлө, ботаныд пысасьлө, гартчө,

сэсса и сыныштны пыр колө, сё матьö лэдзан-а. Аттыö и ведра черисъыс. Съод тыыслы муөдз копыр. Бара на номсасъыштны лои, юква вылө кельчи-ёкыш, сольштны мича чери вичмас и.

Кор Педөр Вань кыскысис вискөдыс Эжва дорөдз, лун шөр кад нин пуксис. Дыр мөжгыны ю бокын Вань эз нин кут, пуксис пыжас да пелыс помнас йөткыштчис лыа берегсыйс. Ва визулыс небыдика сывйыштис-топөдис аслас сывйö кокныдик пыжтö, мурт-саөн и суйис сук моль пөвстö да тэрмасьтөг мөдис шывгыны-кылөдны увань. Эжва юыс таті, шуйгала боктыис, джуджыд, крут кыркөтша, ваыс арся вой кодь пемыд. А веськыдладорыс мөдарө, кузь лыаа, ляпкыдик. Төрыт Педөр Вань атшавмөныс катис. Съод тыö пыран висөдз. Дөрөмыс брөд ва жö лолі, көть чеччыв пыж-сыйд да пыдзырт. Ва нылыдсö, дерт, кывтны сё майбыр. Эжваыс ачыс шывгö-нуö, көть эн сынышт. Бөжав сөмын, нырсö öтарө-мөдарө бергөдөмысь кут.

Но Педөр Вань абу велалөма ва визувтö кывтны. Тшөтш и олөмас. Мукөд моз кокни удж бөрся некор эз вөтлысьлы. Чорыд-топыд этша, асныра да пыксыйсь зэв. Кыдз шуласны, пурт ни чер оз мөрччы. Мыйкө кө юрас пырас, мыйкө кө думыштлас-мөвпыштас вөчны, пыридзөн морттö он бертышт. Сюра меж моз асыйс ныр-ны кутас.

Ас вылас тавысь эськө тшөтш вирыс пузьылө да. Но медся нин выль керка понда сёлөмыс доймö. Со комынөд во нин. Сэки, керка местасö бөрийгөн, асныраліс жö, сөмын вывтіджык артмис-а. Мөдарө шыбөлитіс. Öні, кад кольөм бөрын, кор ставыс шыляліс, Педөр Вань сьөкыда ышлолавлө, весиг пиньнас герчкылө. А мый вөчан? Олөмтö бөр он бергөд, выльысь сійөс он небось гарт. Киссьөм ватö пö пожайөн оз куравлыны. Тадзи и Педөр Ваньлөн артмис. Асныралөмыд, вөлөм, бедь кодь жö. Кык пома. Шулө-маөсь тай важ йөз: ышмы пö, да садьтö төд. Сідзи, сідзи, сё мо-касьт! Олөмыд быдөнөс дорын узылыны велөдас. Но өд сэки Педөр Вань чань кодь том вөлі, вирыс визъяліс сөнъясас, мунигас кокыс печласис. Öні, шуам, сійö кадас кө суныштлыны, дзик мөд ног Вань вөчис да, эз кут тэрмасьны керка лэптөмнас. Мөвпыштис лючки-бура, сөдз синмөн видзөдліс олөм вылас да вөлисти шуис бөръя кывсö. Но эз тай сэки тадзисö артмы... Веськыда кө висьтавын, гөтырыслөн мамыс, Васька Пекла, вомөналіс туйсö, гудыртис Вань-лысь олөм-вылөмсö. Гөтрасьөм бөрас том гозъя мөвпыштисны лөсьөдны аслыныс поз — кыпөдны выль керка. Он өд нэмтö тьöща борд улын бергав. Сійөс быттьö дзескөдан, сэсса и аслыд деливö, көть рөдвуж ордын, а йөзын олөм-вылөм артмö. Маша

гöтырыслөн мамыс, Васька Пекла, тешкодь морт вöлі. Мыйкö кö он сы ног вöч, петук моз юртö сангас-кокалас. Кор Педöр Вань муртса на казтьыштис: вай пö выль керкасö лэптам тэнад йöрö, прöст муыс со мыйта, Васька Пекла кыккокийыв сувтис. Камöдис-клопöдис пызанö кос кинас: йöрыс пö менам да кувсьылöм верöсöйлөн. И он лысьт татчö ныртö сюйны! Эз кут Педöр Вань сыкöд зыксыйны, крапкис öдзöснас да петис. Пöсьвывсьыд кайис сельсöветö, керка места корны. Вöзйисны дзик сикт помсьыс, пристань кыр йылысь. Пöсьвывсьыд жö öвтыштис кинас: босьта пö, кöть кытысь, сöмын мед тыöщаысь ылынджык вöлі. Со и лои панны ассыйс выль керкасö пристань дорын. Тöвнас, дерт, тані шуштöмкодь, йöзсьыс бокын быттьö. Зато гожöмнас лолыд сьылö. Паськыд ота Эжваыс пыр син водзад, лöз парма шывкнитчöма энэж помöдзыс, югыд шондi ворсöдчö юр весьтад, вильыш тöвру сьялькöдчö юлөн ванас...

Выль керка йылысь мөвпгьясөн и оліс сэки Педöр Вань. Гöтырыскöд ветлісны местасö видзöдлыны. Машöыс нöбасьö буретш вöлі, Вань моз эз нимкодьясь. Дузгöдчыліс на, бурджык места пö абу сюрöма. Тöвнас пö чизыр тöв кутас шутьлавны, гөгөр толаяс шняпöдас, пырны ни петны, а пескыд мыйта ковмас пачтö ломтыны! Сöмын Педöр Вань гöтырыслысь пойгöмсö эз кывзы. Паськыд плешнас пыксис: сикт помö пö сетісны керка местасö, сикт помас и кыпöдас выль оланінсö. Ассыйс керкасö, ассыйс... Мед нин сьölöмыс бурмас тыöщаыслөн. Сійö кö асныралö, Педöр Вань асныра жö. Мед кöть олöмыс летйылö-пыркöдлывлö, а Ваньöс, тыдалö, он нин веж. Кутшöмөн мамыс чужтыліс, сэтшöмөн и кувсяс. Асныраөн, изки кодь чорыдөн. И öні со моль пöвстын пессьö, зильö мездысьны пыжö клонгысь кергьясысь, пановтны найöс, мича ва вылö петны.

Коркö-некоркö петис — нетшыштчис öд моль чукöрсьыс, мустöм кергьясьсыс бокöджык вешйис, сэсся вынөн сыныштис кык-ö-куимысь. Кокныдык пыжыд тэрыба тювгис увлань. Сöмын пельис лоптас шондi югөргьяс дзирдыштлисны.

Тöлыс лөнис-ланьтис да, Эжва вылын öти гытор абу. Мотора пыж оз дзужгы-лок, ни катер-баржа оз жбуткы-кай. Шывгыкывт, майбыр. Дзик öтнад ю вылас.

Педöр Вань зэв радейтö татшöм здукгьяссö, пыр виччысьö найöс. Небыдика сыныштö да сыныштö, телепит, кор чужан сиктыс син водзас сувтас. Джуджыд нöрыс йылын шывкнитчöма — тут-видзö. Регыд нин тыдовтчас, эсійö чукыль сайсьыс. Педöр Ваньлөн весиг сьölöмыс тэрыбджыка кутис тiпкыны, нюмыс паськыда петис.



Но чукульт сайыс сиктыс талун мыччысис виччысьтөг, көть эськө Вань быттьö и дасьтысис тайö здук кежлас. А лои со кызди. Муртса кежлö и копытлис юрсö, пыж пыдöссö видзöдлис, ваис вель уна пырöма да, лэптис юрсö, а кыр йылын чужан сиктыс нин куткырвидзö. Еджыд вичко пу керкаяс кытшын сулалö. Сикт шöрö, медся мичаинö сийöс кыпöдлöмаöсь важ йöз. Быдласянь кирпичь тэчöм вичко медводз синмад шыбитчö. Көть Кулөмдинсянь лэччы, көть карсянь кай, көть Эжва ю кузя кывт-кат. Сулалö-зымвидзö сё сайö во нин. Быдторсö тайö каднас аддзылöма. Коркө ёна ковлöма йöзлы, öнi со джынвийö кисьтöм-пузувтöм, эндөм-эновтöм сулалö. Сельпольсь склад сэнi лöсьöдисны, курыд зелья да тшай-сакар видзöны. Урöстöмаöсь дзикöдз вичко пытшкөссö, пыралан сэтчö да сьölöмыд топавлö. Кутшöм мича да кыпыд танi коркө вöвлöма! Уна рöма краскаөн серпасавлöмаöсь Енъясöс, налысь чужöмбанъяссö. Важ шыпасъяс тыдыштöны васöд кирпичьяс вылас. Весиг оз эскыссы, мый татшöм мичлун коркө вöвлöма на сиктын, мый уна во чöж вичко пытшкö вольывлöмаöсь Ваньлөн пöч-пöльыс, налөн на мам-батыс. Лов шысö кутöмөн пыравлöмаöсь татчö — кодi сьölöмсö личöдыштны, кодi сись öзтыны-пуктыны кулөм рöдвужлы, кодi юрбитыштны, корны Енлысь прöща либö шудлун, кодi чöла сулалыштны öткөн, мөвпыштлыны аския олөм-вылөм йылысь. И быдөн, дерт, петалис вичкоысь сöстөм сьölөмөн, быттьö личавлис морöс пытшкыс сьöкыд дойысь, быттьö лолавсис кык кокниа, эскыссис, мый став сьöкыдлуныс бöрын нин, көть эськө уна шог на виччысис морттö. Яй сьölөмыд тай оз пот, быдтор терпитö...

Гырысь и песни керкаяс джуджыд кыр йылын сулалöны, еджыд öшиньяснаныс юлань дзоргöны-видзöдöны. Эжва дорсянь медся матыссаыс, öткөн сулалыссыс, Педөр Ваньлөн, сы ки-вежөрөн кыпöдлөм. Квайт пельöса, пелькиник, гыалысь шипера вевт улын. Югыд шондi водзас керка öшиньясыс вом тырнас нюмъялöны, быттьö гажтöмтчöмаöсь да нимкодпырысь виччысьöны сийöс, Педөр Ваньöс. Дыр кежлö тай янсавлисны! Сöмын вой узис Сьöd ты бокын, но сьölөм бурмымöныс кыйсис, тшак-льöм кöра сынöдсö апыштис-лолыштис, бипур дорын пöсь юква панялис. Öнi тай бөр кывтö, чужан сиктас воö. Пыжсö лэптас, домалас да гортас мөдöдчас. Но выль керкаыс бокö кольö, шуйга ки вылас, а Педөр Вань сикт шöрланьыс шлапсьодас. Талун нö мыйла тэрмасьнысö? Луныс кузь на, кадыс эм, некод öд Ваньлы бокас оз тойлы: мун пö, котөрөн гортад лэччы. Час, каяс пристань кыр йылöдзыс да кежалас ас керка дорас, видзöдлас, мый сэнi вöчсьö, кызди олö-вылö Педөр

Ваньлөн быдтасыс. Абу тай ылын муннысö, дзик орччөн сулалö. Бура важөн нин Вань керка дорас эз матыстчыв, гашкö, ва восьömсянь да. Гажыс нин бырöма, и сьölöмыс муткыртчö-нормö, кор керка вылö синсö чöвтлас. Быдсяма мөвп юрас кутö шыб-ласьны-ветлыны. И нимкодь лолö сьölöм вылас, и шогöдлö Ваньöс, и морöссö бара чепöльтö-сотö кутшöмкö пытшкөсса дой, кодi лань-тыштлö сöмын кад кежлö, сэсса заводитö бара оравны, йирö Ваньöс уна во нин. Гашкö, та вöсна тшöтш и дзормис водзджык да. Енмыс тöдö. Олöмыд олөм и эм, он тöд, мый аски лöö. Джуджыд да пемыд йирьяса сийö. Көть мыйта сунав, пыдöссö он вермы судзöдлыны, абу Эжва юйд. А кырö-йирö морттö быд ногыс жö, нэмсö чинтö-тшöтшöдö.

Мөвпгьяснас бергöдчывлö Педөр Вань тöрыгтя лунас, ачыс джуджыд чой йылысь синсö оз вештыв, кык лопта пелыснас сыныштö да сыныштö. И быд здукөн матысмö пыжын пукалысь юлөн кырья береглянь, ясыда нин тыдалöны пристань дорын йирсысь мөсьяс да куканьяс. А керкаыс, сы киөн лэптылөм-мольöдөм керкаыс, кутшөм лөсьыдник! Чача кодь дзик. Выли юра, паськыд öшиньяса, пельк. Град йöрыс абу ичöt и. Гөгөр потшöма, керка бердас гид, неылын пывсян, öшинь улас пашкыр льөм пу быдмö. Педөр Вань ачыс сийöс пуктылис, Сьöd ты дорсянь кылöдлис-вайлис. Дерт, уна вонад лöz рöма краскаыс, кодөн мавтлис керка эжан пöвьяссö, вушйöма нин, пемдöма, гыалысь шиперыс со сьödöдöма жö, пач трубаыс быгтьö вежынтчöма, тövсьыс ли мый ли... Кадыд тай рöдтö, тэа-меалысь оз юав, сувтыштлыны либö водзö мунны. Педөр Ванькөд тшöтш и керкаыс пöрысьмö, көть эськö сийö көзяинсьыс ёна на томджык да.

Сьölöмыс Педөр Ваньлөн быд пöрийö ёкнитлö, кор сийö аддзö ас киөн лэптылөм керкасö. Торйөн нин бөрья кадас. Гашкö, пöрысьладорыд да. Ок и забеднö овлö Ваньлы татшөм здукьясас! Дзор юра нин, а синваыс доршасьлö, казялас кö кодкö, гашкö, небыд нямöдөн шуас. Мед и шуö! Морт сьölöмыд тай абу пес чурка, быдтор сийö кылö, быдтор йиджтö ас пытшкас — бурсö и лёксö, кольөм кадсясö и талуньясö. Сöмын тай олөм дойясыд дыр кылöны, гашкö, нэм помöдзыд оз бурдны да...

Сикт весьтас Эжва юыс дзик мегыр кодь. Шлывгö-шлывгö веськыда — паськыда, сэсса виччысьтöг чегö веськыдывыв. А ю шуйгаладорас, бужöда кыр йылын, Педөр Ваньлөн керкаыс тутвидзö. Топыд тэчаса, быгтьö му бердас нэм кежлö вужьясьöма. Сулалö-нюмъялö öшиньяснас, кыскö-дэльöдö асланьыс Педөр Ваньöс. Сын пö öдийджык, пыжтö домалан да, кежав ме дорö. Гажöй öд бырис.

Буретш керка весьтас и гурснитөдiс-сувтөдiс ассьыс пыжсö Педөр Вань. Чеччис галька сора лыа вылö да медводз пыжсö лэптiс-кыскис ва дорсьыс. Думсьыс вылөджык, мед оз вөрзьöдны. Быдсяма йöзыс öд öнi шöйтö-ветлö да. Челядь вуграсьöны и. Корсь сэсся пыжтö, босьтасны кö. А пельиссö Педөр Вань важ сельпо склад улö катöдiс да саймовтiс-дзэбис гуся местаö. Быд гожöм сэтчö сайöдывлö. Йöз синмысь бокö. Пыж улас коркö кольлис нин, локтiс да, куш местаыс, шепыштöма кодкö. Кузь киа морт, дерт. Нимсö тай, небось, абу кольöма. Гусялöм пельыс пелькиник жö вöли, гөн кодь кокни. Мый öнi вöчан, сё лешак! Мөдöс лои лöсьöдны. Ачыс жö перйис пельиспусö, косьтiс, шыльöдiс-мольöдiс.

Пельиссö саймовтöм бöрын чери тыра нопсö выль пöv кöрталiс-зэлöдiс, здук жежлö пуксьыштлiс на лыа пивин жбутвидзысь кер помö. Шпуткис-куритчис, лольштiс пельисөн ноксьöм-сынöмысь, кык лунся копыра уджсьыс. Пыжсьыс тай петiс да, веськöдчынысö оз вермы. Чукыля кöрт тув моз бура дыр сулалiс ва дорын. Коркö-некоркö веськöдчис жö, чорыдакодь зырыштiс кикарнас сюрса лы помсö, вöлисти сэки кокньöдыштiс, небзьыштiс коскыс, куснясьны кутiс.

Резина сапöга кокнас нырыштiс чигарка помсö кос лыа пытшкö, сэсся ружöктöмөн лэптiс пельпом саяс ботан тыра сьöкыд нопсö, видзöдлiс Эжва юлань.

— Аттьö, вөр-вай, бур кыйдöссьыд. Бара на сьölöмöс бурмөдiн, бара на номсöдлiн чöскыд чериён,— ловья лов дорö моз шыödчис Педөр Вань лöня шывгысь Эжвалань, енэж помөдзыс шевкнитчöм пармалань. Шуöм бöрас копыртлiс картуза юрсö юлань да тэрмасьтөг шлассьöдiс-мунiс кос лыа кузя. Сельпо склад боктi петiс из кодь чорыд сёя туй вылö, мөдöдчис чой паныд, нöрыс йылын сулалысь сиктлань. Педөр Вань керка дорөдз юсянь муртса и кайнысö. Но сьöкыд нопнад да чой паныдтö вель дыр на лои пушкыны-кыссьыны. А Вань эз и тэрмась, лабутнöя вöсьлалiс. Воськов кызь-комын вöчас да лольштас, бергөдчылас на Эжвалань чужöмөн, видзöдлас коми йöзöс вердысь-юкталысь вылö. И быд воськолөн быгтьö оз ылыстчы юсяныс, а кыпөдчö сы весьтö. Пыр вылөджык и вылөджык... Эжваыс Вань син водзын ыджыд да мича чери кодь дзык, парма пövстö нюжөдчöма, сикт помас, кывтыдланьын, юрыс, катыдас, сьöd тыланьын, бöжыс. Синтö ёрысь шондi водзас эзысь рөмөн дзирдыштлö...

Воис жö коркö чой йылөдзыс, дөрөмыс яй бердас ляскысьöма. Малыштiс ки пыдöснас вазьöм чужöмсö, водзö вöсьлалiс. Сувт-

лытөг, тэрыбджыка нин. Мир туйыс Вичкодор сиктлань нуөдіс, а Педөр Вань шуйгавыв босьтіс, кыр боктіыс тődса керкаланьыс кежис. Чери кыйны мунигас Педөр Вань сōмын ылісянь чōвтліс синсō керка вылас. Ōти-кō, мōд, матіджык туйōд лэччис гортсяньыс Эжва дорас, веськыдаліс. Мōд-кō, водз вōлі, нель час асыв. Кыдзкō тэрмасьōмōн муномыс лои войдөр луно. Кōсийс рытнас мōдōдчыны, но виччысьтōг зэрмис да шливгис рытывбыд. Вой шōрланьыс сōмын кобис. Лои асывсō виччысьны. Ойбыртліс на час-мōд кежлō, а югдігас кок йылын нин вōлі, телепит мунысō да. Тшай гусьōникōн чурскыштис-юис да и петис гортсьыс. Нопсō да ботаньяссō водзвыв дасьтыліс-лōсьōдліс, посводзас куйлісны рытсьянь. Резина сапōгсō кōмалōм бōрын нин чукōстіс гōтырсō: чеччыв пō, игнась, Машō. Унзіль гōтырыс кималасōн петаліс жō посводзōдз, би ōзтывтōг, кильчō ōдзōс дорын юаліс:

— Кобис али эз на?

— Оз нин шливгы, тусясьō муртса,— гусьōник, джын гōлōсōн вочавидзис Педөр Вань.— Но ме муни.

— Бур туй. Видз ва вылад асьтō. Мед Енмыс отсалас, мича чери сетас,— ōвтыштис кинас Машō гōтырыс да пōдлаліс Вань бōрся кильчō ōдзōссō, гульс-гольскерис кōрт каличнас. Водас на, дерт, шоныд вольпасяс. Мед инō. Куйлыштас прамōй югыдōдз, шойччōдыштас лысьōмсō, зэв азыма на очсаліс посводзын да. Асья унмыд пō медся чōскыд — ма кодь юмов, гōн кодь небыд. Майбыр, ōтнас коли. Мōс лысьтытōдз да лудō лэдзтōдз позьō и ойбыртлыны.

Гōтыр игнасьōм бōрас Педөр Вань сулыштис на кильчō вылас, морōс тырнас апаліс васōд сынōдсō. Зэрыс дзикōдз дугдōма вōлі, сōмын керка пельōсас лэб вывсьяньыс тельскис войтва. Став ловья ловыс чōскыда узис, весиг эз кыв лэбачьяслōн чипсōм-чирзōмыс, зэр бōрын быдōн ланьтōдчōма-дзэбсьōма аслас позйō.

Педөр Вань гōтыр мозыс жō чōскыда очсыштис да, мед кильчō поскыс эз дзуртышт, кокныдыка, лов шысō кутōмōн, лэччис керкабердса луд вылō. Лысвасō ытшкōм турунсьыс шарскигтыр тэрыба вуджис град йōрсō, пывсян дортіыс, дзирья ōдзōсōд петис мир туй вылō. И азыма зэв мōдōдчис Эжвалань. Но эз кытшолōн лэччы юланьыс, сиктлōн улі туй кузя, а Саньō Мишьяслōн керка весьтті кежис шуйгавыв, веськыдаліс. Час джын мысти Педөр Вань ноксис нин аслас пыж бокын. Тасянь, Эжва дорсянь, бура тыдаліс кыр йылын сулалысь керкаыс. Но сэки, чери кыйны петігид да нōшта тэрмасигад, Педөр Вань сōмын чōвтліс синсō джуджыд нōрыслань. Дзик воча сулалō керкаыс, быттьō корō ас дорас, ке-

жав пö, Ваньö, видлы менö, пукалышт кильчö вылын, казтышт төрыгыясö. Видзöдліс да, эз ло лöсьыд морöс вылас. Сьölöмнас лигышмуніс. Быттьö вузалис тайö здукас ассьыс медбур ёртсö, кодкöд чужлісны-быдмисны öти сиктын, панявлісны öти пöртійысь чöскыд юква. А öні тайö ёртсö Педöр Вань эновтіс, позьö шуны, дзикöдз вунöдіс. «Бöрсö локтігөн быть кежала, видзöдла керкаöс», — лөньюдіс пытшкөсса дойсö Педöр Вань да öдйöджык йөткыштчис, веськөдіс пыж нырсö ва паныд, Сьöд тылань. Мый вынсьыс сынштіс. Öтчыд дай мöдысь. Вильыш лун төв небыдика малыштіс Ваньлысь чукурöсь чужöмбансö, картуз увсьыс чурвидзысь дзор юрси пратьяссö. Посныдик гыторъяс нимкодпырысь шлочöдчисны пыж бокас, быттьö гажöдісны сынысьöс, зілісны нетшыштны-орöдны сійöс сьöкыд мөвпьяссьыс. А Педöр Вань нинöм эз кыв да казав. Пиньяссö мурчнитöмөн сійö сыніс-төвзис ва паныд, юрас бергалис öти дум: öдйöджык эськö воöдчыны Эжва чукыльöдз, мед сиктыс көть саймовтчас, вошö син водзсьыс. ...Гожся кадö сиктад лөнь, быдöнлөн уджыд юр выв тыр. Некор китö кресталöмөн пукавнытö. Тані, пристань дорын, джуджыд нöрыс йылын, некод жö эз тыдав. Шыч ни рач.

Педöр Вань лэдзис сьöкыд нопсö потшöс бокö, турун пöвстö, да небыдика восьтіс дзирья öдзöс. Сійö нора да кузя дзуртыштіс, ныж пуртөн моз кырыштіс Ваньлысь сьölöмсö. Ньöжйöник, полöмпырысь воськовтіс төдса йөрö. Водзöсö кокыс эз ну — пудья лои. Вель дыр сулаліс, кывзысис чöv-лөняс. Сэсся синнас кытшовтіс гөгөр. Быттьö нинöм ёнасö абу вежсьöма. Весиг со дзирья öдзöсыс важыс на, сы киён вöчлөм-тувъялөм. Пелькиник öдзöсыс, ляпкыдик, сöмын көрт каличыс сімöма. Потшöсыс абу жö джуджыд, но топыд, ыж-кöза пырöмысь. Öтнас Вань потшсьыліс, тулысбыд пессис-мырсис. Потшсö керавны сельпоса шопер, Чипан Миш, нуліс. Чукля Шорöдз кайлісны, кык лун лои ваявны налы потшъяссö.

Ас кежсьыс сулалыштöм-мөвпалыштöм бöрын, дзирья öдзöс дорсянь Педöр Вань веськөдчис керка стынлань. И сöмын вит-öквайт воськов бöрын казалис — эндöма керка гөгöрыс, дуркмöма быттьö. Тонö öти потшöс прасла пөрöма, тыдалö, майөгьясыс сісьмöмаöсь. Абу и дивö, кызь вонад, дерт, сісьмасны. Стынладор керьясыс весиг сьöдöдöмаöсь. Кадыд тай инмö жö керкаыдлы, көть эськö коркö зэв мича пуяс Педöр Вань да сылөн ёртьясыс пөрöдлісны. Сьöд ты дорöдз кайлісны. А мый морла и ветлыссьöма та ыласö? Мед эндöдöм-эновтöм могысь керка лэптыны? Тільсис кык во чöж асьсö жалиттөг...

Татшом мөвпгъяс йирисны Педор Ваньос, кор сийо кытшовтис керка гогорыс. Ас кион лэптылом-мольодом керка гогорыс. Быд кер од, быд повтор да весиг ув тани тодса Ваньлы. Ошинь куричьяссо ачыс вочлис и. Эз кужлы некор, но олөмыд тай одйо велодис. Зиль мортыд по уджсьыд некор оз потлы. Сидзи и эм. Кильчосо ачыс жо тотшкөдис. Керка вевтсо вевтис. Сэсся шиперон эжис. Сэки оз на сюр вөли да, Куломдинодз лои кайлыны. А они со сэкся ен шиперыд ена нин потласьома. Гашкө, гогор вияло да, шлявго зэрыс керка пытшкөдзис. Ок, ок, ок! Керка пытшкас они он тай веськав. Игана гогор. Одзос тома-ныс, дзирья калич мозыс жо симома дзикөдз. Но пыралан ко керка пытшкас, сэни унатор жо Вань кион вөчөма-мольөдөма. Весиг пачсо Педор Вань ачыс тэчлис... Мый они казтывнысо? Кадыс кольома, ваыс визувтома, олөмыс Ваньлон да Машолон порыся-нэмө пырис.

Педор Вань пуксис кильчо пос выло да куритчан перйис зепсьыс. Озтис чигаркасө, лэдзис лөз тшын. Татшом здукьясад зэв лөсяло куритчаньд, сьолөмто лөньөдө, вежөртө ясыдджыкаон вөчө. И бара, көть енасө быттьө эз көсиы, Педор Вань сунис мөвпгъяснас сийо ыли кадас, кор сийо панис выль керка лэптөмсө...

Кык во чөж Вань ноксис тайо нөрыс йылас. Тайо каднад уна ва кылалис Эжва кузя, олөмас вежсьөмьяс лоины и. Кувсис Васька Пекла, чужис гозьялон Олюксан нима пи, сэсся ныв... Керка вочасон, ен отсөгон да Ваньлон зильлунон, кыптис-вежис асьыс чужөмбансө. Педор Вань шулис аслыс — вуджам по сомын сэки, кор ставыс лоо дась, нөшта пывсян, скөтлы гид. Од Васька Пекла керкаын овны позис на, көть и дзескыд вөли. И коркө арланьыс нин Педор Вань шуис гөтырыслы:

— Машө, локтан онас төвйиынито вуджам нин ас керкаө. Шуам, картофель идралом бөрын. Арся уджьяснымос кор дзикөдз сигортам.

Ваньлон сьолөмыс нимкодъысла гызис морос пытшкас. Шуда здукьясыд тай овлоны жо морт нэмад. Но ставыс бергодчис дзик модарө. Педор Вань унаысь казьявлис нин: Машө гөтырыслы быттьө веськодь верөсыслон зильөмыс, выль позсө лөсьөдөмыс. Гашкө, Васька Пекла руыс пырома да? Либө мамыс кувтөдзис мыйкө шулис нылыслы? А они лөня, но чорыда крапкис Ваньлы:

— Ме выль керкаад ог мун, Ваньө. Ог, ог. Эн сэтчө кыскы вай менө да челядьос. Көсьян кө зэв, отнад сэни ов. Ош моз, пемыд гуад.

Ваньлөн кывйыс вошлі, синваыс кутіс доршасьны. Кутшөм чорыд мортөн вөлі, изки кодьөн, но забеднө босьтіс мужик морттө. Сэсся керка тырнас чашөбтіс-горөдіс:

— Вия, он кө вудж. Юртө керышта.

— Керышт и эм. Но мисьтөм-шуштөм кыр йылад тэ менө эн кыскы. Мен бать-мам керкаын медся гажа.

— Он мун? — бара горөдіс Педөр Вань.

— Ог дай ог! — лөсыштіс воча Машө.

— Сідзкө, ме муна! Муна, өтнам кута овны, — камгис чорыд кабырнас пызан помө Вань да звирк петіс керкасьыс. Круп-крапөн пөдлаліс ас бөрсяыс өдзөссө.

Куим лун сэсся юис-кодаліс Педөр Вань. Весиг удж вылас абу петалөма, асьыс курыд шогсө винаөн кисьтөма-коялөма.

Нельөд лунас локтіс жө, юрсө өшөдөмөн, мыжа морт моз. Өдзөс дорсянь на лөня нурбыльтіс:

— Ме, Машө, ог жө мун. Вузалам, сідзкө...

Төв кежлө буретш и вузалісны выль керкатө. Сельполы. Первойсө сэні том вузасьысьяс олісны. Сельпоса жө. Сэсся восьтісны кампет вөчанін, сэсся курыд зеляөн вузасян лавка, сэсся видзлісны сельполы ва туйөд вайөм сөян-юан, сэсся... Ставсө өмөй юрад кутан. Өні со томана Вань киөн лэптылөм керкаыс, тыртөм, эндөм. Збыль, овтөм керкаыд пө кык пөв өдйөджык пөрысьмө. Сідзи и эм.

Педөр Вань тай өдйө жө пөрысьмыс. Пензия нин босьтө. Нэмсө сельпоын мырсис-уджаліс. Бухгалтераліс, тшөті-молльөн гольские, сьөм лыддис-арталіс. Быдсяма отчөт-расчөт вөчаліс. Өти кадө весиг сельпоса юралысьөдз воліс. Водзын Эжва юыс вердліс и юктавліс сиктса йөзөс. Водз тулысьянь, муртса на йиыс кылалас, ю кузя кузь баржаяс катөны. Ва усьтөдз зильөны сөян-юантө ылі сикт-грездьясьөдз вайны. Медводдза баржаясыс пызь, сакар, сов да вина-водка тыраөсь. Сы бөрын нин, гожөмбыднад, мукөдторсө катөдасны — треска чери, кампет-печенньө, быдсяма кансервсө, сэсся ком-паськом виччысь, мукөд шыльлө-мыльбөсө. Керка лэптысьяслы мөдөдасны көрт тув, шипер, толь, чер-пила. Водз тулысьянь наридз петтөдз лөө вөлі Эжва дорад куткырвидзны. Лыддыны-артавны, мый ваясны-пыртасны сельпо складьясө. Мед нинөм эз вош и. А ректысьысьясыд, сиктса мужикьяс, гажа юрнад быдторсө вермасны вөчны. Еджыд юра дозтө питшөгас сюясны, да корсь сэсся мыжатө. Гашкө, баржасаяс локтіганыс дзибыртісны, гашкө, ректысьысьяс пажын кад кежлө заптісны. Юрнысө веськөдны. Баржатө ректігөн быдсяма дивөыс овлө. Но сиктса му-

жикъяскөд Педөр Вань векджык өти кывйö воліс. Бур ног кө шуны, сәки эз кузь киаось вöвны найö. Горшныс кө тичкө, веськыда висьталасны. Небзьодас, дерт, сьолөмнысö Педөр Вань, но и гөрасны-уджаласны баржатö ректигөн войбыд.

...Чöла пукалö Педөр Вань кильчö пос вылын, куритчö-мөвпалö, Эжвалань видзöдö. Гашкө, час тутвидзис кильчö помын. Став олөмсö вежөр пырыс лэдзис. Асьсö ошкис и матьяліс. Коркө чеччис жö. И кызди тай льяс коскас! Син водзас шондиa луныс пемдыліс быдөн, сюрса лы помас быттö биа öгыр сатшкисны. Лольштны ни водзö мунны. Джөмдіс места вылас, кын мыр мөз сулалö. «Керка лэптöмыд тай инмөма, мөрччөма лешаклы, — медводз и воис юрас. — Тулыс-арнад чери кыйöмыд да Эжва дорад баржаястö виччысьöмыд». Коркө-некоркө, легөдчыштіс да, бауныөн сорөн, воөдчис жö дзирья өдзөс дорөдз, мыджсис морөснас потшöс праслаö. «Со тай, кыкнаннымлөн пöрысьмыссьөма», — курыда нюмгөвтис Педөр Вань да видзөдліс аслас керкалань. А выль керка, Ваньлөн керка, сьлөн быдтасыс да кодкө киö вузалөмыс, чөв оліс. Гашкө, шогалис ас кежсьыс, гашкө, лөня атгьöалис Педөр Ваньөс сы дорө кежалөмысь, гашкө, пиняліс сийөс, лэптысь-стрöитысьöс. Öд олөмлөн биыс лючки-бура эз и ломзьыв сы пытшкын. А, гашкө, öзйылас на да. Коркө, кутшөмкө кад мысти. Педөр Ваньлөн выль важ керкаас...



# Войясыс öнi пемыдöсь...

Гожöмыс таво вöли кöдзыд да зэра. Öтчид бурджыкасö и шондöдлис, Петыр лун бöрын. Вежон кежлö кымын. Кодi удитис, турунтö, дерт, пунктис, а кодi нюжмасис да мича поводдя виччысис, уль юръяс лои зорöдавны, солалöмөн либö сырсаяс вылö. А сэсса енэжыс пыр букшасис, быгтьö дöзмöма улиас олысь-вылысьяс вылö. Швичкис-пöльтис ловтö кезйöдлысь вой тöv, лун кост мысти сяркöдис-зэрис, ваисла муыс польдчис нин, дзикöдз нильзис, и öшинь дорын пукалiгөн Павел Катя шлапöдис кинас, чöвтлис пернапас да ас кежсьыс ропкис-шуалис: «Енмыс тай бергöдчöма миянысь. Со кызди кöтöдö. Гожöмыс эз вöv гожöм кодь. Пупайкаөн лои муд-йысьны. И арыс сэтшöм жö...»

Садьмис сйö талун водз, весиг радио чöv олис. Гашкö, узис на шоныд гöбöч вылас, но вötөн мамыс син водзас сувтлис-петкöд-чылис. Кымын во нин дзёбöмсянныс коли, а воливлö тай Катяöс видлыны, вöтнад сёрнитлöны-и. Асьявылыс со бара паныдасьлис-ны. Быгтьö ноксьö Катя öшинь улас, град йöрын. Мича да шоныд гожся лунö капуста киськалö. Капустатö Павел Катя быд во пук-тывлö. Картупелькöд орччөн, пывсян бокас. Муыс сэнi аслыспö-лос — съод да небыд, госа быгтьö. Куйöдтö пуктыштан кö, маць-ясыс юр ыжда волöны.

Тапикасьö Катя радъяс косттi, копрасьö-киськалö капустатö, а сьöлöмнас кылö — кодкö дзоргö сылань, мышсö быдөн сотö видзöдласнас. Бергöдчис, а мамыс потшöс бокин сулалö. Гöрд чышгьяна, руд ковтаыслысь кизьяссö разьöма, ковта улас гырысь дзоридзьяса платтьö пасьталöма.

Мыджсис мамыс потшöс прасла вылö да видзöдалö Катялысь град йöрсö, вомнас тяпкöдчö. Вöтад тай ставыс олöмын моз арт-мывлö. И шуö мамыс Катялы:

— Капуста мацьясыд таво, ен ськöд, бура гöрддзасьöмаöсь. Тасянь тыдалöны. Мичаöсь да топыдöсь.

— Бура тай, мамö, — вочавидзис Катя, ачыс вöсни чышгьян улас юрси пратьяссö суйышталö, чышгьян гöрöдсö зёлö-дыштö.

— Арнас, волөм кө лоө, гашкө, сольштны сетыштан меным? — юалө мамыс.

— Сета, дерт. Медся ғырысь маच्याссө керыштам, — нимкодъ-пырысь вочавидзө Павел Катя.

— Но, сідзкө, ме водзө муна. Тима Аннаясө на колө кежавны, тшай юны корис да...

Тадзи найө янсөдчисны, мама-ныла. Асъядорыс, вөтын.

Павел Катя восьтіс синсө да бура дыр на куйліс гөбөч вылын, куйліс вөрзөдчывтөг, шы ни төв, быттө поліс воштыны ас водзсыйс аддзылөмторсө, ылыстчысь мамыслысь чужөм-мыгөрсө. А, гашкө и, лов шыыс воліс сы ордө да, вөтыскөд тшөтш. Олөмад тай сы мында гөгөрвотөмторйыс... Бөръя кадө уна дивө йылысь гижөны-висьталөны. Чепөсйисны кыскө быдсяма «сенсясыс», төдысьяс-туньяс, бурдөдчысьяс. Шуигас кывтө чеган. Квайтымын куим во оліс таладор югыдас Павел Катя да водзынсө та йылысь быттө эз кывлыв-а. Сөмын өні, гудыр воясыс кор пуксисны, төдысьтуньясыд код лешакыскө пыр жө петалисны. Повзөдлөны бур йөзсө, лоланыс пырөдчөны. Тшөтш и телевизор пыр. Юр вежөрыд бергөдчө найөс кывзигөн.

Мамыс на коркө Павел Катялы шуліс — кор пө мортыд кулө, лолыс сьлөн ортсыө петө да кайө кытчөкө вывлань, сэсся и мөд морт пытшкө пырө, водзө олө. Сідзкө, миян лолыд оз и кувсыйв, нэмьяс чөж, Му пуксьөмсянныс йөз пөвстын, на морөс-сьөлөмьясын, вир-ййын! Код төдас, гашкө, ставыс збыль тайө да. Гашкө, пөръясьөны, некод нинөм оз төд. Неважөн Павел Катя өти лоөмтор йылысь лыддис коми газетысь. Лыддис и вель дыр шензис, okayтіс да акайтіс. Көнкө, роч муын тайө вөлөма. Том зон совхозын уджалөма, трактор вылын. Көдзыд төвся рытө, сиктсъянь бура ылын, көрт вөлыд и джөмдас да кусө. Мый вөчны? Зонмыд шеныштас кинас, мөдөдчас подөн гортас. Думсыйс, дерт, зіліс воөдчыны сиктөдз. Но ёна мудзас, эбөсыс дзикөдз бырө. Сиктсъянь матын нин усьө лым пиө да воштас садьсө. Сөмын куим час мысти ветлысь-мунысьяс аддзасны кынмөм зонтө. Ваясны больничаө. Видзөдласны: мортыс и збыль кулөма — сьөлөмыс оз тіпкы, лолыс абу, синмыс кынмөма. Но больничаса бурдөдчысьясөс чуймөдас зонлөн кучикыс. Сійө, вөлөм, абу кулысьлөн кодъ еджыдруд, а алөйгөрд. И мөвпыштасны: вай пө видлам ловзөдны мортсө. Гашкө, мыйкө и артмас. Кынмөм зонлысь коксө лэдзасны пөсь ваө. Морөссө да мышсө кутасны зыртны-ниртны спиртөн. Весыкыда сьөлөмас укол вөчасны, лекарство сюясны... Дыр ноксьөм бөрын зонлөн сьөлөмыс виччысьтөг ловзяс, тіпкыны кутас. Төлысь



кык мысти том мортыд сувтас нин кок йылас, уджавны мѳдас, аслас трактор вылын жѳ.

Но кытчѳ нѳ сідзкѳ морт лолыс дзевсьѳ-пышійѳ? И эм-ѳ сійѳ мян пытшкын?

Павел Катя лѳчис нин гѳбѳч вылысь, пачѳ би чуткис-суйис, тшай пузьѳдіс, а тайѳ думыс дыр на бергаліс юрас, быттьѳ платтьѳ бѳжас нявда турун кѳвъясис. Морыс тѳдѳ, мый водзын?..

Шыд пусьѳм бѳрын нин дѳйгис-воис юрас — морт лов йив-сьыд, тыдалѳ, збыльсѳ некод висьтавны оз сяммы. Весиг Тима Анна, Павел Катялѳн суседкаыс, потшѳс сайын олысьыс. Мед кѳть и зѳв тѳдысь туйѳ пуксьѳ, карса вичкѳ лѳччывлѳ, сись пуктывлѳ. Кѳдж сиктса войтыр син саяс морттѳ Кузь кока Аннаѳн нимтѳны-шуѳны. А сідзи и эм да. Павел Катя сылы пѳв кодь шыльыд морѳсѳдзыс буретш лѳѳ. Тушанас. Сартас кокъясыс Аннаылдѳн потш кузяѳсь. Но оськѳлыс, гашкѳ, кык сыв пасьта. Абу нывбабалѳн, а мужичѳй мортлѳн, уска-тошка дядьѳлѳн. Видзѳдан да, быттьѳ кузь сарапана мужик и шавксьѳдѳ-мунѳ. Бѳрѳ-водзѳ катласитыр.

Коньѳрѳй, Павел Катя моз жѳ ѳтнас пѳрысь шогсѳ пыкѳ, кызь во кымын нин. Челядьыс разѳдчисны-а, верѳсыс кер пѳрѳдігѳн пу улѳ веськавліс. На кодь ѳтка-пѳтка йѳзыс Кѳдж сиктын абу этша. Воѳ тай морт олѳмад шуштѳм кад — некодлы ковтѳм лоан. Том пуяс пѳвстын сісьмысь понѳль кодь. Медся нин сьѳкыд кузь да пемыд арся рыгъясѳ. Сѳки сьѳлѳмыд ырзѳмѳн бѳрдлѳ, горштѳ гирскѳ курыд ѳкмыль, синваыд ачыс тюрѳ-петѳ, чышкавныгѳ он слѳймы. Шлюпкыштан ѳтнад, казьтыштан коркѳясѳ, ылѳ-ылѳ кольѳм том воястѳ, да морѳс вылад личальштас. Быттьѳ пытшкѳсьыд кутшѳмкѳ чорыд гѳрѳд разяс, быттьѳ пѳльтчѳм-доналѳм мыль виччысьтѳг восяс, сук ор сѳтысь петас...

Керка тырнас ышловзяс-лолыштас сѳки Павел Катя, видзѳдлас часі вылѳ да абу на кѳ ѳна сѳр, тапиктас-петалас Тима Анна-ясѳ. ѳтка олѳмсѳ пальѳдыштны, кадсѳ колявны, тшѳтш и суседкасѳ гажѳдыштны. Сылы арся рыгъясыд горшас тасасьлѳны жѳ. Кывийыс петавлѳ тай: бѳрдла и юрбитла пѳ ѳбразьяс водзын. Пидзѳс вылын суавла и. Мед Енмыс кылас да кокньѳдыштас мянлысь, коми йѳзлысь, олѳм-вылѳмнымѳс.

Пуксясны воча да рытывбыд сѳрнитасны. Тшай юигмоз. Первойсѳ сѳрни биыс муртса-муртса дзажѳдчыштас, он гѳгѳрво, ломзьѳ ли кусѳ. Но вочасѳн трачкакывны кутас, яра ыпнитас. Павел Катя Анна серти топыдджык вома, ас пытшкас тѳжд-думьяссѳ зильѳ кутны. Сійѳ медсясѳ юасьѳ, кыв-мѳдѳн содталѳ Анна сѳрни визѳѳ, «но» да «но» шуалѳ, юрнас довкйѳдлѳ, шензьѳмѳн шлапйѳдлѳ ки-

нас, нюмъёвтлө либё мёдарё, морёс тырнас ышлолалё. А быд сёр-  
нились шёр визьсё, дерт, Тима Анна нуёдё, вёжжисё ас киас кутё.  
Вомыс сылён, варовмас кё, оз и тупкысьлы. Тувсов шор моз тельгё  
и тельгё.

Павел Катя кодь жё отка-пётка. Арлыднас ыджыдджык и.  
Но вёрас сертиыс кё видзёдны, сизимдас арёстё он на сет, зэв  
збоа ветлөдлө, юрсё чатёртёмён. Ачыс сартас кодь кос. Чужёмыс  
кузьмёс, векныдик, пелыс пом быттё. Сярвидзысь чуқыръясыс  
серёдомаёсь коркёя шылыд бандзибъяссё, кайёмаёсь син доръя-  
сёдзыс, плешкөдзыс. Сёмын восьлалан ладыс абу нывбабалён кодь.  
Кор тшак вотны Паш ёль бокё кайласны, Павел Катялы сё пёгиб  
Анна бёрся вётлысьнытё, лолыс дзикөдз тырлө. Вёрас вотөдз гоз-  
мөдысь лоё шойччыны. Павел Катя таысь оз дёзмы, коть эськё  
бура ылөдз кольлас да. Енмыс кё сетёма та кузя кокъястё, бур  
нин. Сэссия и эбёсыс Анналён, майбыр, кольёма на. Шалсийё-мунё  
мир туй кузя, быттё сира пуысь вөчлөмаёсь. Казялас Павел Ка-  
тялысь кольччёмсё да вёлисти горөдас: «Лок вай, лок. Пуксьышт-  
лам, лолыштам, миянлы тшакыд сюрас на...»

Кежасны туй бокё, лыа-бусаинсьыс ылөджык, пёсьнысё чыш-  
калёны, лөдз-номйысь өвтчёны. Недыр кежлө и ланьтыштласны  
понёльяс дорын, ас кежысь кывзыштасны вёр-валысь кыв-ворсё,  
пуяслысь шөпкөдчёмсё. Синтё куян да, збыль быд пөлөс шыыс  
пельөдзыд воё. Орччён со томиник кызд пуяс кышөдчёны коръяс-  
наныс, ас костаныс сёрнитёны, көнкё увтасас вёрса ёль тельгё-  
кылө, лэбачьяс тильзёны-ворсөдчёны, понёльяс костас визяорда  
шаркакылө-ветлөдлө... Майбыр, сэтшөм гажа да лөсьыд, коть вод  
яг бокас да кузь лунтыр куйлы. Дзик райын кодь. Но тадзитё  
шлэпвидзны Тима Анна дырйи он бара-й кут. Муртса на лань-  
төдчан, лолыштан, а сийё бара нин ассьыс лөвтё: «Мөдим, Катя,  
рытыс таялас миянөс». И аскөдыс сёрнитиг сувтас кузь кокъяс  
вылас, водзё шлэпсьөдас.

Енмыс коть кузь туша-телё сетлөма, майбыр, но гөлөсыс Тима  
Анналён вёсньыдик, небыдик, кывзан сийёс пызан сайын пукалігад,  
да морөстё выйён мавтёны. Шог-дойыд вунлас и, весиг сьёлөмыд  
пыркнитчылас, збоймыштлас тшөтш, быттё сөнъясөдыд визъяв-  
ны-ветлыны кутас том вир.

Төрыт на Павел Катя Аннаясё петалис. Успенньё лун вөлі да  
водз пёжасис, а рытладорыс и кежаліс, картофеля шаньгаяс да  
сөчөнъяс варов суседкаыслы пыргіс. А мөдыдлы, дерт, нимкодь.  
Велалисны нин пёрысь йёз ота-мөд дорас, чойяс моз олёны. Кор тай  
Тима Анна карё лэччылас, челядсьё видлыны, Павел Катялөн

сьолөмыс сэки дольсвидзё, пукалө өшинь дорас, мир туй вылө дзоргө. Олөмыс сійө лунъясас солавтөм шыд панялөм кодь. А кор Павел Катя Кулөмдинөдз кайлас, пиыслысь кагасө видзыштны, Анналы деливө жө овлө. Павел Катя воөм бөрас тайөс пыр и казясас, Анна керкалысь порогсө воськовтїгөн на. Син сертиыс. Паськыда нюмдасны найө, нимкодпырысь визъявны-котравны кутасны. И оз слөймы Анна весиг туй мортлы шуны: шойччшонтысь пө, уськөдчас тшай пузьөдны, көлач-преник шкапсыыс лэптавны...

Лөсялісны, бур ногөн лөсялісны кык өтка морт, өта-мөдсө дзерөдтөг-дойдтөг олісны со кымын во нин орччөн.

Успеннө водзас Павел Катя Кулөмдинысь жө воис-лэччис. Кык вой и узис пи ордас. Сэссия бөр мөдөдчис гортланыыс, асья автобусна. Вөлі август пом, войясыс лоины шом кодь пемыдөсь, да поліс керкасө дыр кежлө кольны. Олөмыс со кутшөм ёна гудыртчис, сьолөмыд пыр абу местаын. Быд пельөсын виөны да дзескөдоны йөзтө. А гусясьөны кызди! Коми сиктъясөдз нин тайө пеж, вуджан висьөмыс воис-писькөдчис, вужъясьө азыма. Кулөмдинас тай, висьталөны, быд лун мыйкө да мыйкө лоө. Öтилысь картофель гусө петкөдөмаөсь, мөдлысь — порсьсө начкөмаөсь, коймөдлысь патерас пыралөмаөсь, көлуй-эмбурсө шепнитөмаөсь. Кык да куим томан сайын нин йөзыс олоны. Лун шөра луно! Здук кежлө кө ойбыртан, кык син костсыд ныртө нөбөдасны-нуасны. Вужнас перйөмөн. Та вөсна Павел Катя и тэрмасис гортас. Видліс внук-внучкасө, сьолөмсө бурмөдыштис да бөр төвзис-лэччис чужан сиктас. Мыйкө сьолөмыс эз вөв ас местаын. Пессис-муткылясис сійө морөс пытшкас, быттө зіліс кыв-мөд шуны Павел Катялы, да эз вермы... И гортөдзис адөй дыр дзужгис автобусыс. Син водзас лөз верандаа керкаыс бергаліс, мича лудья град йөрыс сулаліс. А дзиръясө восьтөм бөрын дзик потшөс боксяныыс сьөд сэтөр кустъяс пөвстө веськалан-вөян, таво вотөсыс пев пом кодь воис. Пывсян пельөсас капуста радъяс сярвидзөны, паськыд коръясыс дзодзөг бордъяс моз шевкнитчөмаөсь, маच्याсыс зуд кодь чорыдөсь.

Ар воис, картофель нин кодсюрө босьтөны, регыд капуста ковмас керавны, он и төдлы, пужьялас-көдздөдас... Но автобусын турки-тарки лэчигөн Павел Катялысь зэвтчөм сьолөм-вежөрсө өти дум йирис: ен мед видзас сылысь керка-картасө, видзас-доръяс лөк вира войтырысь. Бөрья кадас сійө и збыль кутис полөмпырысь овны, лов шысө кутөмөн. Быдсямаыс кывсьө да. Весиг ывлаасыны петалігөн, войын ли рытын, сьолөмыс нетшкысьө, кокля-бөрөдзис лэччывлө. Трачнитас кө гид вылас либө пемыд лөскас,

ойкнитөмөн керкаас пырас. Сё пернапас чөвтас, молитватө лыддяс и. Кыдзи Тима Анна велөдліс сійос.

Олөмыс дзыкөдз путкыльтчис-гудыртчис да быть сэсса лёк йөзсыд видзчысь. Код төдас, гашкө и, казаявлісны пи дорас кайлөмтө, томана керкатө. Дыр-ө көрт игантө песовтны? Бөръя эмбурсө нөбөдасны-нуасны...

Но весьшөрө пессьөма-нөйтчөма Павел Катялөн сьөлөмыс. Нель өшина пелькиник керка важ местаас тутвидзис-сулаліс, томансө некод жө абу вөрзьөдлөма. А град йөрас, мичаа ытшкөм луд вылын, сөмын чавкан чукөр чиргис-горзіс, кузь туй водзын сьөд мыша лэбачьяс перйисны кынөмпөт.

Кулөмдінысь воөм бөрын, мөд лунас Павел Катя пөжасис да рытланьыс и петіс Тима Аннаясө. Буретш Успенньө лунас. Небыдик шаньга-сөчөнъяссө вөсни чышгьянө тубыртис-гартыштис.

— Мый нө татшөм регыд ветлін? Кык войков сөмын? — синсө читкыртліс өшинь дорын пукалысь Анна. Ставсө өд казялө-төдө, сө лешакыд.

— Дырсө тай эг кут овны-а. Керкаыд өд жаль, ачыд төдан, — разис ковта кизьяссө Павел Катя да пуксис гөбөч бокө, улөс вылө. Пөрчис лөз чышгьянсө, сыналіс сук, но лым еджыдөдз дзормөм юр-сисө, чукөртис кыз пратьө, тэрыба гаровтіс-зэлөдіс ёкмыль сяма гөрөдө.

Павел Катялөн шыльөдчиг-мольөдчигкості Тима Анна разис сылысь гөснеча тубрассө, тэчис шаньга-сөчөнсө блюдыө да клопөд-чис нин пачводзын. Токөн пузьөдчан самөварө көдзыд ва содтіс, чашка-пань пожйыштис, важ тшайсө лөканьө койыштис. Пачводзас ноксигөн и юаліс лөньөм Катялысь:

— Кыдзи нин олөны Кулөмдінас? Мый выльсө висьталөны? Сө во нин сәні эг вөвлы...

— Олөмыд тай өні быдлаын өткодь. Тувсов шор кодь гудыр. Пикө воөмаөсь Кулөмдінад и. Пи висьталө: гусясьөны пө лун шөр лунын. Картупельтө ывла гусьыд петкөдөны, ыж-порсьтө начкөны. Ас гид-картасьыд. Олөм, мися, пуксис! — Шлапкис ки пыдөснас ёсь пидзөсас Павел Катя.

— Но-о-о! Сө дивө тай, — тшөкмунлі пачводзас, шкап сайын, Кузь кока Анна. Вель дыр эз гольөдчы чашка-паньнас. Шемө-сысла, тыдалө. Сэсса повзьөмпырысь пычнитіс ас пытшсьыс: — Кодьяс нө пакөститчөны? Татчөс йөз али бокөвөйяс, локтөмаяс?

— Кысь нө ме төда, коді кузь киясьө! Гусясьысьыд тай кикөсө оз коль, майбыр, — воча горөдіс Павел Катя, быттьө эз казая Анналысь вежсьөм-повзьөм гөлөссө. А мөдыс броткис-намгис вомгорулас: «Картупельтө пө петкөдөны, порсьтө начкөны, керкаад

лун шөр лунын пыралёны... О, господи тай. Тэ көть видз мянёс, коньёръясө!»

— Мый нё сэні аскёдыд броткёдчан? Мунін да сибдін пачводзас, — дёзмөмпырысь дзуртыштіс улёснас Павел Катя.

Тима Анна турки-тарки петіс пачводз шакап сайысь. Кисё водздоранас чышкалө, чужөмыс едждөдома, вом дорыс тіралө-чеччалө. Пыдісянь лолаліг копыртіс юрсө Павел Катялань, тшөкмунлі:

— Тэнад кывъяс... Мися, тэнад кывъяс бёрын вежөрөй дзикөдз вошлі. Ме тэныд шулі да шуа: йёз эмбурнад он озырмы. Енмыс өд ставсө аддзө. Быдөн бёрся видзөдө-ө-ө... Коркө и юалас. Быть юалас. Чорыда мыждас квайт чуняjestө татшөм ыджыд грексьыд.

— Мыждыны и колө! Водзын гусясьөмыд коми йёз пөвстын медся ыджыд грекөн вөлі, — пузис вирыс Павел Катялөн, гөлөсыс быдөн чорзис. Скөрысь содтіс: — Мед Енмыс, мисьтөм чужөмажсысь, кинисө косьтас...

Самөвар дзужиг-пузигчөж Тима Анна окайтіс да акайтіс, кывзис Павел Катялысь Кулөмдіно кайлөм йылысь да. А пызан сайын, кор пөсь тшайыс да чөскыд шаньга-сөчөныс небзьөдісны-лөньөдісны кык пөчлысь нөйтчысь сьөлөмнысө, Анна лөня, ен ув пельөсө видзөдіг, казтыліс коркөясө:

— Тэ өд, Катя, төдан, батьө мян адөй чорыд вөвлі. Пөсь-вывсьыд, сюран кө ки улас, өдйө зульөдас. Кымын во колхозад предаліс. Но веськыд мортыс вөлі, шонъянөй. Вой улө лои казтыштөма, да мед оз дөзмы. Батьө и шулывліс мянлы: тшупөй пө ныраныд, челядь, йёзөн пуктөмтортө пө чуньнад энө вөрзьөдөй. Бурджык сизимысь корөй, но энө гусялөй. Квайтөд чуньнытө керыштасны... Отчыд кык сёркни нетшышті Парась Микольяслысь, асьным эгө пуктылөй да. Аддзылөмаөсь өд, удтөмаөсь батьөлы. Петшөраліс да, рыгывбыд шлюпки-бөрді. Став каканөс сотіс...

Батьөлысь кывъяссө аслам челядьлы унабысь казтывлі-шулывлі, петшөралөм йывсьыд тшөтш висьталі. Аттьө Енмыслы, вежавидзысь, бур сьөлөма мортъясөн куимнанныс быдмисны. Лөк вылад, майбыр тай, важ йёзыд эз велөдлыны...

Тима Анна гораа ырснигіс блюдысь көдзалөм тшайсө, бергөдіс чужөмсө Павел Катялань, быгтө виччысис, мед сійө ошкана докнитас юрнас: збыль, збыль пө, дзиқ тадзи шулывлісны мян быдмигөн. Мам-батьным көть и сьөкыд киаөсь вөліны, но лөк вылад эз велөдлыны. Зілісны бурсө чужтыны-вужйөдны челядь сьөлөмьясад...

— Ен мед видзас лөкад велөдомысь, — ловзис Павел Катя. — Сиктад быдөн төдө өта-мөдтө, да гусясьөм грекыд эз и вөвлы. Томаньястө эгө төдлөй и. Петан кө кытчөкө, рос либө карнан

кильчö öдзöс вугъяд суйыштан дай. Быдöн аддзö-тöдö: абу пö гортанысöсь. Со кызди овлім водзынтö. Ачыл öд помнитан на...

— Кызди нö ог тöд. Войнаöдзыс на тадзи вöлі. Öдзöс вугъяд рос либö карнан. И война бöрас вель дыр кöрт томан-каличтöг олім,— нюждöчыліс пызан вомöн Катялань Тима Анна.— Сэсся тай лесопунктястö восьтالیсны, ссыльнöйтö да вербованнöйтö вайисны, сэки и пежасис бур оломным. Быдсяма гудыр-мугырыс ылькнитіс Коми муад да. Абу öмöй ме ног?

— Юсисны коми йöзыс и,— Тима Анналань сёрнинас сетчис Павел Катя.— Тадзитö тшыксясны дзикöдз. Öні бабаяс мужикъяс дорсыд чорыджыка ырскöны. Сьöмныс абу, а удждысны, но юасны. Горшныс тачиктö.

— Сідзи, сідзи, люба. Микул Наставыд тай! Кутшöм прамöй учитель вöвлі. Депутатö бöрйылісны и. А юсис да, школасьыс вöтлымöн лои. Öні пö лезьсö лэдзöмөн орчча вөр посёлокын довъялö, сы моз юысь мужикъяс гөгөр жö гартчö.

Тайö кывъяс бöрас Павел Катя вочасö нинöм нин эз шу, юрсö лэдзöмөн пукаліс пызан сайын, чуьнас легöдіс-бергöдіс сырса чышгьян помьяссö. Косьмöм, векныдык пельпомыс кутіс тірзыны-чечавны, чуқырöсь да банйыштöм чужöм вылас быльснитісны синва войгьяс. Павел Катя чышкыштіс-вештыштіс найöс кикарнас, гора ышловзис, быгтöй ортсыö йөткыштіс морöс пытшкас измöм дойсö.

— Миян тай пилöн гөтырыс, Ангелина, торксьöма жö-а,— киргана гөлөсөн пыдзыртіс кывьяссö Павел Катя.— Кайи Кулөмдінад да, эг и тöд. Сьодөдöма-пыкталöма юöмысла. Гашкö и, удж вывсьыс вөтласны. Совхозсянныс гортөдзыс нин волөмаöсь...

— Сё лешак тай, Господи Енмöй!— шлопöдчыны кутіс кияснас Тима Анна.— Мый нö тайö вөчсьö вöльнöй светас, Коми муас?

— Вөчсьö тай. Кутшöм бура олісны-вылісны пи гозья, а öні со Ангелинаыс ставсö вина вылö вежöма. Челядныс посниöсь на, коді найöс быдтыны-старайтны кутас? Ачым ме öти кокөн мөдар югыдас нин сулала-а...

— А пийд нö мый шуö?

Павел Катя гулькнитіс ас водзьсыс кодзалөм тшайсö, пинь висьöмысь моз чуқыртчыліс:

— Бурөн и лөкөн пö тай сёрнитлі-а. Весиг зутшйөдлөманöйтлөма нин. Лөз синмөн ветлөдлөма бура дыр. Ог тöд, мый водзöсö и вөчны,— öтарö-мөдарö катовтліс чышгьяна юрсö Павел Катя.— Кузь киясьны велалөма и. Öтрубсö вина вылö вежöма, сё мокасьтыд. Ойя да ойя!

— Эн вай okayт сэні. Гашкө, ставыс на шылялас-лөсялас,— кыдз-мый вермис бурөдіс Катяөс Тима Анна. Самөварсө мөдысь на шонтыліс, пөсь тшай кисьталіс. Варовмис да, вомыс оз и тупкысьлы. Мый вынсьыс Павел Катяөс лёк думъяссьыс кеждьны-бергөдны зіліс. Өтитор йылысь помавтөг мөдторйө нин вуджөма-кватитчөма. Со и өні уна выль юөр сярөдіс-висьталіс. Сельпо лавка пө дзык тыртөм, пыран да, руд пупайкаяс сөмын өшалөны, пес плака кодь туплияс куйлөны; совхозсаяслы пө бара сьөмсө абу сеталөмаөсь да, мөсьяссө лысьтытөг көсьөны кольны; ылі муын вөчөм спирт пө вайлөмаөсь сьөд йөз, Гриш Степан дучкөма-юөма да муртса абу сотчөма, а сельсөветса юралысь, Митрей Миш, ватьйысьө-гуляйтө пө вөлөм школаса директоркөд, гөтырыс субөта рытө суөма да синмас уксусөн койыштөма, веськыд синмыс пө верөсылөн бердөма, Кулөмдін больничаө катөдөмаөсь...

— Но-о-о!— чуймаліс Павел Катя, недыр кежлө быттьө вунөдліс морөс пытшкас пессьысь дой йывсьыс.— Адөй, адөй, дзыкөдз тай пемдөма олөмыс. Мый нө Митрей Мишыс йөйталө. Миянлы өд сійө, мед көть и ылісянь, рөдвуж на лоө...

— Ог бара-й төд, мый ськөд керсьө. Йөз йөрад гусясьөмсьыд и сюралөма, коньөрөйлы,— жалитыштис на сельсөветса юралысьсө Анна, көть эськө, Миш Митрей гөтыр местаын кө, тадзи жө, гашкө, вөчис да.

— А ме та йылысь эг и кывлы. Мый Мишыс директоркөд ватьйысьсө,— вежавидзана нюмуніс Павел Катя.— Өні сэсса нэмсө уксус Мишөн кутасны шуны. Йөз баба вөсна син пөвсө воштөма. Тыпу!

— Шуасны, дерт. Шуана вөчөны да. Олөмсө пежалөны. Енмыс на вылө абу, сюра лешакъяслы,— торсьявны мөдліс Тима Анна, асьсө быттьө ызьбөдіс-пузьбөдіс. Но Катя мөдөдчыны кутіс да ланьтис, төвса пывсян моз өдйө ваймис.

— Пета сэсса, ог кут тэныд дөзмөдчыны,— ковтасө кизяліс Павел Катя.— Рөмдө нин со. Капустаөс видзөдла да вода. Мыйкө юрөй жувгыны кутіс. Нэмтө лоө челядь вөснаыд асьтө песны...

— Найө тай юрсьыд оз и петавны, көть уска-тошкаөсь нин,— өвтыштис кинас Павел Катялань Анна.— Эн вай асьтө пес-дойд. Гашкө, ставыс на шылялас-лөсялас.

— Ог төд, Анна, ог төд. Гашкө, Енмыс и отсалас да. Но ме пета, сідзкө,— өдзөслань воськовтис Павел Катя.

Тима Анна синсө читкыртліс часілань да быттьө Павел Катялы вочавидзис:

— Сизим час нин тай. Дыр и пукавсьома. Лэччыла гидо, ыжъясьо йуктотомось на.

— Ме муні-а,— одзосон дзуртыштіс Павел Катя да петіс Аннаясьы.

Кор пырис аслас град йорө, сьолөмыс быдсон личалис, сійо дойыс, коді изйон ошаліс морөс вылас да йитчөма, дерт, вөлі пи гөтырыскөд, быттьо бокө вешйис, ылыстчис Катяысь, потшөс прасла саяс шыбитчис-вуджис.

Павел Катя муніс өшинь увтіыс да кежис пывсян бокө, сэтчө, көні пласътвидзисны сьод му вылын капуста мачьяс. Бура жө и воөмаось таво, ен сьокөдөн, көть и гожөмыс кодзыд да зэра вөлі. Радөн-радөн мачьясыс сярвидзөны, корьяссө паськыд бордьяс моз шевкнитөмаось, вешгыштан да, пөтөса дзуртышталөны, быттьо броткөны-шуалөны — мыйла нө пө дзерөданныд мянөс, сыла мусьыс сян-юансө пөттөдз онө сетөй босьтнысө. А Павел Катя оз дойдөтторт ассьыс быдтасьяссө бара-й, мөдарө на, нимкодясьө быд лун, кинас шлапкун корьяссө малыштлө, быд мачкөд сёрнитө. Буретш ветымын өти быдтас таво сьлөн. Ставныс юр ыдждаось нин, мачьясыс зуд кодь чорыдось, оз рутшка-ратшкакывны мукодлөн моз. Дерт, и нокыс сюрис жө Павел Катялы, медсясө тулыснас, капуста рөсадасө вирич вылысь лэдзөм бөрын. Көвьясьліс капуста гутлөн лельөыс. Он кө ас кадө казав тайө пеж гагсө, став быдмөгтө тшыкодас, мөдар югыдас мөдөдас. Гутлөн лельөыс вужсяньыс капуста рөсадасө йирө-сөйө, позьө шуны, вынтөммөдө сійөс, сисьтөмөн сисьтө.

Павел Катя капуста гутлысь лельөяссө, гашкө, сө ног бырөдісвиис да. Пөим сорөн рөсада гөгөрсьыс мусө гидралис-бергөдліс, табака ва сулөдліс, быдса кык лун, сэсса гудыр сораснас рөсадасө киськаліс. Висьөмсьыс мездмытөдз капуста рөсадаыскөд лои ноксьыны. Оні, майбыр, со кутшөм мичаось, шоньд зэрыс пожъяльштөма да, нюмьялөны Павел Катялы. Зэр войтъясьыс пашкыр корьяс вылас югнитлөны, мачьясыс сэтшөм сөстөм сөдзөсь, быттьо том зоньяс сулалөны, быттьо корөсьөн швачөдчөм бөрын орчча пывсянысь петөмаось...

Вель дыр Павел Катя тапикасис-ветлөдліс өшинь улас, думсьыс артыштіс на, мый лун-мөд мысти позьө и картофель керны петны. Некод өд сійөс бокас оз тойлы, нөжйөникөн босьтчас дай. Гашкө, пиыс на волас отсыштнытө. Мамыслысь жө медсясө сөйөны да. Быд төлысь мешөк-мөдтө Кулөмдінад катөдөны. И капустааыс таво вичмас. Со кутшөм зутшкуньяс воөмаось. А сэсса

Павел Катялысь сьолөмсө бара на юысь моньыс кырыштис. Здук жежлө сувтліс син водзас. Пыктөм чужөма, ки-кокыс тіралө.

Нор сьолөмөн и пырис гортас. Весиг тшай шонтыны эз кут, өдйөджык клуп-клоп игнасис да би өзтывтөг и водіс. Но дыр на бергаліс өтарө-мөдарө, пессис вольпасьын, быттьө сьолөмыс поліс мыйыськө — аскиа лунсьыс ли, пемыд войсьыс ли, пельтө чунөдысь чөв-лөньсьыс ли... Шуштөм сёрнияс бөрад тай быдтор йылысь лоө думайтны. Коркө-некоркө ойбыртсьөма жө...

Асылыс вөлі букыш да мисьтөм. Бара зэрыштөма. Пемыд кымөръяс өшалісны вөрдорса ыб весьтын. Пачө би скойөм бөрын Павел Катя петіс пывсянө ва ваявны. Субөта дорад велалөма нин да пывсьыны көсийс.

Пывсян пельөсөдз воис сөмын. Капушта град вылас синсө чөвтліс да ки-кокыс лигышмуні, сьолөмас быттьө ныж пуртөн варскисны-сатшкисны. Сьөд му пасьтала туплясисны капуста коръяс, чурвидзисны мачьяслөн еджыд кокъясыс, а асьныс, зуд кодь мича мачьясыс, эз тыдавны. «Көнөсь нө найө?» — вирдыштис-гөгөртис Павел Катялысь вежөрсө йөй сяма юалөм. Сөмын здук-мөд мысти гөгөрвоис — керөмаөсь сылысь капустасө, өти бөрся мөд кералөмаөсь мачьяссө, со и еджыд кокъясыс чурвидзөны мусьыс, пашкыр коръясыс разі-пели туплясьөны.

«О, Господи тай, кызди нө водзөсө овны?» — синва сорөн горөдіс Павел Катя да бруткысис-уськөдчис пывсян бокө, ыркалөм луд вылас. Морөссө быттьө зорйөн пыкисны, сьолөм пелөдлысь дойыс путкылясис олөма нывбаба пытшкын, горшсө дзазөдігтыр ылькнитіс ортсьө...

Пупайка соснас тупкысьөмөн Павел Катя асывбыд бөрдіс пывсян бокын, сэсся бауньөн кыскасис капуста радъяс костті да мыйлакө чукөрталіс шыблалөм коръяссө. Сарөга, муөсь кинас чышкаліс вазьөм чужөмсө, кок увсянныс плешкөдзыс няйтчис, но эз сувт-ланьтөдчы, быд капуста кор тэчис-пуктіс өти чукөрө. И сөмын сэки, кор Павел Катя ойөстөмөн веськөдчис да сувтіс кок йылас, дзик бор боксьыс, турун пиысь, казяліс капуста мач. Дзик өтиөс. Гусьясьысыс, тыдалө, тэрмасигад уськөдөмаөсь. «Енмыд тай эм на, мамөлысь пайсө кольөма», — синва сорөн нюммуніс Павел Катя да дыр малаліс-гөгрөдліс еджыд мачсө морөс бердас. «А капуста корсө Тима Анналы сета, мед ыжъяссө вердас. Эз кө тавой, коньөръяслысь, голянысө вундавны. Кык кока көиньясыс...»

Петіс капуста му вылысь да юрсө өшөдөмөн, шатласигтыр довгис Тима Аннаясө. Гашкө, сійө отсалас шөгсө пальөдны...

# Мый вөлөма — ставыс кольөма

...Ывла вылын өдйө пемдiс. Сикт весьтө өшйис сьод рыт, кузь да гажтөм. Вөли Рөштво бөр, та вөсна и поводдяыс сылы лөсялис: шапка пельтө кө он лэдзав, пашлякөн лыйсьысь-трачкөдчысь көдзыдыс чепялас чужөмбантө, ус-тошкад скөр пөльыд өшлас йиненьяс. Ыркалөм муыс троньякылис, чорзьөм лым шарскис кок улын, быгтьө нерис ветлысь-мунысьясөс — час пө, час пө... Кутчысяс көдзыдыс пеляныд.

Сийө рытө, тайө ыли сиктас воөм бөрын, ме дыр песи ачымөс. Жөдзи-мөвпали, кыдзи эськө бурджыка, быд боксянь төдмасьны татчөс школалөн уджөн, сэтчөс велөдысьяскөд, сэссия нин, артмас кө, гижны на йылысь.

Узьнысө лои некөн, да овмөдiсны менө веськыда сельсөветө, тани пө бокысь воөм йөз өнджыкасө вой-мөдтө коллявлөны. Пыксьыны ме эг кут — абу өд гортад либө карын, көни позьө юртө суйны небыд вольпая гостиницаө. Кытчө шуасны-индасны, сэни и лоө вой кежлас куткыртчывны.

Сельсөвет өшинь сайын сап пемыд, би ни ва оз тыдав. Гажтөм өтнадытө, сьөлөм вылад абу лөсьыд. Быгтьө мыйыськө мыжмөм, ставысөн вунөдөм морт.

Пукала турунвиж дөраа кузь пызан сайын да мөвпала ас кезысь, видзөдала гөгөр. Сельсөветыс сiдзсө пелькиник, өн керьясьыс тшуплөмаөсь. Кык жырья. Пыдiыс, ичөтджыкыс, сельсөвет предыслөн. Таладорыс, кытчө менө узьмөдiсны, өна паськыдджык. Шуйга пельөсас гөгрөс пач сулалө, вөсни көртөн эжөма, улисяныыс вылөдзыс лөз краскаөн мавтөма.

Сельсөветса секретарыс, ичөтик тушаа, тэрыб синма олөма нин морт, Миш Васьөн меным шусис. Удж помасьтөдзыс, гортас мунтөдз, тшай на пуктылис. Ме ради быгтьө. Сөрнийө воим да, вель дыр висьталiс чужан сикт йывсьыс — кымын морт сэни олө, мыйта мөс-порсь, ыж видзөны, кодi сиктсаяс пөвстысь зиль, уджач, а кодi и лыгайтө-шөйтө. А мунигас нин, аслас пызан сайысь чеччөм бөрын, тапиктiс гын сапөга кокнас гөгрөс пач дорө да очсьштiгмоз шуис:

— Ачыл пачсө ваймөд. Эн өд, тыдалө, карын быдмыв. Көдза-

лас кӧ, тонӧ пескыс, тонӧ важ кабала чукӧр. Асъядорыс ыркнит-  
львлӧ жыръясас, кынман, гашкӧ. Диван вылас вод дай. Юрлӧсыс  
да шебрасыс эсийӧ шкапас. Ме мӧдӧ-а. Узь бура. Сӧмын жар  
вылӧ эн пӧдлав. Кольмӧдас пачыс.

— Кыдзкӧ-мыйкӧ узя нин. Пачтӧ ваймӧда и,— аттьӧалана  
вочавидзи ме да петӧм бӧрас каличалӧ сельсӧветлысь дзуртысь  
ӧдзӧссӧ.

Вольсасьны вӧлі водз на, сӧсся пачыс яра зӧв трачкӧдчис-лом-  
тысис. Мый, мися, и вӧчны, кызди коллявны кузь тӧвся рытсӧ?  
Матыстӧ пач вом дорас улӧсӧс, пукси биыслы воча да нинӧм вӧчигмоз  
кутӧ лукйысьны кабала чукӧрын, код вылӧ индыліс меным Миш  
Вась. Гашкӧ, и лыддыны мыйкӧ сюрас. Гажаджык лӧӧ, ӧдйӧджык  
кадсӧ позьӧ гартны.

Сельсӧветса войтыр быдсяма ковтӧмторсӧ биын сотӧм могысь  
шыблалӧмаӧсь-тӧчӧмаӧсь пач бокӧ. Куйлісны танӧ важ, вижӧдӧм  
нин газетъяс, во дас-дас вит сайся нязьӧм отчӧтъяс, сиктса олысь-  
яслӧн шыӧдчӧмъяс, бӧрйысьӧм кузя коркӧя законъяс. Быд кабала  
кӧ видлавны, рыгыс оз тырмы — сы мында чукӧрмӧма Миш  
Васьлӧн лӧп-ӧгыс.

Чукӧрас лукйысиӧн и уси син улӧ сьӧд сунисӧн вурьштӧм  
некымын тетрадь лист. Босьтӧ киӧ, кутӧ лыддыны. Ӧтиын гижӧ-  
ма: «Сиктса олысь Прокушева Альбина Васильевналысь тӧвари-  
щескӧй судӧ шыӧдчӧм...» Водзӧ вӧлі вурьштӧма сельсӧвет ним  
вылӧ милициясянь юӧр, медым Прокушева ӧртлысь шыӧдчӧмсӧ  
быть виддалісны-донъялісны асланыс сиктын, сы вӧсна мый уго-  
ловнӧй делӧ панӧм могысь пӧ подулыс абу. Тайӧ пӧ семьякостса  
зык, мыжасӧ эрдӧдӧй-корсьӧй тӧварищескӧй судын...

Кӧсий нин шыбитны вурьштӧм листьяссӧ ыпъялысь биӧ, но  
мыйкӧ сувтӧдіс менӧ. Быттьӧ сьӧлӧмӧй тшӧктіс: эн пӧ, дитя, тӧр-  
мась, лыдды вай гижӧдсӧ, гашкӧ, бурӧ велӧдас, сӧтысь мыйкӧ да  
мыйкӧ олӧмад ковмылас. Дерт, эз лӧсьыд вӧв бокӧвӧй мортлы тӧдны,  
мый лӧма гозья костын, кутшӧм ном найӧс курчӧма. Шулӧ-  
маӧсь тай: гозьяыд пӧ ӧти рытӧ пурсьӧны, а войнас нувсьӧны нин.

Эз, эз лыб сӧки киӧй сотны тетрадь листьяссӧ. Чеччи пач вом  
дорысь да пукси кузь пызан сайӧ, синмӧн и вежӧрӧн сунӧ кык морт  
костын лӧмторйӧ. Мый вылӧ нӧ элясис Альбина Васильевна,  
гижӧд сертиыс ар кызь кӧкъямыс-комын арӧса том нывбаба,  
сиктса школаын коми кыв велӧдысь?

«Февраль тӧлысьын, быдса вежон, ми кык арӧса Коля пикӧд  
куйлӧм больничаян. Пиӧй висьӧдчис, да сы вӧсна и водтӧдлісны.  
А школаса уджтӧ ӧд он эновт, быть челядьтӧ велӧд. Луннас ме

урокъяс нуодны которта, атгьо мам пукаліс больничаас, а вой кеж-  
лас пи дорё муна. Верёсой сэки букыша ме выло видзодіс. От-  
чид и шуи: вай, мися, отлаын ветлам Колято видлыны, кутшою  
нимкодъ сылы лоо, кык арёса ичотик мортылды. А верёсой скорысь  
ородіс: сы выло по и мамыс, медым челядькод ноксыны, зырым-  
нысо налысь чышкавны.

Тольсь помас Колюкос эсько больничасьид лэдзисны. Бур-  
дыштёма-ёнмыштёма да. Ме, дерт, школао, урокъяс выло которон  
муні, а пиос мамой босьтис ас ордас. Верёсой буретш каро лэччо-  
ма, совхозыслы отруб вайны мододомаосъ. Уджаланінысь вои рыгнас  
нин, квайт час гогор. Пуси да верді-юкталі челядьос. Ыджыдджы-  
кыс менам ныв, квайт арёса нин. Галя нима...»

Ошинь сайын дзикодз пемдіс. Онялысь пачын биыс ланьтис жо,  
бытгьо мекод тшотш кывзис том нывбабалысь шог висьтасьомсо.  
Гогор лои чов-лонь. И сомын гижодысь шыпасъяс которон му-  
нісны син пыр.

«Мод луннас, удж борын, пачо би суйи да бура ваймыгөдзыс  
на и подлалі. Прамой жар выло. Рыгнас орчча Микул грездын  
шуим нуодны бать-мамкод аддзысьлом, сёрнитыштны налон быд-  
тасьяс йылысь. Челядьос ме коли мам ордө, зев ёна тэрмаси, гашко,  
думайтa, сёрма да. Пачой дыр эз ваймы, весиг сэрапомсо ковмис  
ывлао шыбитны. Но сьолөмой көчлон моз чеччис. Которон сор-  
над пачто ломтигон быдторйыс вермас лоны. А керканым выль,  
мод во на олам.

Микул грездысь воим дас час рытын нин. Челядь унмовсьо-  
маосъ бать-мам ордө. Мый нө вочны? Семен вок и шуо: Геняыд  
по талун, дерт, оз нин лок, кык лун кежло карас лэччомаосъ. Вод да  
узь челядьыдкод. Вой шор кадө он жо садьмод ныла-пиатө. Но,  
мися, сідзко татчө кольчча. Сомын ветлам мянө, видзодлам керка  
пытшкөснымос, сьолөмой абу местаын, пачсо водз подлалі да. Пы-  
ралім воккод гортө. Верёсой, дерт, эз вөв. Керка жырьяс ломтылом  
борад шоналөмаосъ. Сьолөмой менам личалис, морос вылын кык  
кокни лои. Регыд мысти бор мунім. Муртса петім потшөс сайо,  
дзик Микул Васьяс весьтын, паныдасис верөслөн машинаыс. Төвзю  
кытчөкө мир туй шортіыс. Ми воккод весиг сувтыштлім, думайтaм,  
казялас жо од воча локтысьястө. Но машинаыс журкнитіс мян  
бокти да воши пемыдас. Бытгьо одсо на нөшта содтис. Ме эг төд,  
мый и вочны: верос борся котортны либө челядьос садьмодны да  
гортө локны? Збыль кө висьтавны, войнад эз вөв окота борсо  
мунны, нөшта челядьос пальодны. Сэсса Генялысь ме сямсо тогда.  
Сөрөн локтомсьыд быть кутас зыксыны, вермас и керка одзөстө

не восьтны. Коркө тадзисö вöлі нин, ковмис суседъясын узьны. Со тай кутшöм лёкысь миян дорті лыйис-муніс машинанас, гашкө, гажа юра...

Аскинас, посни котырсö сад-яслиö нуи да, котөрөн гортö мөдөдчи. И мир туй вылын бара паныдасис верөсöй, уджавны, тыдалö, муніс машинанас. Но төрыт моз жö быттьö эз и казав менö, дзужөдіс сикт шөрлань. Мый нö, мися, тайö? Керкаö пыралөм мысти гөгөр-вои — гортö сійö абу кежалöма, көнкө боқын узьöма...

Сійö жö луннас школаысь вои нель час гөгөр. Пыри да мед-водз пач ломзьөді, сэсся вала ковмис ветлыны. Ва бөрад пес пот-көдьны петі. Сэки и матыстчис орчча керкаса Зось Анна. Сиктсаяс сійös бура төдöны, коркө школаын жö велөдлöма, öні пенсия вылын. Öтитор-мөдтор йылысь сёрнитігтыр пырим миянö. Муртса на пуксим, öшинь улын кыліс машина шы. Верөсöй локтіс. Сыкөд тшөтш пырисны Иван Вась да Öлей Петыр — Генялөн ёртъясыс. Пөрччысисны. Аддза: скөралö мыйыськө верөсöй. Кума-кама восьтліс пачводзысь шкап өдзөс, звирк гөбөчө пыраліс, мөдар вежөсö котөртліс. Сэсся кыв ни джын шутөг ме вылө уськөдчис. Понпиос моз кватитіс шошаөд да тойлаліс посводзö. Ме шөйөво-ши. Горшö курыд ёкмыль тасасис. Вöлі кө кык юр, öтиыс эськө джоджö уси, сэтшөм яндзим лои йөзсянныс.

Но эг на удит бөр пырны, верөсöй бара чепөсийс ме дорö да чужъялөмөн вөтліс керкаысь. Пинь пырыс сөдзөдіс сөмын: весась пö син водзысь, менам оланінысь. Быттьö öтнас лэптыліс керкасö, быттьö ме киос кресталөмөн пукавлі. Вочавидзи сылы: эн, мися, йөйтав, Геня. Ме ас керкаысь некытчö ог пет. Ок, и ярмис тайö кывъясьсыйд! Матъкыны-горзыны кутіс. Нинөм пö удж бөрын вомö суйны, весиг нянь шөрөм он аддзы. Татшөм гөтырылды пö колö сітанас чужийны.

Мый сыкөд вөчан? Синмыс көрт тув кодь, пиньнас герчкө, дась голяос песовтны. Босьтчылі эськө лөньөдны, бур кыв шуны. Здук мысти, мися, ставыс лоö дась, верда и юктала гөсьтъястө. А Геня дульнас резсьö, пинялө медся мисьтөм кывъяснас. Ачымос ог дорйы, гашкө, мыйөнкө и мыжа. Он тай быдлаө удит, кык ки өд сөмын менам, абу дас. Сэки колö на вöлі челядьла сад-яслиö вет-лыны, лавкаö котөртлыны.

Сулала джодж шөрын, бара пыри да. Кывза сылысь горзөмсö. Көні пö төрыт шөйтін, мыйла гортын эн узь? Быттьö оз төд, мый мам-бать ордын челядькөд вөлім. Ачыс өд аддзыліс менö машина-нас мунігөн. Сувтліс кө миян дорö, некутшөм зык, гашкө, эз и вөв. Öні со кос сямөд моз ыпъялө, лёксö ме вылын песö. Оз жö, мися,

йӱз дырйиыс тышкасьны кут. Весьшӱрӱ тадзи мӱвпавсьӱма. Мать бӱрся матьтӱ лӱдзис, сӱсся уськӱдчис варыш моз, кватитӱс менӱ юрсиӱд да ӱдзӱслань кыскӱ. Синваӱй дойысла ылькнитӱс. Быттьӱ абу гӱтыр ме сылы. Горӱдны кӱсъя, а вынӱй воши, кирга сӱмын. Видзӱда да, посводзынӱсь нин. Танӱ и вартӱс чужӱмӱ. Мый вын-сьыс, кыкысь ли куимысь. Уси ме джоджӱ, бӱрдны кутӱ. Вир юысь, мися. Аслад гӱтыр вылӱ китӱ лӱпталан. Зось Анна горзӱм вылад посводзӱ котӱртӱс, дорйысьны кутчысьлис, но верӱсӱй тойыштӱс сӱйӱс: весась пӱ татысь гортад, йӱз гозья костӱ ныртӱ эн суй. Мӱдыд повзис, тыдалӱ, гортас петӱс.

Зось Аннатӱ вӱтлӱм бӱрын верӱсӱй нӱшта ярмис. Первой кӱсийс кильчӱ вывсянь шыбитны, а кор эз вермы, лабич помас шашаритчи да, личкис посводз джоджӱ, горшӱ кватитчис: джагӱда пӱ. Гашкӱ, и джагӱдис да, сӱмын сӱйӱ здукӱ ӱлей Петыр отсӱг вылӱ воис, дорйысьны кутӱс. И сылы сюралӱ: нырас вартӱс верӱсӱй, пув ваыс киссьӱ. Дерт, меысь лои лӱччысьлыны. Равӱстӱс ӱлей Петырыдыл: пукав пӱ лӱня, локтӱн кӱ мянӱ, мый пӱ кӱсъя, сӱйӱс и вӱча аслам гӱтыркӱд. ӱлей Петыр ӱдйӱ и тывкнитӱс керка пытшкӱ. Верӱсӱй водзӱ пиньсӱ йирӱ, вӱтлӱ — мун пӱ татысь, бать-мамыдкӱд ов. Тайӱ керкаыс пӱ менам. Кӱсъя — вузала, кӱсъя — тшын йыв лӱпта...»

Вель кузя шыӱдчӱмсӱ нывбабаыс гижӱма, став шог-дойсӱ йӱз водзӱ петкӱдӱма. Тыдалӱ, дзикӱдз нин морттӱ олӱмыс топӱдӱма. Сӱтшӱма кабыртӱма, кӱть йирӱ пыр. Но кысь нӱ пыран, кысь нӱ юртӱ воштан, кык челядь кӱ ки выладӱсь. Быдтыны-велӱдны ӱд найӱс колӱ, вердны-пасьтӱдны. Со и терпитӱ, пыкӱ шогсӱ, гашкӱ, эскӱ-виччысьсӱ, мый вежсяс на коркӱ верӱсыс, небзяс, пыдди кутас пуктыны гӱтырсӱ. Нывбаба сьӱлӱмад тай быдтор инӱ. Мӱдар боксянь кӱ видзӱдлыны, мортыд ӱтчыд вӱльнӱй светас чужлӱ. Мый нӱ сӱсся, тайӱ том аныслы нӱмсӱ лоӱ порог дор ӱг пыдди овны, пидзӱсчаньӱн сулавны верӱс водзас? Кутшӱм нӱ олӱм тайӱ! Мый бурсӱ сӱтысь Прокушеваыс адззылас? Важ йӱз на шулӱмаӱсь: лӱк мужикыд пӱ лы пытшсьыд вемтӱ косьтас. Косьтас и эм, кок ув вольӱс пыдди кӱ лоан...

Тадзи ме мӱвпалӱ кабала чукӱрсӱ лыддигӱн, недыр кежлӱ орӱд-чывлӱ тӱрыба тӱчӱм-гижӱм шыпасьясысь, видзӱдльвлӱ пемыд ӱшиньӱ, и син водзӱ пыр жӱ сувтлӱс гозья костын кыштӱм зыкыс. Дерт, сӱйӱ вӱлӱ важӱн нин, дас вит во сайын. Гашкӱ, ставыс на бура помасис Прокушевьяслӱн, гашкӱ, ӱнӱ найӱ шудаа олӱны? Гашкӱ, гашкӱ...

И бара суныштӱ сьӱд сунисӱн вурыштӱм листьясӱ, лыдди том анылысь шог висьтасьӱмсӱ.

«Ме мый вынысь пыкси — ог, мися, некытчо мун, Геня. Повзя ко да пышгья, став колуйто лым выло шыблалас, крапкас-игналас керка одзосто, да он бара-й пыр. Арнас тадзисо тешитчылис нин. Зось Аннаясын ковмис узыны. Челядькод тшотш.

Посводзад тышласигон се матьто лэдзис-а. Кор казялис, мый гортись ме петны ог косий, камгис кокнас джоджо да городис: виа по тэно да волисти сьолемой бурмас. Которон сарайо пьрис. Юрсийо сувтис — вияс од, мися, синмыс биа огыр кодь да. Уськодчи керкао, думысь пасьтасьны косий, пышйыны ярмом мортсьыд. Эг слоймы. Веросий вочаасис. Чера. Юрто по керышта мирской б...-лысь. Менам сьолемой кокляборо лэччылис, челядьо, оз тусьясой, син водзо сувталсны. Ог помнит, кызди песовтчысьома веросысь, кызди Олей Петыр да Иван Вась кватитомаось черсо, дорйомаось юрос сотомысь. Ас садьо кильчо вылын нин вои. Которон Зось Аннаясо. Паськом налысь кори да сы борын нин мам-багыасо жежал, тшокти челядьос сад-яслиысь босьтны. Ачим сельсовето муні. Тырмас, мися, верослы мено кок улас талявны, черон вотлысьо. А кымынысь лозодз нойтлис! Сомян некодлы та йылысь эг висьтавлы. Морос пытшкын шог-дойсо кути. Век бур олом виччыси...»

«Борья зык борас ме пытшкын мыйко ворзис,— водзо висьтасис нывбаба.— Кутшом ном, думайта, курччома веросос, кусыс сийо пето, дась мено вины. Нянь по абу... Винасо ньобигон и човпан-модто позис босьтны. Бур сьоломон ко, тышодз эго жо воий, эго модой шызьодны став сиктсо. Сидзко, помкаыс абу нянын? А мыйын? Тайо юаломыс пыр йирис мено. А борья кадо кути гогорвоны — кодко коймод морт сулало мян костын. Дерт, нывбаба. Кызд шуласны, синмой дзикодз воссис. Тайо тадзи и волома. Овсо сылысь ог кут гижны, абу мича элясьныто, но ковмас ко, висьтала. Сиктад тай нином он дзед. И менам пельодз воис, мый веросий важон нин ватыйсьо тайо аныскод. Весиг сэки, кор больничаян куйлим, гортодз вайоддывлома. Гашко, узьывлисны мян вольпасын да. Мыйко, мися, веросий дзикодз кутис кодзодчыны меысь да челядьысь. Быттьо сьокыд нопйысь зилис мездысьны. Та восна, тыдало, зыксис. Но сэтшюма ко муссо зырто, мед веськыда висьталас, морт ног юксям. Мыйла но быть мян вылын тешитчыны, зульдны мено, черон овтчыны?»

Сиктсаяс повстысь унаон тодоны мянлысь олом-выломнымос. Тайо суседкаяс Зось Анна, Микул Наста, Педор Катьо да мукод. Ен могысь, отсалой меным, гашко, веросий лоньыштас судо корлом борад...»

Кабала чукөрө вөлі вурьштөма тшөтш Прокушев Геннадий Васильевичлысь, Альбина Васильевна верөслысь гижөдсө. Суд кежлө, тыдалө, корлөмаось.

Унмөй менам дзикөдз воши да, думайта, помөдз нин төдмасы гозья костын лоөмторнас. Верөсылөн гижөдыс абу кузь, кык лист бокө и төрөма.

«Тайө лунөдзыс ми гөтыркөд, дерт, пинясьylvлөм нин, — гырысь шыпасьясөн гижө Геннадий Васильевич. — Бөрьяысьсө буретш больничас водтөдыс. И сэксянь зэв скөралі сы вылө. Кор ме карсянь локті гортө, гөтыр, тыдалө, аддзыліс менсьым машинаос. Аддзыліс, но узыны муніс эз гортө, а мам-батьясас. Меным сылөн тайө воськовыс абу зэв гөгөрвоана. Кор жө пырим ме ордө — куимөн сэки вөлім, ёртьяскөд вина сулеяөн кежим — нянь шөрөм весиг керкаысь эз сюр. Но, мися, и гөтыр меным веськалөма. Ас сиктса зоньяс водзын юр яндзим. Вирөй дзикөдз пузис, быгть лои чорыдджык кыв крапкыны. Гөтырлы, дерт, эз лөсяв тайө. Дөзмис да воча күтіс дудгыны. Ме пө уджала жө, челядь бөрся лоө видзөдны и. Оти кывйөн кө, весась, мися, тайө керкасыс, менсьым олом-выломөс эн тшыкөд. Сулалө, дузгөдчөма, быгтьө нинөм оз кыв. Лои босьтны шошаөдыс да посводзөдз петкөдны. Тані и зыкыс кыптис. Зось Анна эськө мөдліс суйсьыны да, но ме өлөді: мун, мися, Анна батьковна гортад, эн тані везьяв. Олей Петыр посводзө петалис, гөтырөй лөкгоршөн горөдіс да. Быгтьө сийөс виөны, йөзсө шызьбөдө. Повзьөма Петыр баба чилзөмсьыд. Лөньөдны қовмис. Ме, шуа, кызкө ачым нин муса гөтыркөд сёрнитышта. Олей Петырыд гөгөрвоис менө, вешийс бокө.

Мый сэсса висьтавнысө? Альбина нетшыштчис да пышйис. Дерт, мамыс ордө. А ми ёртьяскөд куим доз юим. Сы бөрын мунім Олей Петырьясө. Мунігас кежалі тьөща ордө. Гөтыр сэтчө котөртөма. Удитөма нин элясьны бать-мамыслы, лөкөдөма менө. Уськөдчисны пинявны: яндысьтөм син пө, черөн миян ныв бөрся вөтлысян, чужьялан-нөйтан. Сэки ме юалі тьөщалысь да тельлысь: нылыды, мися, эсканныд али онөй? Эскам пө, вочавидзөны. Та бөрын, шуа, миян туйным вожалө. Кутөй нывтө ас борд уланыд, а ме Альбинаыдкөд водзө овны-мырсьыны ог кут. И петі на ордысь...»

Төлысь мысти кымын Альбина Васильевналөн шыөдчөм кузя вөлөма төварищескөй суд. Суд вылысь гижөдьясө кабала чукөрас жө вурьштөмаось. Навысь тыдалө, мый суд вылас корлөмаось тшөтш Прокушевьяслысь суседьясө, кодьяс мыйкө вөлөм төдөны тайө зык йывсьыс. Но медся уна висьталөма Зось Анна, сийө өд

аслас синмөн аддзылёма Альбина Васильевна верёслысь киясьёмсö. Прокушева, посводзас нöйтöм бöрын, бöрдöм сорөн котöртöма-петöма Зось Анна ордö. Суседкаыс нинöм эз дзёб, веськыда крапкöдöма суд дырйиыс:

— Посводзас тышкасигөн ме гортö петі. Кöсйи эськö дорйиысьны, но Геня горöдiс ме вылö: эн пö суйсьы миян костö. Ачыс гöтырсö пелöдлö. Кор Альбина Васильевна миянö котöртiс, пыр и казялі: вель ёна сылы сюралёма. Синваыс шорөн киссьö. Нырсьыс вир петö, кöсаöдыс кыскалёма да, юрсиыс пратьён гылалö. Бура дыр лои бурöдны Альбина Васильевнаöс. Тадзи оз жö позь гöтыртö нöшавны гач новлысьы. Ещö öд кык челядьöс чужтiс сюра лешаклы...

Суд вылас Прокушевлөн вина юысь ёртъясыс, Öлей Петыр да Иван Вась, кинаныс и кокнаныс пыксöмаöсь — эз пö нöйт гöтырсö Геняыс, сöмын пинясины гозъя. Кöть эськö Зось Анналы Öлей Петыр вомысь и петöма: зультiс пö Прокушевыд ассьыс Альби-насö, ок чорыда лöсалис. Аслыс, Öлей Петырылды, дорйиысигас черлыас сюралёма жö.

Но чöв олёмаöсь тай Иван Вась да Öлей Петыр, быттö вома-ныс лёкгаг пырёма. Геннадий Прокушев асьсö абу жö вöйтöма. Пинясьны пö, дерт, пинясим пöвкөд, матьöдз дöзмöмвывсьыд волі. Яндзим лои ёртъяс водзын да. А медым нöшавны-нöйтны гöтырöс, чужъявны — татшöмторйиыс эз вöв. Муртса пернапас абу чöвтöма. Ен пö мед видзас татшöмторсьыд...

Кодлы öнi эскыны? Альбина Васильевналы? Гашкö, верöсыс-лы, а гашкö, некоднаныслы? Зыксисны-тышкасисны, да коркö бурасясны. Гозъя костад öд быдторйиыс овлö. Талун пурсьöны, аски нювсьöны...

Кутшöм нö кывкөртöд вöчöма судыс? Сэни шуёмаöсь: Геннадий Васильевич Прокушев пö мыжа гöтыр водзас, мыжа сыысь, мый шуасис мисьтöм кывъясөн, вачкаліс-нöйтiс ассьыс пöвсö. Нöшта суд артыштiс: Прокушев медводдзаысь на лэптöма кисö гöтыр вылас. Та понда тшöктёмаöсь Геннадий Васильевичöс, мед сійö корас пöлыслысь прöцца, сэсся и сёрнисö помавны...

Кöнкö вой шөр гөгөр нин, кабала чукöрсö дзоньнас лыддьöм бöрын, пыри ме шебрас улö. Сельсöвет жырсö гөгрöс пачыд вель ёна шонтöма да, сынöдыс оняліс. Öшинь сайын быттö югдыштiс. Чарла кодь тöлысь мыччис ёсь нырсö кымөръяс пытшкысь, öшйиыс сикт весьтö, нетшыштiс пемыд гуысь лымъя эрдъяс, потшöс прасла-яс, керка вевтъяс.

Диван вылын куйлігөн бура тыдалисны югыд тöлысьлөн век-

ныдик мегырыс, кӧдзыдӧн ӧвтыс лӧз енӧж, дзирдалысь кодзувь-яс. Чӧв-лӧнь вӧлі гӧгӧр, весиг эз увтчыны сиктса понъяс, тыдалӧ, найӧ йӧз моз жӧ узисны нин тӧвся войӧ.

А ме вель дыр на бергалі дзуртысь диван вылын, син мудзтӧдз видзӧді помтӧм-дортӧм енӧжӧ да мӧвпъясӧн пыр зурасьлі Прокушевъяслӧн олӧм-вылӧмӧ. Ог тӧд, мый понда, но на костын лоӧм-торйыс вӧрзӧдіс менсьым сьӧлӧмӧс. Мый водзӧсӧ лои, кызди суд бӧрас тӧчсис гозъялӧн олӧмыс? Гашкӧ, ставыс на лючки помасис? Гашкӧ, Прокушевъяс бурасисны да ӧні кургӧны коркӧясӧ казъ-тывтӧг?

Кӧть гӧтырсӧ дорйы, кӧть верӧссӧ мыжды-пиняв, кӧть дзик мӧдарӧ ставсӧ босът да бергӧд, ӧтитор ясыда тыдаліс — гозъя костті сьӧд кань мунӧма. Гашкӧ, кӧдзалӧмаӧсь сьӧлӧмнаныс ӧта-мӧд дорас, гашкӧ, радейтчӧмыс абу чужлӧма, гашкӧ, мам-батыс Альбина Васильевналӧн суйсьӧны гозъялӧн олӧмӧ либӧ кодкӧ коймӧд... Сӧ «гашкӧ» позьӧ шуны, а дзик збыльсӧ помӧдз тӧдмавны зӧв сьӧкыд. Сӧмын кадыс шыльӧдас дойяссӧ, петкӧдлас-восьтас, сяммасны-ӧ аддзыны гозъя ӧта-мӧд дорӧ колана ордымсӧ.

...Садми ме сӧрӧн, кӧкъямысӧд часын нин. Эг на удит мыссыны да тшай пузьӧдны, кодкӧ зӧркӧдчис нин сельсӧвет ӧдзӧсӧ.

— Тайӧ ме, Миш Вась,— кыліс тӧдса гӧлӧс. Сьӧд дӧраӧн жӧм пая, кӧч ку шапкаа, ыджыд гын сапӧга, сийӧ пошкигтыр воськовтіс порог вомӧн, гораа чолӧмасис.

— Абу тай ӧна кӧдзалӧма жырйыс,— пасьсӧ пӧрччигмоз Миш Вась сюся видзӧдліс гӧгӧр, быттӧ зіліс тӧдмавны, абу-ӧ мыйкӧ вежсьӧма сьлӧн ветлігкості.

— Пӧсявлі весиг, сэтшӧм шоныд вӧлі,— аттӧӧалі ме узытӧдӧм-ссыс шань мортӧс.

— А ме пыр водз локта. Асывнас лӧнь, некод оз мушшайтчы, дас кабала удитан дасьтыны,— серӧктыштіс Миш Вась да пыр и вӧйис: — Вай, зонмӧ, тшайтӧ пузьӧдлам. Сьӧлӧмнымӧс шонтыштам.

Тшай юигӧн нин, кор Миш Вась личальштіс асья кӧдзыдссыс, быттӧ нӧшта небзьыштіс сьӧлӧмнас, ме юалі сылысь:

— Коді нӧ тьян сиктын Прокушеваыс? Альбина Васильевна тай.

Гашкӧ, эз ков меным суйсьыны гозъялӧн коркӧя зыкӧ, ӧд сысянь колис нин дас вит во. Но кодкӧ быттӧ тойлаліс бокӧ: тӧдмав пӧ, мыйӧн помасис гозъялӧн веныс, ӧні кызди олӧны-вылӧны. Кӧнӧсь найӧ?

— Мый могысь нō тэныд Альбина Васильевнаыс? Школаас ветлан да аддзысьлан. Коми кыв сійō велōдō.

— Сідзкō, пыр на школаын уджалō? — чепōсийс менам вомысь.

— Уджалō, дерт. Дас во нин директоралō...

Ме виччыси: мый, думайта, водзōсō висьталас Миш Вась. Тōдō, дерт, ставсō ас сиктсаяс йывсьыд. И висьталіс. Быттō изійōн камгис юрō:

— Сійō ныв менам, медся ичōтыс...

Со тай оломад кызди артмывлō. Ставыс сэні ота-мōдыскōд йитчōма-гартчōма. Мōвпыштлыны эг куж, мый меным воча пукалысьыс, пōсь тшай юысьыс, Альбина Васильевналōн бать. Висьталан кō кодлыкō, оз эскыны. Шуасны — лōсьōдлан пō.

Сэк кості Миш Вась чеччис пызан сайысь, чигарка пешис да мōдіс отарō-мōдарō педзны. Син сертиыс быттō менсьым мыйкō кōсийō юавны, но вомсō оз востьт, ас пытшкас кывсō кутō, юрас мōвпьяссō бергōдлō-гартō. Тыдалō, бать сьōлōмыд кыліс, кыськō пō тōдō карысь воом мортыс менам ныв йылысь.

Чигаркасō кусōдигōн, пач дорсянь и юалис:

— Тэ меным висьтав вай, сōмын чукльōдлытōг — мый нō лои? Норасисны, гашкō, Альбина Васильевна вылас да? Карō гижōдчисны?

Нюмōй петіс Миш Васьлōн пессьōмысь. Чужōмыс мортыдлōн весиг вежсис.

— Эн полōй. Некод сы вылō эз норась. Восьшōрō повзинныд, Василий Михайлович, — лōньōді ме олома мортлысь вōрзьōм ловсō.

Сєрниным тай дзик мōдарō бергōдчис. Юрō эз воы, мый коркō мойвиас тōдмасьны да варовитны Альбина Васильевналōн батькōд. Бокōвōй мортлы пырōдчыны налōн олōм-вылōмō. Дзебсясьнысō водзō эг кут, быть лои петкōдлыны кабала чукōртō, сьōд сунисōн вурьштōм тетрадь листьястō.

— Тōрыт, пач вом дорын пукалігōн, ки улō сюрины кутшōм-сюрō гижōдъяс. Суд вōлōма сиктаныд, бура важōн нин. Тōварищескōй. Видлалōмаось кутшōмкō Прокушевальысь шыōдчōмсō, да сы вōсна и юали. Тōді кō, мый Альбина Васильевнаыс тиян ныв, гашкō, вомōс эг востьтлы.

Менам кывъясысь Миш Васьōс быттō йиа ваōн койьштісны. Ымōстіс кызкō ас ногыс, пытшкōссяньыс, вирыс ылькнитіс чужōмас. Гын сапōга коксō сьōкыда лэпталігтыр матыстчис мелань, шамыртіс киас кабала чукōртō. Кыв ни джын шутōг жō

довгис гӱгрӱс пач дорӱ, сувтовкерис, сӱсся тай дзуж-дзавӱчис гижӱдӱяссӱ, скӱрысь шыбитӱс пач вомӱ.

— Мый лоис — лоӱма, олӱмтӱ бӱр он бергӱд,— ышловзис Миш Вась, быттӱ уна во мысти гӱгӱрвоис: кольӱм кадад сӱмын мӱвпӱяснад верман суныштлыны, сӱмын син водзад сӱйӱс позьӱ сувтӱдлыны.

Ме воча нинӱм эг шу, виччыси, гашкӱ, Миш Вась ачыс мыйкӱ содтас. А сӱйӱ, здук ольштӱс да, и збыль гӱрӱдсӱ разис.

— Вӱлі татшӱм дивӱыс Альбина гозъялӱн. Бать сьӱлӱмад ӱд мыйкӱ инмыштӱс жӱ,— пач дорысь вешӱйс да мелань видзӱдліс Миш Вась. Эз скӱрысь, а дорӱысяна, мыжа морт моз, быттӱ мезьянь отсӱг виччысис ли мый ли.

— Суд бӱрас зятным прӱща корис гӱтырыслысь. Но абу вежсьӱма сямыс. Сьӱд понйӱдлы пӱ еджыд гӱн оз пет... Тӱлысь мысти бара чужъялӱма-нӱйтӱма, улыс дӱрӱм кежсьыс вӱтлӱма гортсьыс. Кыкнан челядьнас. Сьӱд войын миянӱ локтӱсны. Ырзӱны-бӱрдӱны. Сӱйӱ жӱ войӱ Геняыс и керкасӱ сотӱс. Код юрӱн. Ставыс тшын йыв кайис: и эмбурыс, и гид-картаыс.

Ланьтліс Миш Вась, бара мелань синсӱ чӱвтліс. Вештӱс видзӱдлассӱ бокӱ, гыӱра ӱшиньялань, зумыша содтӱс:

— Пӱль-пӱч на миян казьявлӱмаӱсь: ӱтилӱн пӱ шудыс чукийӱн тыр, а мӱдлӱн и чунылыс пыдӱсын абу. Дзик миян Альбина йылысь шуӱма.

— Мыждылісны, тыдалӱ, зяттӱ керка сотӱмсьыс?

— Пукаліс дзескыдӱнад. Петалӱс нин важӱн. Челядьсӱ Альбина, позьӱ шуны, ӱтнас и быдтӱс, кок йыланыс сувтӱдӱс.

— Кӱні нӱ ӱні Геняыс? Кодкӱд олӱ? Мый вӱчӱ?

Миш Вась воськовтӱс мудзӱм морт моз, шлапкысис-пуксис аслас пызан сайӱ. Лӱня, юрсӱ лӱдзӱмӱн, нурбыльтӱс:

— Школаас волӱгӱн Альбина Васильевналысь ачыд юав. Водзӱсӱ сӱйӱ мед висьталас. А ме на костӱ ог суйсьы. Ме нӱ мый? Батьыд нылыдлы верӱстӱ оз бӱрӱыв...

Чӱв усӱ Миш Вась. Водзӱ ни бӱрӱ. Быттӱ вомсӱ вурьштӱсны. А ме эг жӱ кут Миш Васьӱс песны-вӱрзӱӱдны.

Пасьтаси да петӱ сельсӱветысь, сиктса школалань веськӱдчи. Миш Вась нывкӱд аддзысьлыны...

# Манакъяслөн зарни

Дереванной сикт сулалё джуджыд кыр йылын. Ылөдз тасянь тыдалё. Кузнеч Васьяслөн керка дорсянь кё улиас, Эжва ю вылө видзөдлан, весиг юрид бергөдчө, сэтшөм крут бужодыс. Но ме, кор талань воливла-кежавла, векджык зия синмөн корсьны енэжтас помсьыс Улянаса манастыр. Поводдяыс кё абу кымөра да бужыш, өдий и усьё сийё син улад. Дереваннойсянь манастырыс бура тыдалё, коть эськё сыөдз абу өти верст. Да Эжва ю сайын на. Чача кодь кыр йывсянь манастырыс: еджыд, сөстөм, мойдын кодь дзик. Пөч висьтавлывліс меным — жыннян шыыс пө вөлі Дереваннойөдз кылө, медся ыджыдыс вөлөма 300 пудъя. Сылы ме, дерт, эскывлі. Пөч өд ачыс таявліс сэкся олөмсө, чужлөма нэм пуксигас да. Абу өти во батрачитлөма-уджавлөма Улянаса манастырас. Сэни оліс и пөчлөн чойыс, Катя тьотка, сэтчө поздысисны сылөн ныв-пияныс. Катя тьотка радейтіс воливлыны миянө, чой ордас. Пөчө онас гоз-мөдысь кайывліс жө Улянаө. Медсясө, дерт, ва туй вощьөм бөрын, теплоходөн. И тшөкыда менө аскөдыс босьтавлывліс.

Теплоходыд өдий шывгө-катө, мед коть и ва паныд да сук моль пөвстті. Озьяг посёлок бөрын регыдөн и Улянаса манастыр тыдовтчас. Да сэтшөм мича, зумыд, кыпыд, вомөс вощьтөмөн видзөда сы вылө. И нимкодяся, и шемөс бощьтө: вермылөмаөсь тай, сяммылөмаөсь миян пөч-пөль съөд вөр шөрын татшөм ыджыд вичкояса лэптивны-кыпөдны.

Ок и мича гөгөр! Съөлөмыд сылөмөн сылө. Манастыр өтармөдар бокас муяс вежөдөны, паськыдөсь найө да шыльыдөсь, быттьө кодкө сыналөма посни сынанөн. А на костын, дзик шөрас, джуджыд көлөкөльня сулалө. Эжва дорсянь видзөдлан да, быттьө лөз енэжас пыксьөма. Тасянь абу нин чача кодь манастырыс. Мөдарө, ыджыдсьыс-ыджыд, паськыд, зумыд тэчаса, му бердас нэм кежлө вужъясьөма. Турунвиж рөма вөр-ва пөвстас лым кодь еджыд. Коть эськё сэки нин манастырсө вөлі джынвийө кисьтөма-пузув-төма, чорыдджыка кё шуны, урөстөма.

Пөчө да Катя тьот, коді оліс көлөкөльня улиас, манакъяслөн



ичотик жырыйн, дыр варовитлісны ота-модныскөд. Тшай юлісны, петавлісны манастыр йөрө, кытшовтлісны гөгөр. Ме на дорын жө гартчи. Кыр йылын сулалігөн пөчө индивльвліс меным Эжва юлань, висьтавлывліс-велөдліс:

— Дереваннойдзыд, пиук, тасянь абу ылын. Эжвасө вуджан да, веськыда кө мунны, Улляна нюрө люкасян. Нюрсө вуджан да Съод ты бокө воан. Мича пожөма яг сэні сулалө. Кузя нюзөдчөма. Дозмөръяс койтны радейтөны. Ошгъяс ветлөны и. Водзө кө мунны, петан Кулөмдіно кайысь мир туй вылө, өкмысөд верстө. Манастырсө кыпөдысь-лэптысьяс пө тайө туйөдыс өна ветльыв-лөмаөсь.

Коркө меным Уллянаса зонпосни гусьөнпырысь, дерт, висьтавлісны: уна озырлун пө вөлөма татчөс манакъяслөн. Зарни чунь-кытшгъяс, мича дозмук, важ өбразгъяс да небөггъяс... Кор шуөмаөсь тупкыны манастырсө, выль власьт лөсьөдысьяс пө уна озырлун татысь петкөдөмаөсь. Но абу ставсө. Мыйсюрө пө, медся донаторьяссө, манакъяс кытчөкө нуөмаөсь-дзөбөмаөсь. Гашкө, орчча пожөма ягас гуалөмаөсь, гашкө, матысса сиктгъясө саймовтөмаөсь, төдса йөз ордө. Челядьыд челядь и эм. Менам синмөй өзйис жө манакъяслөн озырлун йылысь кывлөм бөрад. Сэки Уллянаса вель уна зонпосни корсисны манастырлысь зарнисө, кодйысисны киссьөм стрөйбаяс подулын, кытшлалісны матысса пожөма ягын. И висьталөны: то отитор, то модтор пө сюрлөма. Гашкө, и сюрліс. Но ме аслам синмөн нинөм эг аддзыв. А сөрнийд сөрнийөн и кольө. Кывнад изөмысь пө, пөч на шуліс, пызьыд оз артмы...

Но манакъяслөн зарни йылысь кывлөмторйыд дэльөдіс менө. Юала, мися, пөчлысь. Гашкө, сійө мыйкө төдө. Коркө и пані сөрнисө. Пөчө мудера нюмуніс, быгтгө төдіс, көні куйлө озырлуныс, да со мый висьталіс меным:

— Вөлөма зарнийд манакъясыдлөн, вөлөма. Ме та йылысь кывлі жө, Уллянаас на уджалігөн. Манастырсө тупкиг водзын, сөвтөмаөсь-чукөртөмаөсь став зарни көлуйсө ыджыд сундукө да томналөмаөсь. Та бөрын, съод пемыд войө, медым некод оз казаяв, вуджөдөмаөсь сундуксө Эжва ю вомөн да нуөмаөсь вөла доддьөн Съод ты бокө. Пожөма ягас и гуалөмаөсь. А томаныслысь ключсө өшөдөмаөсь медся кыз да джуджыд пожөм пулөн вож йылө.

— Збыль али мый? — юавсис менам. — Сідзкө, манакъяслөн зарнийс Улляна нюр дорын, Дереваннойсянь матын?

— Тадзи тай меным висьтавлісны төдысь йөз-а, — вочавидзис пөчө, сэссия сөрнисө водзө эз кут пестыны.

А ме сълөн кывъясысь öзйи, лудны быдлаті кутіс. Чепöсий да тойла бокас:

— Вай, пöчö, кайлам Съод ты дорöдзыс, мича ягас. Абу öд сэтчöдз ёна ылын. Гашкö, ключыс сюрас миянлы да?

— Мун сэтысь, — öвтыштіс кинас пöчö, — кысь нö öні корсян ключсö? Кымын во сійö кадсяньыс кольöма? Гашкö, кыз пожöмыд пöрис да сісьмис нин, а ключыс сімис муас зэр-лымсьыс. Быдман да, майбыр, көть мыйта корсь. А менам вын ни эбöс абу ягöдзыд кайлыны.

...Пöчö менам важөн нин куйлö кыз му улын. Оліс таладор югыдас дыр, көкъямысдас куим арöсöдз. Дзевим Кулöмдінö каян туйбокса шойнаö. Улляна нюрö буретш таті ветлöны дереваннöй-са войтыр мырпом да турипув вотны. Ачым ме, верстьöөн нин, кайлі жö Улляна нюрöдзыс. Гулыд пожöма ягö веськалан мир туйысь кежöм бöрын. Сынöдыс сöстөм, кокниа лолавсьö. Пожөм пуясыс сись кодьöсь, сярвидзöны — пом ни дор налы абу. Веськыда кө пыр мунны, Эжва дорö петан, Уллянаса манастырлы воча.

...Восьлала пуяс пöвстті, муртса тöдчысь ордым кузя. Юрын бергалö пöчлөн коркөя висьтыс — Уллянаса манакъяслөн зарни йылысь. Сувтышгла да корся синмөн медся кыз да джуджыд пожөмсö. Öти дорö матыстчыла, мөд дорö, со коймөд сулалö, нельöд... Мукодсö сывйыштны он вермы, сэтшөм кызöсь. Но сундук ключыс некөн оз тыдав. Гашкö, сійö эз и вöv да? Коді та йылысь öні стöча мыйкö висьталас...

Пöчö, пöчö... Бур да шань сьölöма мортөн тэ нэмтö вöлін. Сэтшөмөн и колин менам сьölөмын. Кымын во колис, а тэнсьыд висьттö манакъясөн дзевөм зарни йылысь некодлы эг весиг казътыштлы. Мися, серам выв лэптасны тöдысь йöз. А мед и сералöны, ёна кө колö налы. Ас вылын öд сералам, ог кодкө вылын. Чужан мулөн тöрыгтя кад вылын позьö шуны...

...Пöчлөн висьтыс нэм кежлö йиджтысис вежөрö. Кор казътышта сы йылысь, пöчöй сувтö син водзö, Уллянаса манастыр, Эжва ю, еджыд ялаа мича яг. А яг шöрас кузь пожөм сулалö, кык сыв кызта. Пу вож йылас, юр весьтын кымын, көрт ключ öшалö. Манакъяслөн зарни тыра сундуксьыс. Быгтьö ставыс мойдын кодь, но сьölөмöй öні на эскö — öшалö ключыс, öшалö. Гашкö, кодлыкö, шудаджык мортлы, сійö сюрас да?

# Иван лун бöрын

Гортö ме вои Иван лун бöрас нин, буретш вöлі сиктсаяс корöсь перйöны. Буса туй кузя шлапсьöдi-кайи Эжва нöрыс йылö, сэсся кежи шуйгавыв, паськыд ыб вомөн веськöдчи сикт помлань. Сэни и сулалiс миян керканым. Абу нин выль, ыджыд мам на пöлькöд кыпöдлöмаöсь.

Öшинь улын некод эз тыдав. Кильчö öдзöсö томан пыддиыс жель тор суйыштöмаöсь. Сидзкö, абу ылынöсь. Град йöр бокшатi кытшовтi керка пельöс, мунi пывсянлань. И быдсөн чуйми. Мый нö тайö? Пывсянкöд орччөн, луд вылын зымвидзис-сулалiс выль ва труба. Пелькиник, подуvsö кыз эжаөн гөгöртöма, улi дорышiсö сямöдөн гартовтöма. Со, мися, коркö тай удитлöмаöсь. Быдса тöлысь, тыдалö, мамö да батыö мырсисны. И ыджыд сям на татчö колö. Ва визяс кö он веськав, весь лöö пöсьтö кисьтöмыд.

— Мый нö сулалан вомтö паськöдöмөн, — кыськö пес чипас сайысь петiс нюмсö дзебысь батыö. — Выль олысь, миянöс юкталысь чужи...

Топöдлiс менсьым киöс зуд кодь кабырнас, пуксис пывсян бокö, луд вылас.

— Кык лунөн и кодйим. Но атшавмөн жö лои, — öвтыштiс кинас баты. — Дөрöмöс кöть пыдзырт вöли. Сыв кык-куим пырим да буждавын гөгöр кутiс. Вай, мися, Валюк, энотчам. Ванас и ставнас...

Баты пыдисянь лолыштiс, здук кежлö орöдчылис аслас висьталöмысь, быттьö син водзас сувтöдлiс неважөнся сьöкыд уджсö.

— Мамтö öд ачылд тöдан, бокö сийöс он кежöд, — элясяна гөлöссөн водзö йöткасис батыö. — Босьтчим да, помалам пö нин вай. Йöз серамсö огö вöчöй.

— Со тай, чача моз тутвидзö, — шусис менам воча.

— А мырсьöмыс мыйта сюрис? Не кö мамыд, сьöльштi эськö, эг бара-й кут юль шöрын му пытшкад луйкысьны.

Ланьтлим, пукуыштим сёрнитöг. Батылөн чужöмыс гождялöма, öгыр кодь гöрд. Бан бокъясыс топалöмаöсь, мудзыс сюрöма.

— Мамө нө көні? — юалі орччөн пукалысь батылысь. Кыкөн варовитам, а быгтьо кодкө оз тырмы. Мамө, дерт, код сэсса.

— Турун ытшкыштны кайис, ю бокө. Тонө тай локтө нин, Певрунь Оляс дорын. А уль турунсө нобъялөма! Асьсө од көрт кодьон лыддьо.

Чепөсийліс эськө бать воча, но бөр бергөдчис. Төдө, мый көть кызди эн дудгы-пинясь, мамө асьыс кутас нырны. Жуявмоныс ытшкас, локтас гортө, водыштлас час джын кежлө, юр пө висьопотө, видзөдан — бара нин косаөн төвзьө-мунө. Көть сэсса мый сылы шу.

— Пыксяс кө, он од модарө бергөд, — юрнас довкйөдліс бать. — тайо ва трубатө буретш Иван лунө петкөдіс кодйыны. Мырдөн сорөн. Кор бур йөзыс пызан сайын пукалоны...

А мамө миян сёрнитігкості коркө пырөма нин йөрө, сьөкыд нөбсө чөвтөма гид бокө, сулалө-чышкалө ылькнитөм пөсьсө килутшнас. Эг и төдлөй, кызди матыстчис миян дорө. Быгтьо өні на турунөн ноксис, а орччөн нин со сулалө.

— Иван лунө и петім. Мый нө жбутвидзнытө татшөм мича кадас, — кывлөма, тыдалө, миянлысь сёрнинымөс мам да пыр и суйсис меа-батьө костө.

Малыштіс пельпомөд, топөдліс эжөр турунөн өвтысь морөс бердас.

— Мудзис, мудзис батьыд. Ва труба пытшкас кык лун лукйысис. А ме му-няйтсө ведрөн лэпталі, сойясөй талун на жуньгөны, — серөктыштіс мамө, сэсса көмтөм кокнас шурс-шарс матыстчис труба дорө.

— Мый нө сідзкө асьтө чеган? — эз вермы терпитны батьө. — Коса кватитөмыд да бара нин турунла лэбзян. Шойччышт вай, йөзыс серам выв лэптасны.

— Төв воас да сэки шойччыштам. Мун сэтысь, эн дудгы, — дөзмис мам.

Бать броткыштіс на, но регыд мысти ланьтіс. Төдө од — тайо пур костысь ва койөм кодь.

Эз радейтлы ошйысьны мамө. Кокни олөмтө эз корсьлы и. Пыр вөлі шулывлө: зіль вөвлы пө — зөр, дыш вөвлы — ньөр. И кыскис асьыс олөм додьсө вир-яйсө жалиттөг. Сэтшөмөсь нин тай миян коми анясыд, сиктад чужлөм-быдмылөм нывбабаясыд. Ныр вылас усьтөдз мырсьөны-уджалөны, жугөдоны асьнысө. Горша, быд сөн зэвтөмөн. Мамө горш жө вөлі удж вылад. Пессис-котраліс нэмсө, видзөдан да, быгтьо уджсьыс некор оз пөтлы. И тадзи бөрья луньясөдзыс, бөрья здукөдзыс...

Воом бөрти, кор вөлі пукалам батькөд пывсян бокин, матыстчис мам выль труба дорө, босьтис киас чепня да гумовтис-лэптис сөдз көдзыд ва.

— Лок, Ольөксан, видлы васө. Ок и чөскыд, пиньтө сотө көдзыдысла, — горөдіс сійө меным. Ачыс көмтөм, пемыдгөрдөдз гожъя-лөма нин, сөмын еджыд чышгьянторйыс шыбитчө синмад, юркышөд сыысь гартыштөма-вөчөма.

Босьті ме тыра чепнятө мамө кыысь, апышти сөдз васө. Йи көдзыд вөлөма! Пиньтө поткөдө, горштө песовтө. Аслыспөлөс көра на, быттьө ма юан. Сөмын му пытшсьыс перйөм, лыа-изйыслөн лов шынас өвтө. Ки-кокөдз ылькнитіс, ыркөдіс пытшкөсөс. И сэтшөм лөсьыд сьөлөм вылын лои, быттьө некытчө эг и ветлы гортысь, чужанінысь, быттьө нэм тані олі. Син водзө сувтис челядырся кадөй, Эжва кыр йылын сулалысь сиктөй, Найдан ты бокө шылькнитчөм видз, көні коркө ёна и ытшкывлім мамкөд.

— Мый нө сулалан, вугыртін али мый? — кылі мамлысь гөлөссө.

— Майбыр тай ваыс. Ок и чөскыд жө, — нюмунлі ме воча да бара на апышти дзулькйөн тыра чепняысь пиньтө сотысь васө.

...Важ йөз на шулөмаөсь: олөмыдлөн пө пыдөсыс оз тыдав. Апалан-юан лун и вой, төлысь бөрся төлысь, ёнасө он и мөвпыштлы, мый майөг йылө катшалөн пуксьылөм дыра морт олөмыд.

И ва трубаыдлөн пыдөсыс вөлөм тыдалө, и мам олөмлөн. Нэмтөм-помтөм нинөм абу.

Эг дыр юөй сөдз васө выль трубасьыд. Гудыртчис ставыс, мөдарө бергөдчис.

...Войвывса гожөмыд истөг тув кодь дженьыд. Лольштнхытө морөс тырнад он удит, видзөдан да — арланьө нин катовтө. Буретш пемыд рытө пукалі ме өшинь дорын. Гортысь воөм бөрын, төлысь-мөд мысти. Пукалі, дзорги-видзөді сап пемыдас, а сьөлөм вылын гудрасис. Быттьө кодкө эз сет синмөс куньны, быттьө кодкө тойліс бокө: эн пө узь, Ольөксан, водан кө, бөр чеччыны ковмас.

Лөнь керка пытшкын. Гөгөр нин узисны. И тайө чөв-лөнньыс личкис менсьым вежөрөс, повзьөдліс сьөлөмөс. Морттө тай абу изйысь вөчөма-тэчөма. Быдсяма думъяс юрын бергалісны. Сэки на, гожөмнас, мамө шуис да: дженьыд нэма пө ме, пиук, пөчыд рөдө, тыдалө, кыскөма...

Гашкө, шмонитіс, гашкө, мудзөм бөрад висьөмыс топөдліс. Но кывйыс тай пышйис. Төлысь мысти и кватитіс висьөмыд. Чорыда кучкис...

Вой шөр гөгөрын нин, кор сьөлөмөй пессьөмсьыс быттьө лань-тыштис, пемыд чөв-лөняс триньөбтис телефон. Ярскөба, лэчыд гөлөса,

быдсөн мышкуой ыркавліс. Ме сулалі орччөн да полі шыасьнысö. Полі сы вöсна, мый вежөрöй тöдіс-артыштіс нин: тайö ас район-сянь писькөдчöны карас, ме дорөдз. А мыйла сьод пемыд войнас? Мыйла сэтшөм кузя да ярскөба триньйөдчöны? Ок, оз весьшөрö тайö, оз.

Нэм кежлө йиджисны вежөрö чойлөн кывъясыс.

— Эн повзвы, Ольөксан. Мамыд кувсис...

Буретш сэки, сёр рытö, и эштöма миянөс чужтысь-быдтысь-ным. Чой син водзын, ас сиктсяньным ылын, райбольничалөн мисьтөм виж краскаөн мавтөм жырыын.

Водз асывнас, муртса на югдыштіс, петі ме бара туйö. Сійö мустөм больничаас, көн вöлі на некымын вежон сайын, тэ дорын. Шудыд көть чунь пом ыджда, а кольöма на. Сюрис Эжва йывлань кайысь машина, нөшта и кабинаас, шоперыскөд орччөн, некод эз вöv.

Олөмад уна чукыль да вож паныдасьлө. Визув ва моз сійö визувтö, но он тай төд, кор да кодарö шыбитчас-кежас. А мукөд-дырйи здукөн ставсö кисьтас-жугөдас, рутш-ратш чегас... Быттö тулыснас Эжва вылын рыж йи.

Бара син водзö сувтö сійö гожöмыс, кор мамö да батьö кодйисны ва труба. Вой ме сэки гортö да вель дыр отсаси турун пуктыны. Сюра-бөжаыс карта тыр вöлі да. Мөскөн на олісны гортсаяс. Кукань котраліс мамö гөгөр, кык порсь руксісны гидын. Көрөмтö та мында аравайдлы мыйта колö заптыны! Көть видз вывсьыд эн петав. А гожöмыс сійö воас нөшта и зэра на вöлі. Шлявгө-кисьтö ведраысь моз водз асывсянь. Енэжыс букыш, шондйис нырсö мыччыны оз вермы. Мамö шөгö дзикөдз уси: турунтөг пö тай колям. Енмыс мыйыськө дөзмөма. Июль шөр, а покос на ытшкытөм. Дивö дай сөмын. Но весьшөрö мамö пессьöма-вийсьöма. Лун-мөд мысти сьод кымөръяс разалісны, енэжыс быдсөн кыптыштіс, сэсса воссис жö. Лэчыд шондйи югөръяс сатшкысисны му вылө, косьтисны ва гуранъяс, шонтісны сьөлөм. Весиг мамлөн чужөм кузяыс нюм котөртіс, Енмыс пö тай вөлөма на. Кыліс миянлысь сьөлөм дойнымөс. Быттö вежисны морттö. Лун мысти коса нин лөсьөдіс. Аслыс да меным. Ыджыд да сьөкыд удж виччысис миянөс. Аски петам турун ытшкыны. Мам радейтö вöлі шулывлыны: гожөмнас кө он уджав, төлын ош моз лоө певтö нөнявны.

Чеччим ми водз. Шондйис нырсö вөр сайысь мыччö вöлі. Батькөд бура дыр төчитчим. Кык косаөн морт вылө. Ок и лэчыдөсь лоины, көть босьт да ус-тоштö брит.

— Батьтö ми гортö колям. Мед пывсян ломтас да, мый да,— шуис меным мамö.— Кыкөн кайлам ю бокö. Гашкө, ытшкысны нин да.

Тшай юыштӧм бӧрын и петім туйӧ. А час мысти кык коса дзирдыштліс нин шонді улын.

Важӧн ме тадзисӧ эг ытшкыв. Мамкӧд орчӧн. Сьӧлӧмсянь, ныр вылӧ усьтӧдз, чуныасӧй дубавмӧн. Дӧрӧмӧй брӧд ва лои, пӧсьыс чепӧсьис да шорӧн киссис-лэччис чужӧм кузя. Быттӧ сӧмын на корӧсясьӧм бӧрын пывсянысь петі. Думысь эськӧ вӧтчи мам бӧрся, мися, пановта сійӧс, коля бӧрӧ. Кысь тай! Ачым, гашкӧ, кызь воськов сайӧ коли.

— Мудзин кӧ, асьтӧ эн жугӧд-пес, — номъясысь ӧвтчиг велӧдіс мамӧ. — Пуксьы тонӧ мыльк йылас, шойччышт, васӧ юышт.

Дерт, мудзи сы дорысь ме ӧдйӧджык. Велавтӧгыд. Шензи, кысь, мися, мамы сы мында вын-эбӧсыс. Абу ӧд кӧртысь вӧчӧмаӧсь морттӧ. Ог на удит лолыштны, пӧсьӧс чышкыны, а сійӧ швичкӧ-ытшкӧ нин водзӧ. И покосыс меысь паськыд да мича артмӧ. Кор дзикӧдз мудзас, кабыртас уль турун, чышкас косасӧ, ӧвтыштас меным:

— Шойччыштам, Ӗльӧксан. Атшалі тай, лолыштам вай.

Нюжӧдчам маӧн ӧвтысь турун вылӧ. Лолыд тырӧма, сьӧлӧмыд, дась вомтӧгид чеччыштны-петны. Куйлан да ки-кокӧ вӧрзӧдны дыш. Мам жӧ сӧк кості бара киас коса босьтӧма, лэчтасьӧ: чурс-чарс, чурс-чарс, гирс-горс. Меньсым коса тшӧтш лэчталас и. Видзӧдан, термосысь пӧсь тшай нин кисьталӧ.

— На, юышт, горштӧ веськӧд. Ваыд ӧд миян чӧскыд, абу карса кодбыд.

Ачыс юӧ жӧ, гожъялӧм плешсьыс чышгьян помнас пӧсьсӧ чыш-калӧ. Ок и лӧсялӧ тшайыд тайӧ здукас. Ырскан кружкасьыд да он и пӧтлы. Сьӧлӧмыд бурмӧ и. Горшыд веськалӧ. Орчӧн мам пукалӧ. Нимкодъ, мый кӧть со тадзи отсыштны верман. И шудыс ылькнитӧ жӧ пӧсьыс моз да шонтӧ сьӧлӧмтӧ, ловтӧ, вежӧртӧ.

Кутшӧм дженьыд миян олӧмным! Югнитас-тӧвзяс дзирдалысь кодзув моз лӧз енӧж пӧлӧныс, видзӧдан да, кусӧма-усьӧма нин... Нӧмтӧм-помтӧм нинӧм абу. Смертьыд пӧ тай мортдылӧн кокля-бӧрад вӧтлысьӧ. А сӧсся... Кӧрлӧн кольӧ сюрис, мортлӧн — бур нимыс. Вӧльной светыс дзоньнас кольӧ. Быд тулыс мӧдас ловзыны му-ва, быд гожӧм маӧн ӧвтны вӧрса дзоридзьясӧн тырӧм видзьяс. И бара Иван лун бӧрын шарскыны-ытшкыны петасны сиктса бабаяс, бара налӧн мышныс оз косьмыв гожӧм помӧдзыс... Сӧмын ме ог нин некор аддзы ичӧтик ю бокысь, бадьяс пӧвстысь, тӧнсьыд, мамӧ, еджыд чышгьянтӧ, ог кыв, кызди коркӧ вӧлі шулывлан мелі кывъястӧ: «Со кутшӧм мича луныс, Ӗльӧксан. Вай кайлам видз вылад, ытшкӧбтам Сярукыдлы. Мед сӧмын оз зӧрмы-а».

Мый öнi шуан, мый казьтыштан? Кысь ме сэки тöдi, трубатö кодйöм бöрын волiгөн, мый тöлысь мысти ставыс помасяс. Сьöкыд висьöм топöдiс тэнö, личкис вольпась бердö. А сы бöрын эн нин чеччыв, эн нин вермы шуны ни öти кыв. Сöмын восьса синъяссьыд юрлöс вылад тюрисны сöдз синва вöйтъяс...

А ю бокад, миян видз вылын, чорзисны ма кöра турунъяс, и кык коса-гöрбуш куйлисны сарайын, тöчиттöмөсь, ныжöсь. Ставөн вичысисны, кор тэ бурдан. Но лолыд тай матын вöлöма...

И сэки, кор чойлөн шог юöрыс сотыштіс сьöлөмөс, кор ме шöйöвоши да эг тöд, мый вöчны, кыськö ылысь-ылысь юрö воисны тэ йылысь гижлöм кывъяс:

*Олөмыс тэрмасьö-мунö,  
Лун бöрся жбыркнитö лун.  
Паметьысь унатор вунö,  
Мамöйй некор оз вун.  
Ола ме ылын ли матын,  
Гортöс оз аддзывлы дыр.  
Мамöйй морöсын, татөн,  
Сьöлөмкөд йитчöма пыр.  
Первойысь кок йылö сувтны  
Донайй отсавлин тиöтш.  
Мамököд ытшикывлим, куртлим  
Юбокса эжöра кöдж.  
Колян тэ нэм кежлö шаньён,  
Ставнымлы мелі да бур.  
Мамуклы — медмуса аньлы —  
Кок улöдз копыртла юр.*

...Тайö больничасö, кодi сулаліс райцентр шöрын, пыр мустöмт-лісны сиктса йöз. Кык судта, пемыд виж краскаиñ мавтöма, нидзув кодь кузь да мисьтöм, сійöс быттö кыпöдлöмаöсь абу ловъя ловъясö бурдöдны-лечитны, а найöс повзьöдлыны.

Дзескыд да джуджыд пötөлöка жырийын куйліс некымын морт. Лекарство дукөн паркнитіс порогсö воськовтöм бöрын на, көрт крöватьяс топöдчисны-жмитчисны öта-мöд бердас — воськовт-нытö некытчö.

Крöвать помас и пукси ме. Пукси ньöжйöник, мед не торкны-вöрзьöдны мамлысь унсö. Синвайй дольсвидзис матын, мися, ыльк-нитас йöз водзас-а. Кутчыси кызкö тай. Көть эськö горшö тасасьöм ёкмылыс чазöдiс-сотiс синмөс, йирис пытшкөсöс. Тані,

больничалон дзескыд жырыын, вөлі гажтөм да лөнь. А өшинь саяс, быттьо мичаа вөччөм ныв, сулаліс баба гожом. Больнича йөрын кызд пуяслон гөрдөдыштөм корьясыс мыйкө лөня шөпкөдісны өта-мөдыслы.

Важ йөзсянь на волөма: бөрья кывтө пө медводз оз шулыны. Бөрья кывтө... Сьөлөмыд көдзавлө таысь, юрид позявлө. Бөрья, сідзкө — сы бөрын нинөм нин абу. Ни лөз енэжыс, ни дзользысь лэбач, ни Эжва ю. Орө ставыс да вошө-сылө, сунө джуджыд йирө.

Бөрьяысьсө ми мамөкөд сөрнитім пристань дорын, теплоход виччысигөн. Кор нин воис торйөдчан здукыс, сійө сывйыштіс менө пельпомөд, топөдчыліс да лөня, көдзыд ваястө жар луньяснад юөмысь чырыштөм гөлөсөн шуис:

— Эн сэсся дивит, ёна уджөді да. Аттьө турун пуктөмсьыд. А письмөтө гиж, видз асьтө лөк йөзысь и.

Дыр на сулаліс Эжва кыркөтшын, видзөдіс ылыстчысь теплоходлань.

Мый йылысь тэ сэки мөвпалін? Гашкө, сьөлөмыд кыліс нин — ог нин сэсся аддзысьлөй, ог нин кутөй шарскыны-ытшкыны өтвылысьтө юбокса видз...

Аддзысим тай эськө, но гортсянь ылын, шудтөм местаын. И сьөлөмтө өд нюкыртө тайө аддзысьлөмыс. Со куйлан тэ көрт крөватьын, чужөмыд топалөма, син гураньясыд вөйөмаөсь, сьөдөсь. Лолалан-сурган, он төд ни менө, ни чөйөс. Восьтан синтө, видзөдласыд гудыр, повзьөдчана. Гашкө, абу и ас саяд. Песовтіс тэнө висьөмыс, чегис муса мамөс. Көть горш тырнад горзы, а отсавны ог вермы. Кысь нө отсала, кор бурдөдысь-лечитысьсясыс довкйөдлөны юрнаныс, воча шуны нинөм оз сяммыны. Сөмын укол помся вөчөны, ёсь емөн розьөдлөны тэнсьыд гожьялөм ки-коктө. Весигййыд лөзөдөма нин көрт емсьыс...

Сьөлөмыд ён на вөлөма, кык вежон чөж пессис-водзасис сійө сьөкыд висьөмыслы, кык вежон чөж тэ косьмин-олін больнича жырьяс көрт крөвать ылын. А өти рытө, сөрөн нин зэв, бөрьяысь лольштөмыд лекарство көра сынөдсө, сэсся лөня и ланьтөмыд. Чөй син водзын...

Райцентрсянь миян сиктөдз сэки ва туй на вөлі. Эжва кузя мотора пыжөн позис сөмын воөдчыны. Увланьтө өдйөджык, час кыкөн.

Луныс мича пуксис. Асывсяньыс шондіа, лөнь. Пыдөстөм лөз енэжыс өшаліс юр весьтын кымөр чуттөм, быттьө төдөма миянылысь курыд шөгсө. Эжва бокса видзьяс ытшкөмаөсь нин, сөмын

гырысь зорөдъяс, өтияс — вит пинь костаось, мөдъяс — дас-дас кыкөдэ, сярвидзёны берег пөлөн.

Мотора пыж жургис-лэччис ю кузя увланы, камөдчис сука кывтысь молльө, то нетшыштчыліс водзё, то ньөжмөдліс ассьыс өдсө. Ме пукалі пыр нырланысь да шога видзөді син водзті шлывгысь арся пармаланы. Кутшөм мича сійө пасьтасьөма-вөччөма! Быттьө мамөн кыём уна рөма джодждөра. Ворсөдчө-вежласьө, синтө коть эн вештыв. Но нимкодясьнысө лов эз лэпты. Ни вын абу. Пыжас жө, мекөд орччөн, куйлө мамө. Кыз ной шебрасөн гартыштөма.

Ва кывтчөс шлывгө мян пыж, гортланы, чужан сиктө. Лөня сулалө берег пөлөн арся вөр. Небыдик воча төвру летө мамлысь рудов юрсисө, мырдөн восьтө чужөм вывсьыс шебрас помсө... Меным и аслым окота синва сорөн горөдны мамлы: видзөдлы, мися, гөгөр, кутшөм мича арся вөр-ваыс, кутшөм төдса тэныд енэж помөдзыс шлывкнитчөм пармаыс. Тонө Кузөбью усьө-петө Эжваө. Ачыл на тай вөлі висьталан, кызди сэнй тулыснас, йиа ваын, уявлөмныд война кадө кер кылөдигөн. Дас квайт ар сэки и вөлөма. Сюрлөма тшөтш көдзыд баракад овны и ном-гебтө гөжөмнас вердны. Томсянь песөма тужа-нужаыс, велөдөма нэм помөдзыд тільсьыны-мырсьыны. Со танй, местасө Кузь лыаөн шуөны, мыйта турун на ытшкывлін. А өд сиктсянь верст дасыд лөө. Гусьөн лои пуктысьны, мед некод бара-й оз аддзыв. Кадыс сэтшөм вөлі, йөв-яйтө вөчөмысь топөдісны. Но эн сетчы, пыр мөскөн олін. Миян вөсна, дерт, куим посни вом вөсна чегсин-жугөдчин...

Мам сьөлөмө ставыс пө инө. Инө, дерт, абу өд сійө көрт ёкмьель. Меным пыр шуліс — видз пө асьтө. Челядь вөсна төждысис-пессис, асьсө жө нырис-жугөдіс. Этшсө эз төдлы. Кымын во пекарняын пөжасис, чөсмөдліс сиктсаясөс небыд няньөн. Көдзыд төвсы рыгъяснад, кор няньшомыд оз кыпты, гоз-мөдысь котөртлас удж вылө, менө тшөтш босьтлас аскөдыс, гажтөм пө өтнамы да. Весиг көрт пач ломтылас пекарняас, мед шоньдджык лои, мед аскинас мича тупөсьяс петкөдісны лавкаө. Турунтө ытшкигөн моз жө тэнад мышкыд пыр вөлі ва. То пес колө поткөдлыны-пыртлыны, то сизимдас килоа мешөкъяс. А ваыс мыйта мунліс! Бара жө ас вылад, бара жө ки помысь. Ыджыд кынөма нин вөлін, но уджсьыс эн лэччысь. Гашкө, и коліс да. Öнй эськө менам нөшта содтөд чой ли вок вөлі. Эз тай Енмыс сет, кулөма кагукыс, кынөмад на. Дзэбны ковмис, Гажа ягө катөдны...

Сиктө воөм бөрын нин, кор бабаяс мамөс мыськалісны да водтөдісны паськыд пөвъясысь вөчөм гортійө, измөм-чорзём пытш-

көсын мыйкө вөрзис да синвайи ачыс кутіс ылыкыны-петны. Дзебөм водзвылас войбыд пукалі мам дорын. Быгттьо ставыс вөтын, быгттьо тайо абу мекөд. Часлы, қуныла синмөс, восьта, а мамө ловья, бара нин пачводзын пескөн клопөдчө, пөжасьны чеччөма. Либө мөс лысьтанінысь пырө. Чеччөй пө, асылыс со кутшөм мича, узьнытө сюрлас на.

Но чөв оло мамө. Лөня куйло гортйын, быгттьо шойччө сьөкыд удж бөрын...

Дзебан луныс мича жө пуксис. Шонді югөрьяс водз асывсян ворсөдчисны гөрдөдыштөм кыз пу корьясөн, гөгөр лөнь, төвру весиг оз пөльышт. Зарни рөма ар здук кезло дзебліс асьыс ловшысө, мед нимкодьясьыштасны сылөн мичлунөн. А гашкө, кыліс, мый мамөс колльөдоны бөрья туйө, да шогалис, чөла видзөдіс, кызди йөз лөсьөдчөны-мөдөдчөны Гажа ягө?

Лун шөр гөгөрын локтіс пу доддя трактор. Бать кайліс лөскө да лэччөдіс мича джодждөраяс. Мамө найөс ачыс на неважөн кыліс. Видзөма тай, быгттьо төдөма, мый ковмасны.

Джодждөраяссө вольсалисны пу доддяс, петкөдісны да пуктісны сэтчө мамлысь гортсө. Йөзыс чукөрмис уна, медсясө сиктса бабаяс — оломаяс и томьяс. Öтияс чышкалісны вазьөм синнысө, мөдьяс шөпкөдчисны орччөн сулалысьяскөд. А Öльө Анна, мамкөд тшөтшья, кузь тушаа, косіник чужөма нывбаба, кодкөд мам том кадас моль на кылөдывлөма, синва сорөн горөдіс:

— Водз тай вольной светсьыс муна-а. Ок, томөн и лоө пырны кыз му улад. Кымын сыланкыв на эськө ми сьывлім да...

Кор трактор доддыс вөрзис бөрья туйө, Öльө Анна шөпнитіс орччөн осьалалысь бабаяслы:

— Вай сьылыштам, мед лөкөн оз казьтыв миянөс Валушыд. Радейтө өд вөлі ачыс коми сыланкывьястө.

И ачыс и нюжөдіс нор гөлөсөн:

*Мыйла нө, шондіөй, вөр сайө лэччөмыд,*

*Му вылө ыстін сьөд вой?*

*Мыйла нө, мича ныв, омөля вөччөмыд,*

*Абу нин важ кодь тэ збой?*

Трактор додь бөрся осьалалысьяс отсыштісны сылы да гу дорөдыс пыр юргисны-кылісны шогалана коми сыланкывьяс. Найө кырлөдлісны сьөлөмтө, пычкисны синва...

Сьылісны кө бабаяс, сьылісны эз весьшөрө. Сідзкө, радейтісны, пыдди пуктылісны асьыныс өртсө, менсьым мамөс.

...Некымын во нин коли сійо арсянныс. Бать пыр на отнас олө. Абу, дерт, кокни сылы. Отка мортто пө төв кызди көсийо куснялө. Но ёнасө оз на сетчы кадыслы, водзсасьо. Сэссия и велаліс нин кутшөмакө отка олөм дорад.

Сёр арнас нин петім өшинь улө, матыстчим ва труба дорө. Бать ышлалалө мыйкө, педзө места вылас. Шуис жө помланьыс:

— Ваыс трубасыд пышйис. Мам кулөм бөрад. Гашкө, тулыс-нас воас да?

Бать зэв эскана, жугыль сингьясөн видзөдліс ме вылө. Жаль быдөн лои. Матыстчи сы дорө, топөдлі кос пельпомөдыс.

— Воас, дерт, быть воас. Тайө жө мамыдлөн трубаыс. Кыкөн тай кодйылөмныд.

— А оз кө ло ваыс? — эз лэччысь батьо.

— Выльөс кодьям. Тэ да ме. Сідз өд?

Батьо довкнитіс еджыд юрнас, нюммуніс да кокниа лолыштіс, быттё мездмис кутшөмкө шог думысь.



# Бательы гөтыр

Уль лым шляпкис-усис кынмывлыгөм на му вылө да здук мысти сыліс нин, көтөдіс-няйтөсьтіс гөгөр. Пөльыштис көдзыд төвру, нөбөдіс-нуис лым чирьяссө кыгчөкө вывлань. Гажтөма кышақылісны кызд пуяслөн өтка-өтка корьясыс. Зумыш, пемыд енэжыс пыксис паськыд морөснас кирпич керкаяслөн вевтясьсө, и сөмын сөрмөм ветлысь-мунысьлөн кок шыыс ылөдз кыліс ланьтөм карын.

Володя сулаліс өшинь дорын да жугыля видзөдіс, кызди төвзбөны-лэбалөны пемыд ывлаын гырысь лым чирьяс, ляскысьбөны стеклөө, ва войтөн тюрөны увлань...

Эз узьсы Володялы, мый сэсса вөчан. Кодкө быгтьө унсө гуис. Видзөдіс пемыд өшинь сайө, битөм керкаяслань, а син водзас бательы сулаліс. Ылын-ылын сійө тасянь, чужан сиктас. Мый бара өні вөчө-а? Узьө, дерт нин. А гашкө, песьсьө-бергалө гөбөч вылын, өтка-олөмыслысь курыд шөгсө сьөлөм пырыс лэдзө, думьяснас ныв-пиыс дінө волө, гөтырсө, Володялысь мамсө, казьтылө. Мед көть и войнас, он тай ыджыд дойтө здукөн вунөд, вирад сійө йиджтысьсөма-пырөма, морөстө сотө-песовтө.

Жаль Володялы бательы. Висьөм кө, шуам, топөдас, ватө некодлы мыччыныгө. Тонө тай Микул Педөрөс вежон мысти сөмын казялөмаөсь. Другөн кувсьөма да. Керка өдзөссө жугөдөмөн лөөма пырны. Кватитчасны, а Микул Педөрыд паччөрас кын куйлө. Лөзөдөма нин...

Ёкнитіс Володялөн сьөлөмыс татшөм шуштөм думсьыд, йирмөг мышку кузяыс котөртис. Синва петмөныс бательы жаль лои. Регыд на сы ордысь воис, а гажыс бырөма нин. И сьөлөмыс ёпкө-доймө, пөрьяліс пөрысь морттө да. Мыжмис сійө бать водзас, ок и мыжмис. Синмас видзөдлыны яндзим. Неважөн тадзисө лои, таво ар, картофель керан кадө...

Сентябрь заводитчигөн, буретш баба гожөм пуксис, Володя мөдөдчис гортас, Эжва катыд. Бательы водзвыв, гожөмнас на, гижліс: коскөй пө висьө-юкалө, эбөсөй абу нин, көть лун-мөд кежлө волы, картофель идравны отсыштан.

Петіс карысь водз, первойя автобуснас. Лун шөр бөрүн и воис ас сиктас. Сывйыштіс-топөдліс батьсө паськыд морөс бердас, окыштіс бытшкасьысь бандзибас. Өтка оломтө пыкигөн батыс косьмөма дзикөдз, сартас кодь лоөма. Ыджыд нырыс и кольөма коньөрөйлөн. А батыс чышкыштіс килутшнас вазьом синсө, быттө кыліс сьөлөмнас, мый йылысь мөвпаліс тайө здукө пиыс.

— Со тадзи и ола. Лун да вой. Мый сәсся керан, Володя, өтнам коли да, — чирөм гөлөсөн пыдзыртіс ас пытшсьыс батыс. — Личөдчы вай, час шыд чөвта, кынөмыд, көнкө, сюмалө.

— Эг өд пес керав. Коскө эз на суй, — пыксьыны мөдліс пиыс, но пуксис жө пызан сайө.

Батыс нимкодьпырысь жөдзис өтарө-мөдарө, чай пуктіс, шыд суйис шонтыны. Володя видзөдіс сы вылө да жальыс петіс: өна тай омөльтчөма батыс, ичөтджык быттө лоөма и. Юрсиыс лым кодь еджыд, өти сьөд прать оз тыдав. Гач ситаныс өшалө, дөрөмыс чукрасьөма, гашкө, төлысь эз нин пеласьылы. Юавны абу лөсьыд-а. Дөзмас-чушкөдчас, колөкө.

— Ме ньөжйөнникөн керны нин петі, — гораа висьталіс батыс. — Картупельыд таво абу посни, вель уна шедас.

— Мый нө өтнад лукйысян. Йөз серам вылө. Ме тай со локті. Көсийсьлі да, — дивитыштіс батьсө Володя. Мөдыс чөв оліс, ноксис пачводзын, но регыд мысти шыасис жө:

— Мися, зэравны, дашкө, кутас. Көтөдас кыкнаннымөс.

— Мед зэрас кө. Абу өд сөйысьсөсь. Огө ньөдздөй. Мамыд тай, шонгьянөй, пыр вөлі сентябрь шөрас петавлө-а.

— Өдйөджык помалам. Тэныд лэччыны ковмас. Сідз өд?

— Сідз эськө да. Вай керыштам на талун, — кутіс асланьыс кыскыны Володя.

— Талун огө нин. Шань. Туй бөрад шөйччышт. Менам регыд пывсян ваймас и. Сьөлөмтө корөсьөн бурмөдан, карса буссө пожйыштан.

— Пывсьыны кө, пывсям бара-й. Мыштө көть зырышта, корөсяла, — сетчис батыслы Володя.

— Тшай юөм бөрүн и петам. Картупельыд өшинь увсьыд оз на пышйы. Керсяс коркө...

Батыс котөртліс пывсянө, лөдсьыштны пө колө, а Володя пырис орчча жырьө, вежөс сайөн кодөс нэмсө шуисны гортсаяс. Абу тай нинөм вежсьөма тани. Стен бокас шкап сулалө, орччөн небыд диван, ылынджык, мөдар пельөсас, югьялысь дорыша крөвать. Бура важөн нин сийөс ньөблісны сельпо лавкаысь. Мамыслы зэв ним-

кодъ вѳлі, мый югъялысь крѳватъыс налы вичмис. Некрымынѳс пѳ и вайлѳмаѳсь карсянь.

А со и гѳгрѳс пызаныс. Кык чунъ кыза ѳн пѳвъясысь вѳчлѳмаѳсь. Абу коз либѳ пожѳм пу. Гашкѳ, дуб да. Пызаныс нѳмѳвѳйся жѳ. Дзик ѳшинь дорас сулалѳ. Кѳнкѳ пызан шѳрас чаль тѳрмѳн розъ эм. Во кызь сайын кымын, батьыс сѳки милицияын уджаліс, весалѳ вѳлі ассъыс «макаровсѳ». Мыйкѳ дыр нускис пызан дорас, сѳсся тай кыз шковгас... Муртса ставнысѳ эз весьѳпѳрт. Мамыс сѳки рыгывбыд дыдгис бать вылас: сямыд кѳ пѳ абу кѳрт ѳкмыльнас ноксъыны, кай Кулѳмдінад да бѳр сет аслад начальстволы. Мѳдыс шѳйѳвошѳмѳн зыньгис: эг пѳ тай кыкысь лый, ѳтчыд сѳмын.

Пызан весьтас, еджыд краскаѳн мавтѳм стенин, ас вѳѳм рама. Вель ыджыд, кузьмѳс. Шуйга пельѳсас мамыслѳн карточка. Ар нелямын квайта сійѳ сѳні. Нюмъялѳ-видзѳдѳ Володя вылѳ, быттьѳ ловъя дзик. А карточка гѳгѳрыс некрымын Почетной грамота. Бур уджысь сетлѳмаѳсь, сиктса войтырлы нянь пѳжалѳмысь. Синсѳ моз мам найѳс видзис. Стеклѳ улѳ на, рама пыгшкѳ, суйны батьсѳ тшѳктіс. Ок мамѳ, дай мамѳ! Сьѳлѳмтѳ бурмѳдѳм ради али мый могысь тѳныд колѳны вѳлі тайѳ мича кабалаторъясыс? ѳні татшѳмъясыд книгаѳн вузасян быд лавкаын бусѳссьѳны. Ньѳб да кѳтъ дасѳс гиж-лѳсьѳд, козынав кодлы кѳсьян. А сѳки, комын во сайын, мамсѳ зѳв нимкодъ босътліс грамотатѳ сетѳмсьыд. Воласны чина йѳз, ошкыштасны зіль уджысь, пызь мешѳктѳ мыш вылас кыскалѳмысь, тувкасны, коньѳрѳйлы, грамотатѳ да бѳр тувгасны-каясны райцентрѳ. Тадзи пѳ и водзѳ тільсьы-уджав, Николаевна, ми тѳнѳ ог вунѳдѳй, пѳжав небыд няньтѳ. Грамотаястѳ сетливлісны, а выль пач тѳчны пекарниас либѳ кос пес вайны эз некод сяммыв. Сідзи и лои нѳмсѳ няньшомтѳ кинас лѳйны, сизимдас килоа пызь мешѳкъястѳ ас вылас кыскавны. Кувсьыгтѳдзыс, бур олѳм да кыз сьѳм аддзывтѳг...

ѳшинь курич бокын кѳрт тув йылын мамлѳн пернаыс ѳшалѳ. Еджыд шѳртыс сьѳдѳдѳма новлѳмсьыс, пѳссьыс да ньылѳмсьыс. Пернаыс ичѳтик, чунъ гыж ыджда. «Спаси и сохрани» гижѳма. Эз тай некод дорйы да видз тѳнѳ, мамукѳй. Зѳв на томѳн лои кыз му улад пырны. Пернатѳгыс али мый дзѳбисны бабаяс? Гашкѳ, мѳд вѳлі да. Мыськалѳм бѳрас ѳшѳдїсны кѳрт тувйѳ дай. Эз юавлы та йылысь сиктса бабаяслысь Володя. ѳні со юрас дѳвгис. Эз юасьлы сійѳ мамыслысь и ловъя дырйиыс, эскѳ-ѳ Енлы. Век вежавидзис, яндысис, поліс сьѳлѳмсѳ дойдѳмысь. Пыртны эськѳ Володяѳс весиг карса вичкѳдз лѳчѳдлѳма да, батьсьыс гусьѳн. Мед пѳ

коммунистыд оз төдлы, казялас кө, нөшалас. Бөрүнджык нин явитис мамыс. Көджпом вичкоын пыртгөн пө Володяд пописы кузь тошкас шашаритчыліс. Одва и мездім. Батъыс сөмын юрсө гыж-йыштөма да крапкөма бабаяслы: вомнытө пө ёнасө эн калькйөдлөй, йөз сёрни вөчөй. Пыртінныд кө, мед дай. Енмыс пө, гашкө, дзонь-видзаөн да мичаён отсалас быдтыны. И клопнитөма-юөма сійө рытнас быдса доз, сывны весиг горөдөма, ассыс радейтанасө:

— Я люблю тебя, жизнь,

Я люблю тебя снова и снова...

А мамыс Володялөн сөстөма оліс, вөрса ёль моз тельгис сылөн гөлөсыс вөльнөй светас. Сур-винатө вом дорас и вайөдліс, чурснитас да бөр пуктө. Гашкө, сылөн аслас Ен вөлі да? Код төдас, коді өні мыйкө висьталас...

Небыд корөсьөн пывсьөм-швачөдчөм бөрүн батя-пия бара пуксисны пызан сайө. Володя шлапкис ва юр вылас паськыд ки чышкөд да чөла видзөдіс, кызди батъыс вундалө карысь вайөм калбас. Вөсньыдика, чөланөн-чөланөн. Видзыштө, дерт, мед дырджык тырмас. Мамыс эськө кык чунь кызтаён шөрыштіс, нямыльтлам пө вай, Володя, гөснечтө-а...

Бара мам йывсьыс лои казытыштөма рытланыс. Но кысь нө он казытышт, пыр син водзас сулалө Володялөн да. Тонө пальто-ыс өшалө, шкаф востан — көлуйыс сәні тыр. Став джодждөрасө на мамыс кыліс и. Куим во нин колис, а быттьө төрыт сьөлөм сотысь бушуляыс муніс, нөбөдіс-нуис мамсө мөдар югыдас.

Батъыс чеччыліс пызан дорысь, пыраліс вежөс сайө. Петө мөдарсыс, нюмъялө вом тырнас. Водка дозъя. Малыштіс сулея юрсө, топөдіс еджыд чышъянасө помазея дөрөм бердас.

— Дзебасын видзи век. Мися, тэ волан да сәки лэпта, — ошйысьөмпырысь сувтөдіс дозсө пызан шөрө. — Восьт вай, пывсян бөрад лөсялас.

Володялөн шонавліс морөс пытшкөсыс. Батъыд тай, майбыр, бать на и эм. Отнас дзик колис, бөръя вужйыс чужан сиктас. Мыйкө кө, шуам, лоө, код дорө Володя кутас вольывлыны? Дзикөдз сәки бать-мам керкаыд киссяс, тыртөммас-шуштөммас гөгөр...

Со кутшөм нимкодъ батъыслы, оз төд, кыгчө и пуксьөдны писө, мыйөн вердны-чөсмөдлыны. Бөръя дозсө, гашкө, судзөдіс. Кысь нө пөрысь мортыслы унаыд өнія олөм дырйи. Быттьө смекайтчөны йөз вылас, песөны налысь ловсө, дэльөдчөны.

— Ме ог, ог, планыс тырөма, — пыксьыны кутліс батъыс, кор Володя восьтіс водка дозсө.

— Муртсатө позьө жө. Сы дыра эг адззысьлөй да...

— На, войтöдышт инö, — сетчис бөръявылыс батыс да стопка пыдди мыгчис кыскö чаль судта румка. — Аски висьöдны кутас-а.

— Мыйысь нö?

— Винасьыс...

Володя шпыньмунис да эз кут мырдөн жмитны батысö, пыдöсöдзыс куштис асьыс стопкасö. Исыштис сьöд няньтор, суйис вомас сола ягсер. Батыс чурснитис винатö, чукиртчылис, быттьö некор абу юлома. Пукалö со, няклялö карысь вайом калбас, румкасö увланыюрöдöма: тырмас пö сэсса. Но öд питö он пөръяв. Юлывлін, майбыр, том кадад. Вель ёна на. Öнi асьтö видзан, тыдалö. А сэки, во кызь сайын... Мунасны вöли нимлун сёйны Öгаш Аннаясö, Володялөн вежань ордö, либö Петыр Иванъясö, мамсяныс ыли рöдвужъясö, кык-куим лун сы бöрын висяс, нянь чепöль вомас оз босьтлы. Мунтöдзыс на мам эськö тувкöдас батысö:

— Эн нин вай, Николай, ю сэнi. Сёй ёнджыка, мед он коддзы.

— Öтиторсö век долян, — дözмас батыс. — Абу öд ичöt кага. Мöс вый паньышта дай. Нинöм ог ло.

И збыль öд сёяс, меж юр ыджда вый ёкмьль гумьльтас вомас. Володялы жаль весиг выйыс лолö. Югдигөн нин бöрсö воасны. Зөркөдчас мамыс, кинас шлапкөдö. Батысö даддьөн кыскöмаось сикт помсянь, пласът куйлö. «Вый пö отсалас, кузь лешаклы, — броткөдчö мамыс. — Вай пыртам көть, ки-коксö кынталас...»

Палялём бöрас батыс шыр кодь, гөлөссö он кывлы.

— Кык стопка эськö и юи да, — элясьыштас сийö. — Коддзыссьöма тай. Лешакыс тöдö, мыйла?

...Лөнъ керка пытшкын. Ас местаын Володялөн сёлöмыс, нинöм сэсса сылы оз ков татшöм шуда здукъясас. Батыс воча пукалö, чай юö, көлач көтöдöма чашка тырыс. Володя пуём картофель сола тшакөн нямралö-сёйö. Ок и чöскыд ас град йöрад быдтöмыд!

— Картофельсö нö мый он видлы? — юалö нисьö тшöктö Володя. — Выйнас адöй чöскыд, ачыс кылалö.

— Квайтымын арнад сийös, майбыр, нямлi нин, — серöктыштис батыс, быттьö дэльöдис: ачид пö сёй, гөбöч гуын кольём वोсяяс на эм. Тошсялöма-нырсялöма.

Öтка пиыдлы мөд стопка на кисьтис, коймөдös. Ачыс, чайысь кындзи, нинöм вомас эз босьтлы-а. Нелямын тшупöда юанторйис личöдис вир сөнсö, небзьöдис Володялысь сёлöмсö, юрас кайис и кокас лэччис. Видзöдö батыс вылас, да горшас курыд ёкмьль та-

сасьо, тшына пывсянын моз чазодо синсо. Борд пола катша кодь о́ни сийо, отка потка. Мудзома, тыдало, татшом оло́мсьыд. Гажто́м-чо́ма отнадто. Вомыс оз и тупкысьлы, пыр мыйко висьтало и висьтало. То перестройка вочысьясос зудышгас, кач по регыд ковмас сейны. То сикт йылысь казтышгас — дзикодз по вунодисны, том йозыс эз кутны кольны. То дудан вояслань бергодчылас, сэки по, майбыр, быдтор воли. Сеян-юан и ком-паськом, но мыйлако лек кывъясон сийо кадсо казтылоны. Горбачеводз воодчис, Ельцинос ошкыштіс...

Володялон синмыс кутис куньсьыны, а батыслысь кывсо быттьо вийон мавтомаось — малсийо и малсийо-сернито. Корко казалис жо унзеля писо, часи выло видзодлис да чуймис:

— Вой шор кад нин тай. Мун вод, вод. Туй борад мудзо́мьыд, синмыд куньсо. Аски водз петам. Вато на ковмас вайны и. Сиктад од ва да пес — первой дело. Карад тьяны но мый. Кранто восьтан да, пось и кодзыд тельго. Мун вод, мися, вод.

Быдса вежон лои батя-пиалы лукысьыны град йорын. Быттьо абу и ыджыд картопель муыс, а нелямын ведра на пуктывлони. Дерт, тулыснас кык кокни. Немовойся муыд, волон кор горан, гон кодь небыдик. Картопельто сомын тувкиодлы-сюяв. Лунон и эштас. А мудысигад се пось киссяс, коскыд сэтшома мудзас, веськодчынтыго он вермы. Мича ко гожомыс, майбыр, коть гожьялан. Но картопельто керигон нокыс медся уна сюро. Юрто коть эн лэптыв, ки гадьямон лоло. Та восна, тыдало, Володялон чойясыс и оз зэв радейтны арнас бать ордас воыны. Векджык тулыснас, гором борын, лэбыштласны-кайласны. Чивйодласны картопельто сьорсьыс-борсьыс, видзодан да, карынос нин. Пуктысьсома. Коні да мый петалас, налы шог абу. Володялы помсо быд ар лоо корсьны. Сука пуктасны да. Керны кутан, быттьо тшем воро пыран. Картопель корыс коскодзыс, воськовтныто некытчо. Быд ногыс казтышгас сэки Володя чойяссо, бун-бос пинялас кыкнаннысо. Ас кежысь, вомгорулас. Кародз од он лэччыв. А чойясыслы пось ни кодзыд. Ылынось зэв.

Воддза воас тай матьодз волис-а. Шотомась-пуктомась, гашко, ветымын ведра да. Картопельыс ота-мод вылас петалома, вежон сайо лои мырсьыны. Сы грек выло и гожомыс кос воли, из кодь чорыд муыс. Володя эсько азыма уськодчыліс картопельсо керны, но посьвывсьыд кык вила вороп чегис, а мод лунас и вила пиньыс трочмуні. Батыс муртса ульон эз сей. Вилато по сельпо лавкао се во нин абу вайломны, а те послодлан, этшто он тод. Ковмис лоньодны том вирсо, тэрмасьтог нин пуктылавны чорзьом мусо. Батьто тай,

коть ачыл уска-тошка, быгь кывзысь, вежавидз. Мыйкө воча шуны, нөшта ярскөба, кывыйд оз бергөдчы.

...Бөрья лун кежлас этшаник и колис, карта саяс, ведра кызь кымын.

— Тайос аски нин эштөдам, — потшос бокө пуксигмоз, рыгла-  
ныйс шуис батыс. Пөрчис пеля шапкасө, малышгис сарога чуньяс-  
нас дженьыдика шырөм юрсисө, чөв усылс. Здук кежлө. Тайос  
Володя төдіс нин. Картупель керигчөж вомыс эз тупкысылы. Эмсө  
и абусө изө. Гажтөмтчөма өткөн олігад. Со и песө-сёрнитөдө  
Володяос. Быдса вежон нин. Водз асывсынь вольпасьө водтөдз.

— Комын квайт во ми мамыдкөд тадзи мырсим, — шыасис луд  
вылын пукалысь батыс. — Мөскөн нэм олім, йөв-йыйд эз бырлы.  
Ачыл өд төдан, Володя. Но мышным век жө ва вөлі. Коньөр  
мамыд, бур оломсө эз и аддзыв. Водз тай мунис вольной светсьыс,  
менө отнамөс колис...

Володя орччөн жө пуксис, пыркнитис лыаөссьөм гач пидзөссө,  
бергөдчис батыланьыс.

— Абу жө дзик отнад! А ми нө?

— Ті өд ылынөсь, карө поздысьөмныд. Талун танөсь, аски  
аспальт кузя тотшьяланныд. Меным отнамлы нин ковмас кувны.  
Гортын. Кытчө нө керка-картатө колян?

Вочавидзнысө Володя нинөм эз сяммы. Батыслөн кывьясыс  
горшас тасасисны, сьөлөмсө чепольгисны, медся дойманаторсө  
вөрзьөдісны. Быгтьө Володя ставсьыс мыжа. Карө лэччөмысь,  
сэтчө овмөдчөм-вужьясьөмысь. А коді нө тувкйөдліс бокас, кы-  
мынысь шуліс — сиктад пө бара, шань пи, эн вай кольччы. Нэмтө  
лоө няйт пиын лукйысьны, сө шайт вылө чегсьыны совхозын. Ба-  
тыс, дерт. А өні со мөдарө сёрнисө гартө. Гашкө, гөгөрвоис жө  
пöрысьө-нэмнад, кор өткөн колис, кутшөм сьөкыд аслыд быдтась-  
ястөг. Быгтьө найө эмөсь и абуөсь. Петкөдчыласны арся шонді  
моз, видзөдан да, бара нин төвзьөны-мунөны. Лэччөны — кайөны,  
кайөны — лэччөны. Дэльөдөны сөмын батысө, сьөлөмсө дойдө-  
ны...

Батыс пукаліс потшос бокрын да зіля шлапкөдіс-пыркөдіс важ  
кушенчаяс, быгтьө вунөдіс нин асьыс юалөмсө. Эз, эз вунөд ба-  
тыс нинөм. Абу сійө сэтшөм-татшөм морт. Вежөрыс уджалө на.  
Быгтьө нускө-ноксьө кушенчаясөн, пыркөдчө-весасьө, а төдө өд:  
нинөм сылы оз вочавидз Володя. Зэв нин шуас — лэччам пө карө,  
миянкөд овны кутан. А керка-картатө вузавны позьө. Татшөм  
сёрниыс вель тшөкыда кыптивліс батя-пия костын. Öзйылас-  
ыпнитлас кос сямөд моз, сэсса регыдөн и кусас. Быгь кус, өти

кывйö оз воны да. Тöдö Володя — батсьö карад сира гезйöн он кыскы. Асьныд нин пö виныгыртöй сэни, аспальтсьö йирöй да бустшына сынöдсьö апалöй. Но и Володялы сиктас съöкыд нин бöртö бергöдчыны, кöть съөлöмыс нетшкысьлö... Мый сэсса вöчан, тадзи кö ставыс миян олöмын артмö, гудыртчö-гартчö. А кызди шöркостсьö корсьны, мед öтиыслы и мöдыслы лючки-бур лоис?

Орöм сёрнилысь помсьö батъыс жö кватитис, босьтис ас киас. Пуктис пыркöдöм кушенчаяссö луд вылö да лöня, нормöм гөлөсөн шуис:

— Öтнадтö, Володя, збыль гажтöм. Овлö, съöd войöдз ог унмовсь. Юр поэявмөн мыйкö думайтсьö. То мамыд син водзö сувтлас, то бабыд. Ойбыртлан асывланыс, садьман, да бара синмыд кольча кодь. Енмыс кö ме вылö дözмис-а, тадзи ставыс артмис да. Тi ылынось, мамыд — кыз му улын. Кöть шöри ордчы.

Володя педзыштис луд вылын, пыдисянь ышловзис. Морөссö парскисны батъыслөн кывъясыс.

— Гашкö, аслыд пöвтö корсян да. Он öд кут тадзи мырсьыны-овны, — шуис сийö синсьö му бердысь лэптывтöг. Лешакыс тöдö, мый батъыс вочавидзас. Пинялас кö, мед дай. Шуöма тай лои-а.

— Кыкнад, дерт, гажаджык. Кöть сёрнитысь эм. Сидз öд? — ловзис потшöс бокын тутвидзысь батъыс. — Ме та йылысь мөвпалi нин. Мамтö öд бöрсö он бергöд, а овнытö водзö кызкö колö.

— Гöтрась дай. Куим во нин мам кулөмсяньыд. Мый нö шогсь пыкан! — збоймис Володя. — Сиктсаяслы, тöдöмысь, сёрнитö вöчан, но гөгөрвоасны жö.

— Позьö эськö да. Но кокниа тай шуан — гöтрась пö. Абу öд дас кökъямыс арöс. Видлы менам кадö пöвтö аддзыны.

— Корсян кö, мыйла оз сюр. Öтка бабаыд вель уна.

— Гашкö, кодкö и сюрас да. Но кызди на лöсявны кутан, — ружöктис воча батъыс.

— Лöсьöдчанныд кызкö. Олöмыс тшöктас, — эз сетчы Володя да тайö тшынасьысь-трачкöдчысь сёрнисö, кодi пестысис бор бокын, зiлис водзö ломзöдны-нуöдны.

А батъыс друг лөнис, плешö чукыртöмөн мыйкö ёна думайтис, весяг пупайка кизьяссö разис.

— Кöсья эськö пöвтö корсьны да. Öтиöс, Володя, син улын важөн кута. Ме тэныд ни чойсядылы эг висьтавлы водзынсö, мися, серам выв лэптаннды.

— Татысь нывбабаыс?

— Татысь, дерт. Ас сиктса.

— Кодi нö? — нюмсö дзевиг пычиктис ас пытшьыс Володя.

— Пиля Катя. Тодан өд. Отнас во дас нин оло. Абу юысь рөдысь. Мөс на видзө и. Челядьыс карынөсь жө. Верөсыс, Микул Ольо, кер порөдигөн тай доймыліс.

Пиля Катя... Со кодөс бөрийөма Николай Петровичыд. Абу на, майбырөй, пиньыс ныжмөма батыслөн, көть и квайтымын нель ар тыртө. Кысь оз төд Пиля Катяөс Володя. Олексей пиыскөд отлаын быдмисны, өти школа помавлісны. Мамыс сьлөн, Пиля Катяыс, нэмсө сельпоын уджаліс бухгалтерөн, тшөті молльөн шлочөдіс. Регьид на, буди, и пенсия вылас. Батьсьыс ар нель-ө-витөн том. И сёрнинас, и вөраснас тэрыб. Пыр кытчөкө котөртө, өдөбөн-йөткыштчөмөн мунө. Латшкөс тушаа, вөсньыдик коска, чужөмас томдырся мичлуныс на кольөма. Төдө, төдө сійөс Володя. Төрыт на сельпо лавкаын нянь отлаын ньөбисны.

— Но, мый шуан меным. Гашкө, шудсө видлыны да? — торкис пиыслысь мөвпалөмсө батыс.

— Юавнытө позьө, дерт. Вомад некод оз варт. Кайлы дай.

— Мен кызкө абу лөсьыд, — чукыртчыліс да кинас өвтыштіс батыс. — Яндзим быттьө. Йөз сёрни лоө. Кодкө кө казавлас.

«Пыксө кө батыс, сідзкө, сійөс он нин бергөд», — дөвгис Володялы юрас.

— Вай ме видла. Корасьнытө. Гусьөникөн кайла дай Пиля Катясад. Некод оз и казавлы, — вөзйис сійө ышлоалалысь батыслы.

— Сө збыль! Тэныд кивывджык. Гашкө, мыйкө артмас. Сійө өтка и ме борд пөла. Кыкнад кык пөв гажа, — ловзис мөдыс да чеччис потшөс бокысь. Синьясыс югзисны, нюмсер котөртис чужөм кузаяс, тшупөдөн-тшупөдөн тэчөм чукыръяс вомөн.

— Рыгнас и кайла, — сувтіс жө луд бокысь Володя. — Вай помыштам нин картофельтө, пывсянным регьид ваймас.

Вит час гөгөр и керсис картофель муыс. Чомөр, позьө шуны, вөлі тайө рытө батя-пиалөн. Идралісны ведраяс, вила-зыр, чукөртісны көлуй да петісны пывсьыны. Сө майбырөй дай горья пывсянөй! Сьөлөм бурмөдысьөй, мудзтө вештысьөй! Небыдик корөсь швичкө-сотыштө гөрдөдөм мыштө, уль жарыс өдөбөн пырө вир-яад да песовтө сьөлөм-ловтө. Кырсян асьтө да быттьө выльысь чужан. Сэтшөм лөсьыд да шуда морөс вылад! Ок и гудыртчылө вежөрыд, ок и личмунлөны кок сөнъясыд! Нинөм сэсся оз ков тэныд вөльнөй светас, нинөм бурджыкыс абу сьөкыд удж помад.

Чай да винатор юөм бөрын Володя чеччис пызан сайысь, видзөдліс часі вылө.

— Кайла вай ме Пиля Катяясад. Сёрма сэсса. Узьны водас, гашкё.

— Ветлы, ветлы. Ме воигкежлад выльысь тшай пузьёда, виччысьла тэнё. Мед везитас дай. Менё сэнi, сёрниясас, ёнасё эн казьтыв. Янала, лешакыд.

— Ог, ог, батьё. Мый шогалан сэнi...

Рёмдö нин вöли, потшöс праслаяс муртса тыдыштiсны, кор Володя петiс мир туй вылö. Восьлалiс сикт шöрлань, чой паныд тэр-масьтöг, куритчан на пешис. Пывсьöм бöрад лолавсис кокниа, лунся мудзыс быттьö абу и вöвлöма.

Пиля Катялөн керкаыс мир туйсянь бокин сулалiс, Эжва кыр йылас дзик. Керкаыс абу ыджыд, öтарсö батьыс на тшуплöма, мöдарсö, выльджыкладорсö, верöсыскöд нин лэптывлöмаось. Война бöрас коркö.

Вичко дорсянь, кодлөн сыв кызта стеньяс пытшкын нэмсö вöли сельпо склад, Володя кежис веськыдыв да регыд мысти и воис Пиля Катяясöдз. Керка öшиньясыс югыд биаось, сiдзкö, эз на узьны.

Володя джёмдiс-сувтiс кильчö помö, кывзысис арся чöv-лöняс. Эжвасянь пöльыштiс ыркыд тöвру, малыштiс пöсялём морöссö. Шом кодь пемыд рытыс сывйыштiс керка дорын сулалысьöс, дзебис аслас киняулö.

Öни нинём нин эз падмöд Володяс. Воськовт гоз-мöд пос тшупöд, зöркöдчы кильчö öдзöсас... Но кодкö быттьö кутiс сойбордйöдыс, шашаритчис кокас. Вель дыр ышлолалiс öшинь улын, шпуткис-куритчис, пинялiс асьсö — верстьö мужик пö, а кöч моз повзин, дась бöр котöртны. Бöрсö мунём йылысь мövпыс чепöсийылiс жö. Дэльöдчыштiс да öдйö саймовтчис-воши. Пöръялöма öд лöб батьсö, пыравтöг кö гортас лэччас. А зöркöдчас да Пиля Катяыслы мый шуас? Мыйсянь сёрнисö панас? Эк, корасысь дай корасысь! Му пырыс кöть мун...

Коркö кайис жö кильчö вылас, чошкöдiс пельсö, кывзысис, мый вöчсьö керка пытшкас, гуль-гольвöчис кöрт кольчаа öдзöс иганөн. Виччысьöмөн, полөмпырысь. Но некод, тыдалö, эз кыв сылысь гольöдчöмсö, сöмын пашкыр пожöм пу шувгис керка стын сайын.

Володя бöр лэччис кильчö вылысь, ветлöдлыштiс öтарö-мöдарö, лөньюдiс асьсö. Син водзас мыйлакö мамыс сувтiс. Варскö-ытшкö сикт сайын, гырысь дзоридзьяса ковтаыс брöд ва. А Володя сыкöд орччөн, мамыс оз кольччы. Мудзасны кыкнанныс, пöсьыс шорөн киссьö, пуксясны лольштны.

— Кокын эбöсыс дзик абу нин, кула, тыдалö, регыд, — серöктас мамыс.

— Эн вай сөр нинөм абусө, — дөзмас Володя.

— Ог өд пөръясь, сё збыль, — шога нин шуас мамыс да босьт-час лэчтасьны.

Со тай кызд лои. Кылөма мам сьөлөмыд, мый бөръя лунья оло, бөръяысь ытшкө ма көра видзсө. И содтас на вөлі: кула кө пө, батытө өтнасөн энө кольёй. Видзөй сійөс, дорйөй лёк йөзысь...

...Кайис кильчө поскөдыс да кум-камвөчис өдзөсас, здук мысти мөдысь, коймөдысь.

— Коді нө? — кыліс өдзөс сайсянь Пиля Катялөн ёсь гөлөсыс.

— Ме тайө, Володя. Николай Петровичлөн пиыс, — кызкө зэв эскөдана, сьөлөмяньныс артмис кильчө вылын сулалысьлөн.

— Коді, мися, зөркөдчө, а тайө Володя вөлөма. Дивө, эг төд первойсө, — өдзөссө гурйив восьтіс Пиля Катя. — Телевизор буретш видзөда, ог кыв нинөм. Пыр вай, пыр.

— Ме эськө здук кежлө да, — югыд биа жырйө воськовтігмоз дорйысис Володя. Аслас ки-кокыс мөдіс тіравны, гөлөсыс воши кытчөкө. Пөсьвывысьыд, батыскөд син на син сёрнитігөн, вөзйысис, а өні лөсялана да колана кывйыс оз сюр, пель йылөдзыс гөрдөдіс. И коліс-ө сылы чепсасьнысө, ас вылас тайө могсө босьтны? Гөтыр кө корсьө, мед батыс ачыс кайліс дай. Но сёр нин вөлі ышлоланытө, бөрынтычыны олома нывбаба водзын.

А Пиля Катя улөс мыччис, пуксы пө, шойччы-шонтысь. Самөварысь чай кисьтіс, ас пөжасөн Володяөс чөсмөдлө, карса олом-вылөм йылысь юасьө. Варов мортыс, чужөм сертыис квайтымын артө он на и сет. Мед сөмын көсийыяс-а, сэсса ас костаныс нин кызкө лөсьөдчасны. Кыкнад век жө гагаджык.

Пукалө Володя паськыд пызан сайын, сук чай чурскө-юө, кывзө Катялысь визув сёрнисө, «ну» да «на» шуышталө, вежөрсьыс, медся ылі пельөсысь, лөсялана кывъяс корсьө, мед эськө сёрнисө асланыс бергөдны, да некызди найө оз сюрны. Вильснитөны-пышйөны кытчөкө, быттьө визув ю кылөдө.

— Могөн ме локті, — сүйсис бөръявылыс тэрыб сёрни костө Володя, весиг сьөлөмыс личалис. — Бать со нель во нин өтнас оло. Гажтөм сы ыжда керкаад...

— Ме тай кымын во жө нин өтнам... Челядь воласны да, сэки сөмын и гажыс, — морөс тырнас шога шуис Пиля Катя.

— Жөдзө отарө-мөдарө. Лавкаө кайлас, пес да ва пыртас. Пукалө сэсса өшинь дорын, шогыс личкө...

— Сэтшөм, сэтшөм пөрысь оломыд...

— Сійөн и кежи, мися. Батысянь сёрниөн быттьө. Гашкө, тьян-

лы кыкнад гажаджык лоо. Өтлаасыны кө, шуам, — синсө лэптіс Володя. Мый шуома лон, шуома-а.

Пиля Катя первойсө вак-вакөн серөктіс, эз виччысь, тыдало, татшөм сёрнитө, нюмсө дзэбиг өвтыштіс кинас.

— Кутшөм нин ме невеста. Квайтымын регыд тырас.

— Батьо өд абу жө том, — чуймискодь Володя. — Во нель нин пензия босьтө.

— Йөз сёрни сөмын вөчам, — быггытө эз кыв сійөс Пиля Катя. — Йөймөмаось пө, этшсө воштөмаось.

— Вомтө, дерт, йөзылдысь он тупкы. Ланьтасны жө коркө...

Володя дөзмыны нин кутіс — быггытө мырдөн сорөн корасьомыс артмө. Юр яндзим, кос кыддзысь ва пычкөм кодь.

— Атгытө шу батьыдлы, Николай Петровичлы, но ме слылыс Анна Николаевнасө вежны ог сяммы. Мамтө ме бура төді. Өтлаын на колхозсянь сплав вылад уджавлывлім, коскөдз кодзыд ваын собавлім. Зіль, зарни сьөлөма морт вөлі. Водз тай кувсис, коньөрөй, вольной светас сылы эськө овны да овны на, — тэрыба, нетшкысысь гөлөсөн висьтасис Пиля Катя. — Тадзи и шу батьыдлы. Мед оз дөзмы. Корсь бурджык да эскөдана кывъяс. Тэ өд велөдчөм морт...

— Висьтала, мися, сідз да тадз, — шөйөвошөмөн чеччис Володя лабич помысь. — Энө дивитөй волөмысь дай. Муна, инө...

— Мун, пиук, ме сэсся узыны жө вода.

Ньөжйөнник, мудзөмпырысь довгис Володя гортланьыс. «Мамтө пө тьянылысь вежны ме ог сяммы». Со кыдзи шуис Пиля Катяйд. Вескыда сьөлөмас сатшисны тайө кывъясыс Володялы. И збыль өд, он веж. Торйөн нин челядыды. Мамыд тай век на мамөн и кольө. Нэм кежлад, бөрья луньясөдзыд. Мелі, мича, муса...

Батьыс игнасьөма нин вөлі. Керкаө пырөм бөрын регыд и юаліс:

— Но, кыдзи-мый? Кодарө делөыс бергөдчө?

— Абу гортас. Карө пө лэччөма. Челядыс ордө, — мырдөн сорөн пычиктіс ас пыгшсыс Володя. Велавтөгыд синсө бокө вештіс, морөсас гудрасьө да. Первойысь на пөрьяліс батьсө, некор тадзитө эз вөчлы. А мыйла пөрьяліс, ачыс оз гөгөрво. Кывйыс веськыдасө эз бергөдчы шунысө...

— Но, коркө удитөма нин карө лэччыны, — дыдгыштіс батьыс. — Төрыт на лавка дорысь аддзылі...

— Мунөма тай-а, — довкнитіс сьөд юрнас Володя да пуксис пызан сайө.

— Эн шогав. Мөдысь волігөн кайлан. Дыр оз на кут ветлыны. Регыд локтас...

Но Володя чөв оліс. Вочасё нинём эз шу.

...Ывла вылын шняпкис-усис уль лым. Гырысь ва войгъяс тюрисны өшинь стеклө кузя. Володя сулаліс да видзөдіс пемыд енэжө. Гашкө, кайлыны бать ордас да? Гашкө, мөд бабаөс коравны?



# Гөрд юра Володь

...«Заря» теплоход (сэки сийö ёна на ветліс Эжва кузя) здук жежлö сатшкыліс гөгрöс нырсö посни изъя ю кыркötшö. Кулём-дінысь лэччысьяс, морт дас кымын, кодi ноппöн, кодi ичötик туб-расөн гузьöбтісны-петісны теплоход пытшкысь. Сиктö воысьяс пöвстын вöлі и мамöлөн воча вокыс, Володь дядь. Сиктса ногөн кө, Гөрд юра Володь. Юрсиыс сылөн и збыль гөрдсьыс-гөрд, би-пур моз ломалö-өзйö. Чужöмыс гожъялöма, бура воём пув рöма. Кузь голяыс пемыдгөрд жö. Дженьыд соска еджыд дөрöмсö гач вылас лэдзöма, юрас картуз. Пристаньын сулалысьясöс аддзис да вашъялö вом тырнас, быттö гожёмбыд абу волöма гортас.

— Кытчö нö Володьыс ветлін, мый могөн? — юалис кодкö ю дорын сулалысьяс пöвстысь.

— Кулёмдінö кайлі, больничаö. Аборт вöчны. Мися, сёрма кө, адöй-адöй, пöгиб лöö.

Йöз чукөр азыма гызьöбтіс-серöктіс. Медсясö гача уловыс, ныв-бабаяс пыльснитісны жö, синнысö Гөрд юра Володьысь вештöны, кинаныс öвтчöны: изан пö нинём абусö, водтöдлыны эськö асьтö больничас, сэки мöдарö кутан жеръявны...

— Но и швачкан-шуан жö тэ, Володь. Кötь кынöмад кутчысь да лунтыр серав. Кывтö тэнсьыд быттö мöс выйөн мавтöмаöсь.

— Мамöй мавтыштлöма, — оз пыксьы да стöчмöдö на Володь. — Утка борд пöлөн. Таладор югыдас петём бöрын.

Теплоход важөн нин увлань лэччис, гашкö, Руч весьтö воö, а Гөрд юра Володь век на ю дорын, мужикъяс пöвстын варгö-сёр-нитö. Коркö кватитчö жö:

— Господи Енмöй, пемдас тай регыд, колö гортлань сынны, воштасны менö...

Кыкнан кинас лöсьöдыштіс юр вывсьыс гожся картузсö, тэры-ба мөдöдчис чорыд туй кузя чой паныд. Йöз дорысь вешйöм бöрын броткыштіс на вомгорулас: «Тіянкөд көть кузь лунтыр кывтö пес, зептад таысь оз сод».

Уна во нин тöда тайö шутлив мортсö. Нэм чöжсö мырсис-тільсис вөр кылöдан рейдын. Трактор вылын муркөдчис. Пуръя-

сисны. Төв и гожом, зэр көть лым. Ыджыд озырлун, дерт, сьокыд уджсьыс эз чукты. Кос юкалом сөмын вичмис Гөрд юра Володьлы. Но та йылысь сийо некор оз казътывлы. Абу нюргысь-няргысь морт.

— Мый сэсся вочан, оломным кө сэтшөм. Енмыс тай пыклөма дойсö, миянлы быть жö пык, — шуыштас воча дай. Вашгьялігтыр на. Сэсся колкас-печиктас кык чуньон гөрд голя бокас:

— Еджыд платгьоаыд отсалö жö олом кузяыд сынныгтö. Кор сьомыд, дерт, эм. Юыштан да, став лөкыс вунлö. Сьолөмыд личавлö и.

Курыд зелятö Гөрд юра Володь пидди пунктö, ёртасьö сьокд важысянь нин. Ачыс шулö: малснитлывла пö, кор сьомыд зептын эм. Небыд сьолөма мортыд мукöдлы на чольснитлас — горшныс кө тачкö. Гөгөрвоö Гөрд юра Володь: талун тэ отсалан, мездан пикö воомаос, коркö и асьтö бурдодасны. Морт юрид абу сөй ёкмыль, корсьом висьомсьыд уналон тратшкакывлö. Кыдзи нö сэки ловъя ловтö он дорйы?

— Быдторйыс жö юыштан да овывлө, Öльоксан, — нюм сорон казътышгис отчыд Гөрд юра Володь. — Коркö пывсьыны мөдөдчи. Таз гөтыр сетис, майтөг, ки чышкөд. Петі гортысь, туй кузя муна, а воча төдса локтö. Рейдса жö. Дозйон. Лавкаö котөртлөма. Сөр-ни-басни пансис миян. Öти кывйон кө, малснитим ми еджыд платгьоатö. Этша бытгьö... Мөд дозйысла аслым лои ветлыны. Бура дыр пукалим-варгим. Ар вөлі буретш, картупель керан кад, но ывла вылас ыркыд кодъ нин. Палялі да, нинөм ог гөгөрво. Куйла потшос бокын, тазйöй майтөгнас да ставнас орччон туплясьоны. Сөр рытын гортö вои. Пывсьытөг, дерт. Кутшөм пывсьом! Эн вай серав. Сэки гөтырöй бура и пывсьөдіс...

Пинявныгтö, дерт, пиняліс Гөрд юра Володьос. Пиняланатор артмис да. Но рам морт вылад, тыдалö, кыис эз на кыпты. А петан туйыд шутлив Володьлы пыр и сюрис. Öдзөссö восьтөгөн на горөдіс гөтырыслы:

— Көдзалөма пывсяныд, сө лешак! Койыштан да чишнитö сөмын. Аски мөдысь ломтылам.

Сулалö гөтыр водзас да нюмгьялö. Ас пытшкас сынөдсö зильö кыскыны, мед вина дукус эджык кыв.

— Койыштөмыд тай гырк пытшкад, яндысьтөм бугыль, — пужыліс гөтырыс. — Ачыд сэсся и ломтыв пывсянтö, менам мыссьөма-корөсясьөма-а.

— Ломтыла, ломтыла, — небыдика өвтышгчис гөтырыслон дзизгөмысь Володь. — Эн дудгы сөмын, пывсяныд миянысь оз на пышйы...



Төвнас сёр рыгөдз Гөрд юра Володьлөн тракторыс таргө-муркөдчө ласта вылын. Пось кад рейдын уджалысьяслөн: пурь-ясьёны. Пөсявлө рыгтьяснас и Володь. Сиктыд өд абу кар. Быд керкаын кык-ө-куим пач. А найос ломтыны колө. Удж помла-ныыс кодкө да кодкө пыр матыстчас Володь динө. Могөн, дерт. Вай пө отсышт Володь, катөдам рыгнас пес вылө өти кер чукөр. Мынтысьёма пө, со кабаляыс.

Гөрд юра Володь ёнасө оз пыксыы. Öти-кө, бура төдө: сы кындзи сэсся некодлы кер чукөрсө сиктөдз катөдны. Мөд-кө, сийос таысь быть аттьёаласны. Сьёмөн либө курыдторийён. Мед сөмын удж вылө петны вермис-а... Лэптас-шыбитас трактор мыш вылад кер чукөртө. Видзөдан да, таргө-катөдө нин пестө мир туй кузя. Мукөддырйи гоз-мөдысь на лэччылас ласта вы-лөдзыд. Медсясө, дерт, оз вина ради. Отсыштны мед сиктсалы, ас йөз өд, абу бокөвöйяс.

Буртө вөчас да, юкталасны небыд сьөлөма морттө. Пөттөдзыс. Удж бөрад өдийö гажмас Гөрд юра Володь. Муртса тракторсө ласта вылөдз бөр лэчөдас. А коддзёмсьыс ачыс жө медсясө мыжа. Юнытө юө, а вомас нянь чепөль оз суйлы. Пызан сайын пукалігад кымыныськө шуласны:

— Тэ, Володь, сөй вай, сөй. Эн сөмын кывнад больгы. Со яя шыд, картупеля тшак, чипан кольк, пуөм капуста...

— Аттьө, аттьө, тыдалө ставыс. И сөян-юаныд тырмө, пызаныс чегсьө быдөн. Абу өд өни война кад, майбыр,— вочавидзас дай. Ачыс вашгялө-пукалө, чужөмыс нөшта гөрдөдөма ывла бөрад да вина сорнад. Паньсө шыд тасьтиад оз көтөдлы, көть юр вылас майөг лөсав. Коддзас, дерт, сэсся. Петас пызан сайсьыд, өтарө-мөдарө бөвийөдлө. Мунигас нин унзля чөвтас:

— Шань талун кежлө, шоналі дзикөдз. Гортлань сына...

Кызкө тай лэчөдас жө тракторсө-а. Ен отсөгөн ли, палялас ывла вылад ли. Лешакыс төдө...

Öтчид муна мир туй кузя, паныд Гөрд юра Володь тэрмасьө-локтө. Көтөрөн сорөн кытчөкө төвзьө-лэбө. Бур костюма, еджыд дөрөма. Дыркөд нин шыртөм юрыс арся пипу кодь — биа өгырөн өзийө. Вочаасим да юала:

— Кытчө нө татшөмасө тэрмасян? Мыйкө лоис али мый?

— Ой, эн нин шу! Юр висьө-потө да аптекаө лыя. Анальгин колө ньөбны. Гашкө, личөдас.

И водзө төвзис, тшын-бус. Ме вомөс паськөдөмөн сулала, ба-лябөжөс гыжъяла. Кутшөм-сэтшөм аптека йылысь Володьыс, мися, сёрнитө? Миян сиктын некутшөм аптека нэмсө эз вөвлы да...

Володь, тыдало, бара асногыс шутито-изо. Жуглы о́ни юрто. Сидзи и вoлoма. Здук мысти бoр нин локто. Видзoда, гач зепсыс сулея юр чурвидзo. Оз нин тeрмась, пoт кань моз тапиктo. Сюрoма доз-йид да сьoлoмыс бурмoма, тыдалo. Юрыс бурдoма и.

— Oни, слабoг, вир-яйoс кокньoдышта. Аналигынд сюри тай, — шлапкис сийo кинас сулея юрo да зепсo кутигтыр кежис орчча керкаяслань.

Курыд зелляид курыд зелляoн, а йoз водзын Володь зилис асьсo не уськoдны. Мед кoть сьoд удж вoчысь-бергoдысь, трактор гырк-йин луасьысь, а радейтис мортыд мичаа пасьтасьны. Сьoм кo лишало, пыр и выль костюм лавкаысь ньoбас. Еджыд дoрoм да. Важ кoлуйсo удж вылo пасьталас. Видзoдан да, Гoрд юра Володь пыр еджыд дoрoма — кoть клубo мунo, кoть трактор пытшкын пукалo.

— Дзик тай министр кодь Володьыс. Век еджыд дoрoма, — чушкыштасны сийoс збoй кывья рейдса анясь.

Но Володьтo кер чукoр бердад он топoд, нюгилей моз песовтчас да уйкнитас:

— Мыйла министр кодь? — чуймас сийo. — Ме министр и эм. Сe збыль! Аслам трактор вылын медся ыджыдыс.

Сeсья вак-вакoн серoктас.

...Бура важoн нин «Заря» теплоходьяс оз ветлыны Эжва кузя. Нeмныс налoн дженьыд вoлoма. Чорыд веркoса туй писькoдчалис сикт-грездьясo. Машина-автобусьяс журьялoны.

Лoнь и ю бoкын, ласта вылын. Пурьясьысьястo татысь он жo аддзы. Моль оз кылав ни. Oлoмыс воддза серти дзик мoдарo бергoдчис, шуштoмджык гoгoр лoи. Быгтo гым-зeр водзын лoньoма вoр-ваыс... Тадзи тай ме мoвпала-а. Но, гашкo, сорси? Oлoмыслoн oния шыяс дoрo эг на вeлав да. «А Гoрд юра Володь велалис эз? Вeжис-o сийoс выль oлoмыс?» — юала ме асьсым. И аслым ачым вoчавидза: кутшoмoн вoвлi водзын, сeтшoмoн и oни кольoма. Бур сьoлoмаoн да мелi-шаньoн, печласьысь кывьясаoн да. Абу, майбыр, сiмoма ни рушмoма. Сeтшoмoн нин, тыдалo, чужтылoма Марья тьoтка тайo коми мортсo. Сoстoмoн. И ловнас, и вир-яйнас. Мед кoть и гoрд юраoн...



# Вичко да клуб

Миян сиктын вичко да клуб óta-модныслы воча сулалоны, нэ-мөвөйся мир туй сөмын торйөдө найос. Сулалоны орччөн, мича кыр йылын, ловъя ловъяс моз видзөдөны паськыд Эжва ю вылө. Төв и гожом, тулыс и ар. Уна во чөж. Чөла, шогпырысь видзөдөны... Гашкө, мөвпалөны найө асланыс коркөя да өния олом-вылом йылысь, гашкө, и оз. Гашкө, веськодь нин вичколы да клублы ставыс да. Помөдз измис налөн ловныс. Гашкө, виччысьоны кык-нанныс асьыныс бөръя лунсө, сийө шуда здуксө, кор дзикөдз, му бердөдзыс киссясны, шыяласны мича дзоридзьяса лудйыскөд. Тадзисө бурджык лоө. Медводз вичколы да клублы. Тшөтш и сиктлы, и сэтчөс йөзыслы, и талунъя оломыслы. Од вичко да клуб өни некодлы оз ковны. А коркө, майбыр, сиктса йөз найос өна пыдди пуктывлісны. Важ кадө вичкосө, бөрынджык — клубсө. Öни тай дзикөдз вунөдісны, өни вичко да клуб вылын сөмын тешитчөны-смекайтчөны. Коді кызди вермө...

Ме сулала на костын. Шуйга ки вылын кисьтөм-пузувтөм вичко, веськыдладорас — сисьмысь клуб. Сулала, ас кежысь мөвпала. Сиктын гожся кадад лөнь, сөмын посни лэбачьяс дзользьөны луд бокын, еджыд дзоридзьяса турун пөвстын. Но тайө чөв-лөньыс повзьөдчысь кодь, повзьөдчысь кодьөсь тшөтш вичко да клуб. Сьөкыд изйөн личкө сьөлөмөс, сімөм пуртөн кырыштө морөс улөс, кор синмөс лэптывла на вылө. Юр яндзим босьтө, дась му пырыс и ва пырыс мунны. Быттьө ме тшөтш мыжа вичкоос да клубос та вийөдз вайөдомысь, налысь ловнысө босьтөмысь, найос чайшөм-пузувтөмысь. Гашкө, мыжа жө да. Эг тай сяммөй сиктсаяслысь лов ышөдысьяссө бур ногөн видзны-дөзьөритны, төрыгтя кодьөн мича чужөмаөн кольны миян челядьлы, налөн коркө лобысь быд-тасьяслы...

А луныс мичасьыс-мича, шондіыс лөз енэжын биа өгыр кодь, чужөмөс сотө. Иван лун буретш сиктын, крам праздник, нөшта турун пуктан кад. Та вөсна, тыдалө, и лөнь сикт шөрын, уджавны вермана войтырыс видз вылынөсь. Ытшкөны-куртөны, юрасьөны,

зорөд чөвтөны. Быдөн аслыс кынөмпөт шедөдө. Төлыд тай войвылад кузь, мөс-куканьыдлы мыйта турун колө. Иван лунтө мян сиктын воддза моз паськыда да гажаа оз нин пасйыны, көть эськө тайө праздникыс вель нимавліс. Сы йылысь төдісны пөрысь и том, вичко праздник кежлас водзвыв лөсьөдчывлісны. Весиг орчча сикт-грездысь рөдвуж да төдсаяс мян сиктө воывлісны. Медым татчөс кыпыд юра, еджыд морөса вичкоө пыравны, сись озтыны, мөдар югыдө муномаясөс казтыштны, юрбитыштны, тэрмасьтөг олом-вылом йылысь мөвпышглыны. А та бөрын, рөдвужкөд өтув, чериняня, пирогшаньгаа да ырош-сура пызан сайын пукалыштны...

...Видзөда вичко вылө да зіля мөвпгясөн көть здук кежлө бергөдчывны кольөм кадас. Сійө ылі воясас, кор вичко подулас пуктісны медводдза из, кор татчөс войтыр, пөрысь и том, сө пөсь кисьтіг кыпөдісны сиктын вөвлытөм на керкасө, кор өти асылө уна сө пудъя жынняныс медводдзаысь садьмөдіс унзіль вөр-васө, нөрысьывса сиктсө, лөня шывгысь Эжва юсө, кор мичаа серпасалөм жырьясас йөз чөвтисны медводдза пернапас. А сэсса оломыс водзө муніс. Эз век шылыда. Чегьясьөмөн. Зарни ар пуксьыліс и лымъя төв воліс, тувсов шонді вашгяліс-нюмъяліс и жар гожөм мусө пөимөдз сотліс.

Сикт вочасөн быдмис-паськаліс, нюжөдчис Эжва пөлөн, кывтыд и катыд. Лыбисны выль керкаяс, сисьмисны-киссисны важъясыс. Пөрысь войтыр кулалісны, томъяс водзө оломсө кутісны-кыскисны. Помечалісны, видзисны мөс-куканьөс, ытшкисны-куртісны, шобді да рудзөг быдтісны, чери кыйисны, вотчисны, вөралісны... И сөмын вичко воддза моз зумыда сулаліс нөрыс йылын, кыпыд креста юрнас, юсь кодь еджыд морөснас мичмөдіс-гажөдіс ю бокө куткыртчөм сиктсө. Быттьө му пуксьөмсяныс, Исус Кростос чужөмсянь зым-видзлөма сійө гажа кыр шөрас. Видзлөма-кутлөма татчөс войтырөс грекө вөйөмысь, өта-мөдлы лектор вөчөмысь, ловөн усьөмысь, мисьтөм воськовъясысь. Велөдлөма бурас да сөстөмас, коньөдлөма сиктсаяслысь олом-выломсө. Коркөя моз жө, быд вежон, торйөн нин крам праздник луньясө, вичко жырьясын югыда өзйисны кузь кока сисьяс, юрбитісны дзор тошка пөляс и том нывьяс, пөрнөй мужикьяс и шег кодь челядь. Енмөс пыдди пуктысьяс. Быдөн шыөдчыліс Кростос дорө аслас мөвпгясөн, төжд-дойөн, быдөн көсийс, медым Исус кыліс сійөс, отсаліс да дорйис, видзис став лөксыйс, мустөмсьыс. Кростослы эскисны, Кростос дорө шыөдчөмөн чөвтлісны пернапас, асывнас чеччылісны да рыгнас водлісны узьны. Вичкоысь быдөн петавліс мөд мортөн — сөстөм

чужомаон, бур мовпгьясаон, шань сьолёмаон. Бытгтё небыд корёся пывсян бёрын. Сёмын мездысис-весасис тані пысасьом пежсьыс да лёксьыс эз лысьомыс, туша-мыгёрыс, а мортсё му вылас кутысьыс, сьлөн пытшкёсса пыкёдыс — лолыс.

Исус Кростосё нимёдан медыджыд да медмича керкаыс вочасон пырөдчис сиктсаяслөн олём-вылёмө, налөн вежөрө, вирө, лои коланаон да вежны позьтөмторйон. Нэм кежлө, чужомсянь мөдар югыдө мунтөдз... Буретш вичкоын, сиктса поп дорын, сетлісны кагаяслы нимъяс, пасъявлісны торъя небөгө, кор найө чужисны, пыртлісны посни войтырөс, вичко венеч улө сувтлісны том гозъяяс, тані сьылөдлісны, колльөдлісны бөръя туйө кулөмаясөс. Медся ыджыд шогсө сиктсаяс пальөдлісны вичкоын, сьлөн мичаа серпасалөм да лөнъ жыръясын, сьолөмсө шонтысь сисьяс водзын, зарнион югъялысь образъяс улын. И асланыс медся шуда лунъясө пыравлісны татчө йөз, аттьөавлісны Кростосё бур вөчөмысь, налысь дойсө кылөмысь, отсөгысь. А сиктса поп вөлі пыдди пуктана, уна төдысь да ылө видзөдысь мортөн, код водзын висьтавлісны, востлісны морөс пельөсө дзёбөм гусяторъяссө баба-мужикъяс, коді велөдліс налысь челядьсө эз сөмын Енлы эскөмө, тшөтш и лыддысьны да гижны, артасьны, лоны шань йөзөн...

Тэрмасьтөг, өтарө-мөдарө ёна шыблатьтөг шывгис парма чуркбердса сиктын олём-вылём. Төлкөн да ладөн, ыджыд пинь-зыктөг. Сөмын вичко жыннъяс асланыс ёсь гөлөсьясон шызьөдывлісны орчча гулыд ягьяссө, лөнъ сёнъяссө, сөстөм ты-ельяссө. Уна-уна во чөж. И некод, дерт, эз куж мөвпыштыны, мый кутшөмкө кад мысти сиктсаяслөн олөмыс вуж выйөныс вежсяс...

...Выль төвру пөльыштіс Эжва кывтыдсянь, карладорсянь. Олём вежан төв тайө вөлі. Аслыспөлөс. Ловтө бергөдысь, вежөртө гудыртысь. Выль төв вайис аскөдыс мөд олём тэчөм-лөсьөдөм йылысь юөр-мовпгяс. Эжва кузя паськаліс сёрни: важсө пө колө кисьтны-жугөдны, пазөдны подулөдзыс, а сы пыдди кьпөдны выль, шуда олём. Воддзасьыс бурджыкөс, мичаджыкөс да быдөнлы лөсяланаөс. Гөльястөг да озыръястөг. Котыртны өтувья овмөсьяс, өтув гөрны-көдзны, ытшкыны-куртны, видзны скөт... Та могысь песовтны-вежны мортлысь вежөрсө, ловсө. Мездысьны мустөм попьясысь, Кростослы эскөмысь. Шыблавыны образъяс, сотны Ен небөгьяс, тупкавыны вичкояс. На пыдди лэптыны-восьтавыны клубьяс, янөдны сәні Енлы эскысьясөс, перна новлысьясөс, югдөдны сиктса йөзлысь юрнысө.

Выльыс, кодөс лыддисны бур олём вайысьсөн, тувсов ытваөн

ылькнитіс Эжва йылөдз, вочасөн воёдчис быд сиктөдз да грездөдз. Йёз шойвошины, быттьо изки косто веськалісны. Отияс выльсө ошкисны, мөдъяс важас, велалөмас кутчысисны. Син водзын чегсис-потласис нэмөвөйся олөм пыкөд, вожаліс йёзлөн вежөрыс.

Выльыд, дерт, веніс важтө. Но лёк ногысьөн, мырдөн, вир кисьтөмөн. Му бердөдзыс бырөдіс важсьыс уна бурсө, йёзыслы коланасө, олөмыслы лөсяланасө. Сэки выльыс эз сяммы мөвпыштлыны, мый аслас туйыс абу жө вековөйся, мый коркө олөмыс донъялас и сылысь кадсө. Чорыда донъялас...

...Сьөд кымөр өшйис сиктса вичко весьтө. Мисьтөм, повзьөдчысь. Лөнис орчча вөр-ваыс, лөнис сикт, лөнисны йёз. Быттьо чорыда гымалөм-чардалөм водзын. Кодкө чөвталіс пернапас, корис Енсянь отсөг, кодкө гөбөчас дзевис асьыс юрсө, кодкө нимкодпырысь виччысис, кор нин югыд чардби сөтыштас-поткөдас пемыд енэжсө, кисьтас мустөм вичкосө. Буретш сы ног и лои. Лёк мортлөн сьөд мөвгыясыс вайисны сьөд кымөр чукөр, гым-чард да би ньөв, кодъяс мунісны Крестослы паныд, пузувтісны сиктсаяслысь вежа керкасө, налысь сьөлөм личөданінсө...

Кыпыд юра вичко весьтын сьөд кымөр дыр на бовъяліс-өшаліс, сулаліс сэтчөдз, кыгчөдз эз босът сылысь ловсө, кыгчөдз эз ю бөръя вир тусьсө. А ловсө перйытөдз кызд вермис тешитчис, мича нылөс моз янөдіс-пежаліс став сикт водзас — чайыс-пөрччөдіс, дзик пасьтөгыс колис, коньөрөс. Крестьястөг, жыннянъястөг, мича образьястөг, вичко небөгьястөг... Но вичколы вөлі пөсь ни көдзыд нин. Сы олөмын пуксис сьөд вөй. Кузьсьыс-кузь, помтөм да дортөм...

Кувсис вичко, но сы пыдди вөссис клуб. Сикт шөрын жө, Крестосөс ыдждөдлан керкалы воча. Ота-мөдлы паныд найө сулалісны уна во, быттьо вермасисны йёзлөн вежөр-лов вөсна. Чорыд кийөн тупкөм вичко да тайө кинас жө лөсьөдөм клуб, выль власьтылысь петасьяссө пискөдысь-көдзысь. Буретш сы отсөгөн өні кутісны велөдны сиктсаясөс, кызди колө овны-уджавны, мездысьны важсьыс, төрытъясьыс, юрбитны ловъя енъяслы, сьывны выль сьыланкывъяс. Сералісны орччөн сулалысь да киссьысь вичко вылын, янөдісны кузь тошка попьясөс, мыжалісны йёзөс Крестослань сетчөмысь, чуксалісны пөрысьөс и томөс югыд аския лунлань...

А клуб вочасөн туис-ёнмис, гораа сьыліс-йөктіс. И эз куж мөвпыштлыны мый коркө-некоркө сылы вичколысь жө туйсө ковмас таявны-мунны. Некод эз ёр клубсө — ни вичко, ни Крестос, ни Енлы эскысь. Выль олөм дырйи чужөм йёз өти төлө кынтісны-

эндодісны сійос, коть кутшом мича да кыпид эз вов. Ловсö бось-  
тісны, сэсся и энвотчисны. Сулалö öні мир туй бокын. Некодлы  
ковтöм, сісьмö-киссьö вочасөн, югыд-паськыд öшиньяссö пöвйөн  
тувъявлöма. Вичко моз жö коркö шылялас муыскöд, мунас олөм-  
сьыс. Гашкö, и водздзык на...

Видзöда вичко да клуб вылö. Сьölөмöй гудрасьö. Абу мича-  
статя ныв кодь талуңъя вичко. Урöстөм рыныш вылö жö муно. Öшинь  
ни öдзöс, пöвйысь вöчышглөм вевтыс дзикöдз сісьмөма,  
жервидзö. Коркö важөн лөсьöдлісны сы жыръясын сельпо склад,  
видзлісны сөян-юан, треска бöчкаяс, кампет, вина-водка. А кор  
сельпосö талуңъя олөмыс кисьтіс, вичковид некодлы нин эз кут ков-  
ны. Пыран пытшкас да быттö гидняö веськалан, тыртöма гөгөр.  
И сөмын сыв пасьта кирпич стеньясыс да помöдз вушйытөм ен  
серпасьясыс казтылөны сійö кадсö, кор буретш тані, öбразьяс  
водзын сулавлісны-юрбитлісны и менам пöль-пöч, налөн чой-вок,  
рöдвуж.

Шог коть абу, но кольөм кадас ме верма бергöдчыны сөмын  
аслам мөвпгьясөн. Син водзö сувтöдлыны сэкса сиктсö, кыпид юра  
вичкосö, йöзсö. Со найö локтöны мир туй кузя. Мичаа вöччөмаöсь-  
пасьтасьөмаöсь. Вооны Кывтыдысь, Илля сиктысь, Пöжөмысь...  
Бувгöны-троньгöны жыннянгьяс, корöны вичко борд улö пöрысьöс  
и томös...

Öні сөмын рака-чавкангьяс пуксьывлөны сылөн коркөя кыпид  
юр вылö, лөкысь кравзöны, быттö водзö тешитчöны киссьөм вич-  
ко вылас...

Миян сиктын вичко да клуб öта-мөд паныв сулалөны. Шогпы-  
рысь, жаляддза видзөдöны мунысь олөм вылас. Некодлы ковтөмөсь  
лоины да. Но таысь, коньөрöйяс, сиктса вылö лөг оз кутны. Гашкö,  
асьнысö на мыжалөны, мый эз сяммыны олысьяссö бурас, сөстөмас  
да мичаас велөдны, мый кусö йöзлөн эскөмыс, налөн пытшкөсса  
югыд биыс, коді шонтö мортыслысь ловсö, кутö олөмсö... Гашкö,  
вичко да клуб öні каитчöны, мый öта-мөдлы паныв коркö мунысны.

Воча кыв пыдди чөв лөнх...



# Паш Миш да кань

Сійо асылö, кор висьöмыс көрт асыкөн топöдiс Паш Мишöс, пач трубаын омляiс вой төв. Дзик пон гөлöсөн — кузя, гажтöма, повзьöдчана. «Быгтьö морт кулём водзын», — шогпырысь думьштiс дэбалём паччөр вылын куйлысь Миш да восьтiс синьяссö. Ваньö нима каньыс нюжöдчöма орччөн, но садьмöма жö нин, легöдчöмтö кылис да сюся дзоргис-видзöдiс аслас вердысь-юкталысь вылö. Паш Миш малыштiс сарöга кинас каньлысь небыд гöна мышсö, пель вужьяссö, путкыль юрсö да синваиc кутiс доршасьны. Со öд мый выйöдз воис, чуньясыс чеччалöны-тиралöны кань мыш вылас, весиг кывтём пемöстö вердны эз кут вермыны...

Ружтигтыр бергöдчис веськыд бок вылас, синсö чöвтлiс пачводз öшиньлань. Сы пыр тыдалiсны град йöрыс, пивсян пельöсыс, разипели куйлысь пес чуркаяс. Сöмын здук мысти Миш казялис: төрыгтя серти ывла вылыс дзикöдз вежсьöма. Югдыштöма быдөн, лöма сöстём да мича. Öти войөн, Паш Мишлөн узигкостi, шняпкöма-усьöма кык чунь судта лым. «Төв воöма, а менам пескöй поткöдлытём и коли», — бара на кырыштiс Паш Мишлысь вежöрсö шог мöвп. Но тайö мöвпыс муртса удитiс инмöдчывны, сэсся öдйö вешийс бокö, лэбзис кытчöкö; Мишöс төрыгтя моз кутiс лёкысь тiрöдны, вукöдны, вомас ылькнитiс-локтiс пöсь дуль...

Бөрья кадас керкаса көзяин узьлывлiс паччöрас, ывла вылын ыркнитiс да, пöрысь мортлөн ки-кокыс корсис шоныдiн. Катöдiс гöбöч вылас кыз шебрас, мича дзоридзьяса ыджыд юрлöс, ассьыс важник сьöд гöна пасьсö. Думсьыс кузь төв кежлö дасьтысис. Он öд төд поведятö, гашкö, кутшöма көдздöдас, пашлякөн шлачöдчысь луньяс на пуксясны. Дай сьölöмыс бурмылис шоныд пач мыш вылö ляскысьöмысь. Водан да, аслыспөлöс көрөн öвтö нырад. Шог да чепсасьысь думьястö лөньюдысь, морöстö шоныд выйөн мавтысь сынöдөн. Сёрйын тонö ас киөн быдтём лук öшалö-косьмö, пемыд пельöсас важ көлуй тэчöма öти чукөрö, ставсö дөмөма-песлалöма, коркö, гашкö, ковмылас на; пöлатын гын сапöгьяс öти радын сулалöны, виччысьöны жö лым усьöмсö, вель ботан көрт тув вылö стен бокас пысалöма... И быдөнсянь аслыснога көр öвтö,

найӧ сӧлькнитчӧны-ӧтлаасьӧны да артмӧдӧны сийӧ муса сынӧдсӧ, кодӧс Паш Миш шуӧ паччӧр сынӧдӧн. Небыдик сийӧ, ас, став керка пытшкӧссӧ шонтысь.

Паш Миш тюп-тяпкерис косьмӧм вом доръяснас, вынышт-чыліс чеччыны, медым юшка восьтны да ыркалӧм пачӧ би суйны, но гырddза вылӧдзыс и кыпӧдчис — коскас быттӧ лэчyd черӧн сӧтыштисны, ойӧстис гораа, каньсӧ повзьӧдіс. Сьӧкыд уль кольта моз пӧри-шлапкысис мыш вылас, син водзас югыд би-кодзувьяс чепӧсийлісны. «Кынмыссьӧма, тыдалӧ», — мӧвпыштис Миш да кунис синъяссӧ, сӧсся ӧдийӧ, пыдісянь, вом тырнас кутис апавны кос лук кӧра сынӧдсӧ. А сьӧлӧмыс мый вынсьыс гыпкис-нетшкысис, пыр ӧдийӧджык йӧткаліс сӧнъясӧдыс пӧрысь вирсӧ, быттӧ бӧрьяысь, быттӧ дзик тайӧ здукас мудзас да ланьтас, помалас ассьыс уна вося уджсӧ.

Лун кык-куим сайын Паш Миш пес поткӧдліс. Коді тойліс петавнысӧ, сюра мутиыс тӧдӧ. Вайлісны пессӧ картофель керӧм бӧрын нин сельпоса уджалысьяс Сидӧр Гриш да Певрунь Ӧльӧ. Гузьгисны-кисьтісны трактор телегаӧ шыблалӧм чуркаяссӧ Паш Мишлӧн дзик потшӧс вылӧ, вазӧдісны-пӧрӧдісны, мисьтӧм чужӧмьясыд, быдса кык прасла. Мишлы бара удж вӧчисны. Пӧрӧдасны, дерт, шома юраӧсь вӧліны да. Синтӧм гутьяс моз мыччысьлісны трактор пытшсьыс, телега бердас шашаритчӧмӧн воськов-мӧд вӧчлісны эськӧ, но водзӧсӧ кокныс эз ну. Сӧмын ӧти «кисьт!» кыв вомныс изіс. Дозтӧ налы быть лои петкӧдны, еджыдӧс на, он кӧ ӧд сет, мӧдысь оз дорйыны. Нӧшта ызгыны кутасны сикт пасьтала: Паш Мишлы пӧ пестӧ ӧшинь улӧдзыс вайим, Эжва боксянь, ласта вывсянь, а сийӧ, скуп мортыд, весиг юрнымӧс эз веськӧд. Пӧрысь кутшӧн на нимтасны, сьӧм чӧжысь мортӧн. Сиктад сӧ удж лӧӧ бергӧдны, да мӧдысь на дорӧ он матыстчы, кую шуасны дай. Ковмас сӧки виньгыртны либӧ мунны да лесопунктса уджалысьяслы юрбитны. А наысь, юр вундысьяссыд, ӧти дознад он на мын, кык ли куим сулеяӧн лӧӧ мынтысьны. Тыпу! Мамтӧ шогӧдысьяс! Но и олӧм вӧльнӧй светас пуксис. Быд жель бергӧдӧмысь курыд зеля пычкӧны.

Пестӧ вайӧм бӧрын Паш Миш унсӧ воштис, инас эз кут ӧшйыны. Телепит вӧлі поткӧдлыны потшӧс бокин куйлысь чуркаяссӧ, колскӧдны найӧс лым усьтӧдз, тӧчны дась пессӧ выль лӧб улӧ, кодӧс Паш Миш гожӧмбыд ӧтнас тотшкӧдіс-вӧчис. Позис, дерт, и виччысьыштлыны, нӧрӧвитыштлыны прамӧй кӧдзыдьясӧдз. Сӧки поткӧдчынысӧ кивывджык, бура сетчӧны чуркаясыд, кыдз кӧть пожӧм, увья кӧть абу. Но Паш Мишлысь синсӧ вежис потшӧс бокӧ

гузыгъом пескыс. И йӱзсянныс быгтъӱ яндзим. Сиктсаясыд ӱд быдтор казьялӱны-аддзӱны. Навыс нинӱм он дзѣб. Блонгыны, кывтӱ песны радейтысѣ бабаясыд регыд на и шуасны — со пӱ тай, мыйӱн ӱткӱн коли Паш Мишыд, коньбӱрӱйлӱн весиг пескыс оз пот.

Збыль, ӱтка путӱ тӱв кызди вермӱ да кӱсйӱ, сӱдзи и куснялӱ. ӱтка олӱмыд — абу выя рок паньялӱм. Гӱтырыслӱн кувсӱм бӱрын со кӱкъямыс во нин коли, а гӱгрӱс чужӱма, дзормыштӱм Надюкыс пыр на син водзас сулалӱ, быгтъӱ эз и кувсыв, а здук кежлӱ кытчӱкӱ петӱс — пес пыртны либӱ вала лӱччис. Кузь да пемыд войснад вӱтын тшӱкыда усъкӱдчывлӱ, ас дорас корӱ. Он тай, майбыр, гозьяыд ӱти лунӱ мӱдар югыдас мӱдӱдчы. Кодныслыкӱ быть лӱӱ шогсӱ пыкны, ас пырыс ӱтка олӱмыслысѣ курыд войгьяссӱ лӱдзны.

Квайтымын арнад Паш Миш выль гӱтырӱс эз нин кут лӱсӱдны. Сэсся и асныра вӱли, конда кодѣ чорыд. Шуас кӱ кывтӱ, мӱдарӱ он нин бергӱд. Сюра меж моз пыксяс, асланьыс зырӱ. Либӱ мыйкӱ кӱ думыштас вӱчны, ловсӱ мудзтӱдзыс песас, а вӱчас. Тадзи и пес поткӱдлӱмнас лои. Рытивбыд жервидзысѣ чуркаясыс син водзас сулалӱсны, сӱӱлӱмсӱ йирисны. Весиг пызан сайын пукалӱгӱн, тшай ырскигӱн, чашка блюдыс вом дорас джӱмдылӱс, сӱтшӱма вайӱм пескыс сирасис вежӱрас. Быгтъӱ пачсӱ нин Паш Мишлы ломтыны нинӱмӱн, кӱтъ эскӱ сажень дас на, воддза воясӱ заптылӱмыс куйлӱс лӱб улын. Кос да мича пес, ставыс кызд да пожӱм, ӱти пипу абу.

Лун-мӱд жӱдзис горт гӱгӱрыс, мысѣкасис-песласис, лӱччылӱс Эжба дорӱ, чери кыян пыжсӱ кыскыштӱс сельпо складъяслань, тӱв кежлӱ ӱн чѣп йылӱ домалӱс-томналӱс. Та бӱрын и петӱс поткӱдчынысӱ, водз асывнас, муртса тшай юыштӱс да.

«Вежонӱн кӱ эштас и шань,— пес чукӱрлань матыстчигмоз артасис Миш,— потшӱс прасласӱ на ковмас дӱмыштны, сюра лешакъясыд со кызди вазӱдӱмаӱсѣ».

Кушенчаасис, бура дыр гӱгралӱс чуркаяс гӱгӱрыс, мыйкӱ нускис-сӱрнитӱс аскӱдыс. Гашкӱ, пипу сораджык пескыс вӱли да сы вӱсна броткис, гашкӱ, гажа юра вайысъяссӱ пинялӱс, потшӱссӱ пӱрӱдӱмысѣ, Мишлы содтӱд нок вӱчӱмысѣ. Та бӱрын тӱрыба эскӱ босытчылӱс чуркаяссӱ путкылявны, шлочкис-поткӱдӱс кыз дорыша колунӱн кызыбӱс кымын, но сэсся атшалӱс дзикӱдз, лолыс кутӱс тырны. А помазея дӱрӱмыс брӱд ва лои — коскӱдзыс пӱсялӱс. Пукис потшӱс бокӱ лольштны да чуњьясыс тӱралӱны, кушенчасӱ пӱрччыны оз вермы. Апалӱ ыркалӱм сынӱдсӱ, беринӱсѣ плеш вывсыс чѣпӱсйӱм ныльӱмсӱ кимышнас чышкалӱ. Шогтӱ пыкигӱн, ӱтнадтӱ олӱгӱн Паш Миш бӱрѣя кадас косымыштӱс быгтъӱ,

сартас кодъ лои. Тушанас ляпкальштис и. «Сё лешак тай, — шлапкис сійо кушенчасо бор бокө. — Со и ов отконтө, нөшта пöрысьман да. Кылө нин, мый абу кызь арөс...»

Дыр пукалис, мөвпалис отка олөм-вылөм йылысь. Кымын водзө, пыр сьокыдджык лоө бергөдны керкагөгöрса уджтө. Воясыд тай оз юасыны, тувсов шор моз тельгöны-мунöны. Со кызь чурка поткөдис, а ки-кокыс быгтьö рушмөма, бөрья вынсö сэтысь сюра лешакыс пычиктөма. Позис, дерт, медавлыны кодөскө, корлыны, мед песнас ноксис. Иван Васьос либө Педөр Öльос. Вина вылад волисны эськө. Но өд быд пöрийö кө бокөвöй йөзос чукөстлыны, ичөтик пензияыд оз тырмы, пескыд да картофельыд зарни дон сувтас. Кыдзкө-мыйкө ачыс нин тильяс, чуркаяссö поткөдлас. Вермыштö на да.

Чеччис-кыпөдчис коркө, көсийс колунла копыртчывны, но коссö быгтьö көртөн дорөмаось, веськөдчынысö оз вермы. Сэтшөма көдзалөма вир-йыйс шойччиг-пукалигад, чизыр төв йылад. Öдва-өдва, мать сорөн босьтис жö киас сьокыд колунсö. Ачыс кусыньтчөма, мегыр кодъ, латшкөс тушаыс кузя пилитөм чуркаяссьыс муртса джуджыдджык.

Коскыс сэки нин юавны кутис. Лыйыштас да синваыд доршасьö. Но та вылө видзөдтөг, пиньсö векуштөмөн Паш Миш камгис пудья колуннас. Ньөжйөник, лольштавлөмөн уджалис. Со кутшөм мича пожөм чурка сюри ки улас. Сувтөдис ас водзас, ыкнитөмөн лэдзис кыз дорыша колунсö. Чуркаыд шлочмуні-поті. Кокниа, мичаа, быгтьö сьылігырйи, быгтьö пескыс гөлөс сетис Мишлы, сёрнитис ськөд. Водзөсö, вир-йыйс шонавтөдз, дойыс вешйыгтөдз Паш Миш пожөм чуркаяс и кутис бөрийны. Мудералис, дерт, кос висьөмсö көсийс пөрьявны. Пожөм чуркаясыс шыльдөсь, веськыдөсь, кыз увьястөмөсь. Пипу да коз серти ёна вöсниджыкөсь. Сьокыд колунтө муртса на лэдзан, троньмунöны-чашкалоны нин. Кык кокни поткөдлынытө.

Пажынөдз тильсис-мырсис Паш Миш пес чипас дорын. Копрасигад коскыс, тыдалө, веськальштис, шоналис, нюдзджыкөсь лоины пöрысь лы-гөчьясыс. И кутшөмкө здукьясö вель лөсьыд нин вöлі, некыгті эз юав, быгтьö дойыс дзикөдз пышйис-муніс сы пытшкысь.

Лун шөр бөрас, дзикөдз апалис да, Паш Миш пырис нурьясьыштны. Пөрччысис, тшай пузьөдис, шонтис төрыгья шыдсö, нянь шöралис. Пачводзас на бергалігөн полатьсьыс лэччис Ваньö каньыс да кутис Мишлы кок бердас ниртчыны, мургыны мыйкө ас ногыс. Гажтөмтчөма отнадтө, кынөмыс сьумалө и.

Эз эськө Паш Миш моз пес чуркаяс клонгы пудья колунон, но ловья лов жө, юны-сёйны корө. Асывнас Миш бөрся лөсьодчыліс петны, казяліс, мый көзяиныс кытчөкө мөдөдчө да. Дыр пукаліс өдзөс дорын, вөйыисис ывла вылө. «Мун сэтысь, эн бергав ме гөгөр. Гортын ов. Пес дорас сөмын нок тэкөд лоө. Чер улас веськалан дай», — ропкөдчис Миш да колис каньсө керкаас, пөлатьөдзыс на катөдіс.

«Эк, Ваньө, Ваньө. Пөлатьөдзыд нин он во. Пөрысьмин жө ме моз. Нырисыд вошөма и. Шырьясыд пач костын шарөдчөны, гуджгөны лөнь войяснас, тэныд веськодь ставыс. Весиг гортөдз локтөм яйыд оз ков. Со өд кытчөдз воин».

Тадзи мөвпаліс Паш Миш Ваньө вылө видзөдігөн да сьөлөмыс муткырасис. Дзикөдз пөрысьмис каньыс, кутасьныгө эз кут вермыны. Казяліс тайөс Паш Миш таво тулыс нин, картофель пуктыгөдз. Төвбыднад Мишлөн вель уна сукар чукөрмис, быдса мешөк. Пөлатяс пуктыліс, важ көлуй пөвстө. Олөмтө өд он төд кодарө бергөдчас. Кач сөян кадыс Мишлөн син водзас на сулаліс. А эмыд век на эм. Катөдіс сукартө, сэсся и вунөдіс сы йылысь пөрысь юрнад. Коркө кушенча ковмис, кольөм вося лөп-өгсө йөрсьыс ид-раліг-весалігөн. Кайис пөлатьө. Видзөдө да, сукар мешөкыд вель ёна вөснялөма-нюрсмунома. Синмад шыбитчө быдөн. Бергөдіс өтарө, мөдарө, а мешөк пыдөсас кык чунь төрмөн розь... «Шырьяс пакөститчөмаөсь», — пыр и довгис Мишлы юрас. Видчис-пиняліс пөлатьысь лэччөм бөрын Ваньөөс, скөрйивсьыд ньөрьявны көсьис, да кыис эз лыб. Но кор лөнис сьөлөмыс, кор Паш Миш малыштіс пушкыр гөна Ваньөс, жаль лои кывтөм пемөсыс. Мый морла и броткө кань вылас, аслас тай сійө кадыс воө жө, регыд, гашкө, ва трубаөдзыд он кут воны, пестө пыртны вын-эбөсыд оз ло. А недыр мысти, дөмас вылө важ гын сапөг бөрийгөн, сэтысь сукарторьяс кутісны гузыгыны-гылавны. Со кытчө кыскалөмаөсь посни шышгьясыд Паш Мишлысь озырлунсө. Кань ныр улын шаштитөмаөсь...

Пызан сайө пуксьыгөдз Миш вердіс каньсө. Төрыгтя шыдсө жө сетіс. Съод няньторьясөн на сукмөдыштіс. Ваньө дугдіс гартчыны көзяинлөн кок улын, довгис пачводзө да кутіс тяпкөдчыны аслас ичөтик тасьті весьтын.

Пажын бөрын, рытгорувнас, Паш Миш бара на петаліс поткөдчыны, сөмын вежис вазьөм дөрөмсө, өшөдіс паччөр сөрийө косьтыны. Ньөжйөник, вөляникысь рөмдыгөдзыс камгис потшөс бокын, шойчигмоз дась пессө шыблаліс лэб улас — потас пө ставыс да тэча сэсся. Гортас пыригөн, пеля шапка увсьыс вазьөм

юрсисо шыльөдиг, синнас гөгөртис пес чукөрсө. «Пөрысь мортыды тайо шань нин, — бурмөдис сийо сьолөмсө. — Коймөд пайыс эштіс-а».

Көть люсмунтөдзис мудзис, муртса коксө кыкис, но Паш Мишлөн морөсын өзйис вирсө шонтысь би. Со тай, шуис аслыс, поткөдча пө, сідзи и вөчис. Ас кинас путкыляліс чуркаяссө, өтнас, некодөс медавтөг. Тадзи кө и водзө, кык-куим лун мысти потө став пескыс. Бара өти сиктса удж лоө сигөртөма, бара өти сьөкыд из усьө морөс вывсьыс.

Мөд лунас водз жө чеччис, муртса арся асылыс синсө на вөлі востьө. Вешталіс өшинь занавесьяссө да пыр и казяліс — көдздөдөма ывла вылас, пужьялөма. Пач ваймөдөм бөрын вердіс Ваньө каньсө, ачыс тшай ыркыштіс да гуля-голя востыліс керка иганьяс. Петіс кильчө помө, шензьыштіс: со кыдзи поводдяыс вежсьөма, виччысьтөг ыркнитөма, потшөс бокьясыс, лудйыс гөгөр едждөма. Абу ылын нин сідзкө батюшко-төлыд, көнкө дзик матын тапиктө-локтө. Ва ведра сулаліс кильчө дорас — чунь кыза йи-зьөма выліыс, тонө и катшаяс чукөртчөмаөсь көдзыдысла, кузь бөжнаныс легөдоны.

Пемыдруд кымөрьяс, кодьяс вежон кымын нин дышпырысь кывтісны керка стен вестті, вешйөмаөсь бокө, Кузөб нюрлань. Му бердас өшалысь енэжыс быттьө востьөма, югдыштөма. «Сэзьдө поводдяыс, — кильчө вывсө важ корөсьөн чышкигмоз ышлоаліс Миш. — Прамөя ыркнитөма, кийд кымө. Тадзитө регыд и лым усяс».

Дырсө эз кут мөжгыны. Пырис керка пытшкө, идраліс пызан вывсьыс тасьті-пань да кынмыштөм картупель му кузя веськөдчис пес загунлань. Төрыгтя уджсө водзө тільны...

Гоз-мөдысь шойччылөмөн час дас кыкөдз кымын поткөдчис. Эжваладорсянь пөльтіс лэчыд, чужөмтө сотысь вой төв, та вөсна лои бергөдчыны сылы мышкөн, пыравны да гартовтны юкалысь коссө гөтырыслөн шоньд чышьянөн. Ньөжйөник, но поткөдлөм пес чукөрыс вочасөн содіс, паськаліс. А Мишлөн выныд абу жө помтөм-дортөм. Сойясыс дзикөдз дубалісны сьөкыд колуннад өвтчөмысь. И дөрөмыс гөйөдзис көтасис, көть пөрччы да пыдзырт. Чизыр төв йылад пиньыс зяткакывны кутіс, көдзыдыс чепляліс резина сапөг пытшсьыс кок чуньяссө. Лолыс эськө пыкис, уджышт на пө, вен асьтө, но Паш Миш сьолөмнас кыліс — тадзтө и висьмыны позьө, быть лои пырны гортас. Пажын бөрын эз нин петав поткөдчынысө. Рытланыс, пемдігас, кынтыны кутіс, ки-кокыс тіралө. Весиг каньыс вердтөм коли. Мырдөн сорөн

игналіс посводз да керка ѓдзѓсьяс, ѓдва и паччѓрѓдз воис. Шлап-кысис-водіс, важ пасьѓн шебрасис, а сѓссия быгтьѓ джуджыд гуѓ ѓѓи. Со тай, сѓмын мѓд луннас сѓр асылын садьмис. Садьмис да тайкѓ-тайкѓ бок вылас бергѓдчис: сѓтшѓм топыда висьѓмыс ква-титѓма Паш Мишѓс аслас чорыд кабырѓ.

...Вукѓдіс скѓрысь, чорыда, быгтьѓ сьѓвьяссѓ Миш кынѓмысь нетшкѓны, думайтис нин, мый сьѓлѓмыс вом пырыс чепѓсьяс-петас. Но пытшкѓсса выныс, тыдалѓ, вѓлѓма на. Тѓрыгтья сѓяныс сѓмын ылькнитис пѓсь дуль бѓрас.

Быдсѓн кокниджык лолі, личавлі гѓгѓр висьѓмыслѓн кѓрт асы-кысь. Но эз дыр кежлѓ. Час мысти кымын Паш Мишѓс бара кутис пыдзравны, воддза дорсьыс чорыдджыка на. Ок и пелсѓдліс-восѓдіс! Муртса ловйѓн коли. Сѓссия нѓшта ѓтчдысь топѓдліс... Бур кѓть мый ки улас пывсьыны лѓччылан таз сюри. Сйѓ и дорйис. Урѓстіс эськѓ паччѓр вывсѓ, весасян-пеласян удж аслыс жѓ вѓчис.

«Гашкѓ, татчѓ и смертьыс суас да», — косьмѓм вом дорьяссѓ нюльштис Паш Миш. — Горшыд пакталѓ, а ватѓ некодлы мыч-чыны. Лигышмунѓм кисѓ вештыштис каньлань. Абу повзьѓма бара-й, абу пышйѓма паччѓрсьыс, кор висьѓмыс топѓдліс Мишѓс, лѓкысь нетшкис-зѓркѓдіс. Орчѓн и куйлѓ Ваньѓыс. Быгтьѓ видзѓ кѓзяинсѓ, гѓгѓрвоѓ сылысь сьѓлѓм дойсѓ.

Шыльѓдыштис каньсѓ мыш кузяыс, аслас синваыс доршасьѓ. А мѓдыд, дерт, аддзѓ да кылѓ, мый кѓзяиныс лунтыр куйлѓ, мыйкѓ сьыкѓд неладнѓ, сѓмын тай Ваньѓ нинѓм шуны оз вермы-а. Ниртчѓ тупыль юрнас Миш ки пыдѓсѓ, нориника нявѓстлывлѓ. Гашкѓ, кынѓмыс сьумалѓ да сѓйны корѓ, гашкѓ, орчѓн куйлысьсѓ жалитѓ, шогалѓ ас ногыс. ѓти керка пытшкын ѓд кымын тѓв колялѓма. Пѓрысьмис Паш Миш, арлыда жѓ нин и каньыс. Порсь на кор видзисны гѓтырыскѓд да шыр-крысаясысь сѓ пѓгиб лои, буретш сѓки вайис Миш тайѓ пашкыр гѓна Ваньѓсѓ. И водзын эськѓ каньтѓг эз овлыны Паш Мишьяс. Но скѓттѓ лѓсьѓдѓм бѓрын лои бѓрйысьны. ѓтияс полісны крысаяссьыс, посводзысь водзѓ воськов эз вѓчлыны, мѓдьяс кутасьѓм пыдди лун да вой шѓйтисны-кырсалісны. А тайѓ ай каньыс весьт кузьтасянь збодер вѓлі, юр вундысь кодь. Быдмыштис да Паш Мишлы бур отсасьысьѓн лои. А гѓтыр кулѓм бѓрас и керка видзысьѓн, Мишлысь шогсѓ пальѓдысьѓн, кузь тѓвся рыгтьясѓ сйѓс гажѓдысьѓн. Помнитѓ, лѓчас картаад да рыгывбыд кыйѓдчас. Синмыс биа ѓгыр моз югьялѓ. Видзѓдан да, шошаѓдыс нин крысатѓ кыскѓ. ѓдйѓ весаліс гид-картаньсѓ тайѓ нѓль кока ад горшьяссьыс.

А во куим сайын муртса ловйон коли. Ва веждан лун бõрын, кõдзыдыс трачкакылис ывла вылын, мунис кытчõкõ да вежон чõж шõйтис бокрын, гортõ эз петкõдчыв. Паш Миш гид-картабысь быд пельõс гудйис-лукйис, думнас Ваньõос корсис, гашкõ пõ, висьмис да саймовтчис морт синсьыд. Но весьшõрõ. Быттõ йирõ кыс-кõмаõсь пашкыр гõна Ваньõсõ. Õти асылõ, юшка восьтигõн, Паш Миш пельõдз кань нявзõм воис. Кывзысьыштис здук, котõрõн петис кильчõ вылõ. А пос помас сылõн олысьыс йõжгылясьõ, турдõма-кынмõма, вõзйиьсьõ керка пытшкõ, шоныдинõ. Паш Мишлõн синваыс петис, сэтшõм жаль лои каньыс. Бонзьõма, коньõрõй, кõзьяиныс моз кос сартас кодь лоõма. Кõть кывтõм пемõс, а кылõ асьыс мыжсõ, ниртчõмõн-ниртчõ Мишлõн гын сапõгõ.

Паш Миштõ он пõръяв, кильчõ вылын и гõгõрвоис, мый сылõн Ваньõыс энь каньяскõд шõйтõма-койтõма. Гид-картаястис шашти-тигад йõз каньясьянь аслыс сюралõма жõ, бура пыркõдõмаõсь. Ныр-вомсõ парсалõмаõсь ёсь гыжъяснаныс, лõмõссьõма нин. Пашкыр небыдик гõнсõ мõс ситõн лякõсьтõма, синъясыс чусмõмаõсь, жу-гыльõсь.

«Ойя дай ойя, кõни нõ тэ та дырасõ вошласин?» — синва сорõн юалис Паш Миш, кинас шлапõдис бокъясас, шензьõмõн шензис, мый трачкõдчысь кõдзыдъяс дырйи сылõн Ваньõыс ловйон ко-льõма. А Миш думайтлис нин: кынмис, тыдалõ, каньыс кодлõнкõ пес загунын, колис сийõс õтнассõ та ыджда керкаõ...

Лунтыр сæssя Паш Миш бергалис Ваньõ гõгõр: вердис-юк-талис, весалис гõнсõ косьмõм куйõдысь, сыналис гõгõрбок. Õти лёк кыв эз пет Миш вомысь. Кагаõс моз лелькуйтис орчõн олысьсõ, а рытнас, водигõн, паччõрас катõдис, аслас пасьõн шебрõдис. Сийõ войсõ бура узис Ваньõыс. Шоналис пõсь паччõр вылад да асылõдзыс путкылясис Миш бокрын. Но лун кык-куим мысти висьмис, коньõрõй. Оз ю ни оз сей, йõжгыльтчõма паччõр пельõсõ, быттõ кувны лõсьõдчõма. Повзис Паш Миш, кынõм висьмымõныс лои. Кынталõма, тыдалõ, пытшкõссõ Ваньõыд, пельяссõ и ныр-вомсõ. Быдса вежон пелõдлис висьõмыс каньтõ. Сæssя кыкнан пельыс уси Ваньõлõн, вуж выйõныс. Ныр-вомыс вируля яйõн оралис, гашкõ, тõлысь да. Быд пõлõс лекарство-мазьнас нин эськõ старайтис каньсõ Паш Миш, дэбыдик пõжõм йõлõн паньõдис, мед сõмын ловйон кольõ-а. Енмыс тай вõлõма на, лэччис жõ коркõ Ваньõыд паччõ-рысь, мõдар югыдсьыс, позьõ шуны, бергõдчис. И коркõя кодь збой лои, синмыс югьялõ, бара дась би пыр да ва пыр мунны. Сõмын шõйтõмыслы пасыс коли нэм кежлас — пельясыс мукõд

каньлөн моз оз чурвидзны, а вужъясас сөмын тыдыштöны, быттö лэчылд пуртөн лöсыштöмаöсь.

...Кузь лунтыр пласътвидзис паччөр шöрын Паш Миш. Лэччынысö полö, юрыс бергöдчö да. Прöступитчан кö да тёмбыльтчан гөбöч вывсянныс, сё пöгибыд и лöö, ки-коктö ли, сьылдзиртö ли чеган-вöрзьöдан. Сэки нин керкаылд дзикöдз ыркалас, ачылд тшöтш изöйман-кöдзалан. Көть горш тырнад горзы, некод оз кыв, некод отсöг вылад оз во. Гөгөр сы кодъ жö пöрысь йöз олöмсö пыкöны. Öтиладорас Закар Анна, мöдарас — Педөр Миш, карта сайланныс — Иван Нина. Муртса чусалö на пытшкын ловъя биыс, кымынысь тай шулисны на серти томджык Мишлы — Енмыслы пö важөн нин колö миянös ас дорас босътны...

Ваньö лöня куйлис Паш Миш бокын, быттö гөгөрвоис кöзияныслысь мөвпъяссö. Коді öни найös кылас, коді кежалас да отсалас? Дзугйö веськалисны кык мужик. Чергöдчан кö тані, ас паччөрад, вежон мысти, гашкö, и казяласны. Кольöм ар тай кывтыд помсьыс Тима Наста кöдзалöма жö паччөр помас да дас лун куйлöма лолыс петём бöрын. Некод абу и тöдлöма. Öшинь пырыс керкаас пырöмаöсь. Гортсö весиг дзебигас эз восьтылыны. Со тэныд и öтка олём, сйö абу ма панялём, торйөн нин пöрыся нэмнад. Сэки ловтö он пык, заводитас кö, петас.

Быдсяма мөвпыс, бурыс и лёкыс, бергаліс Паш Миш юрын кузь лунтырнад. Став олöмыс син водзас сувтліс, көть öни пернапас чöвт да мöдар югыдас мун. Шань, дерт, мый гөгөрвоис мөссьыс лэччысьны, гөтырсö дзебём бöрын скөттöг олö. Кызди эськö öни идрасис? Вермытöгыд. Каньтö вердны эбöсыс абу-а, кысь нин мөслы либö порсьлы джуджылд карта поскöдыс сёян лэччöдны. Вала петавтём ни, пескыс пырттём ни. Часыс тонö ланьтöма, гираыс чеп йылын джоджöдзыс öшалö. Чöv-лөнъ керкаас, шыч ни рач. И пачыс вочасөн кöдзалö, оз нин шонты Мишлысь мышшö, сьölöмсö, ловсö...

Ки пыдöснас бара вештыштіс плеш вывсьыс кöдзыд ньылöмсö, мырдөн сорөн ньылыштіс чепöсйём пöсь дульсö. Горш помас мыйкö гирскис, быттö вомөн ногөн ёсь дорыша изтор тасасьöма. «Вой тöлыд дорöма. Ва кöлуйнад поткöдчигөн», — кирган гөлөсөн сёрнитіс канькöд Миш, вöтліс ас дорсьыс гажтём мөвпъяссö, кодъяс мустём гутьяс моз гартчисны-бергалісны виссьысь-гудрасьысь вежöрас. Көнкö кö Енмыс эм, доръяс жö, гашкö, мездас тайö нальксьыс. Быттö сира гезйөн кöрталісны ки-коксö.

Куйлö Миш Паш, пöрысь Ваньö жугыля видзöдлывлö сы вылö, кывзö кöзияныслысь намгöдчöмсö. «Дзикöдз кö топöдас, телепо-

ныд весиг абу», — ышлолалис Миш. Сэссия курыда нюмдіс: коть өд лунтыр ыкайт да акайт, нинөм оз вежсыы. Босьтчылісны коркө на сиктын телепонтө нюжөдны, но бара на бөбйөдлісны чина йөзүд. Пөт каньясөн найөс Миш шуө. Воласны карсянь либө районсянь, шыльыд чужөмаөсь, нюмъялөны, рушкуныс зэвтчөма. Изасны эмсө и абусө, сы бөрын тувсовъя лым моз сылөны-вошөны. Миш сиктын со сутугатөм телепон сюръяясыс вит во мусьыс чурвидзөны, гашкө, вужъясисны нин да. Сиктас кызь депутат, но некодлы делө абу, пөсь ни көдзыд. Кольөм во тай Паш Миш эз и кайлы бөрийсыньысө-а. Дышөдіс шыра-канясыньысө, депутатъяслыс гылыд сёрнисө кывзыны.

А телепонад кө вөлі, позис коть бауньөн, а лэччывны паччөрсьыс, карөс корлыны, нывъясыслы юөртны: вися пө, волөй Криста ради. Куим ныв Паш Мишлөн карас олоны. Куимнанныс верөс сайынөсь, челядьныс гырысьсөсь и. Юөртан кө, быть воласны. Батъыд батъ на и эм. Дзик өти ловъя вуж коліс чужан сиктаныс. Косьмас да кувяс кө, эндас ставыс: и керка-карта, и град йөр. Эжмас-нитшсялас. Ойя дай ойя! Öні мый нин вөчан — оломыслөн медбур кадыс пельпом саяд. Ва вылын би пестөм артмө. Водджык коліс юрсө гыжъявны, во комын сайын, кор нывъясыс кызь кодьсө на вөліны. Ачыс Паш Миш медсясө мыжа. Кодөс сэссия пинялан? Брежневөс өд гортсыыс он чеччөд. Аслыс позис нырчыны, водзө видзөдлыны, пөрысьсө-нэмө. Медым талун эз ков өтнаслы шогавны, көдзыд паччөрын туплясьны, медым ва сетысьыд коть орччөн вөлі. А Паш Миш? Нэмсө кодкө вөсна пессисмырсис, көсийс государство водзын бурөн да зильөн лоны. Колхоз-совхозад бригадиралігөн кузь лунтыр вөлі котралас. Вөралыс пон моз өтарө-мөдарө шыбласис — скөт картасянь контораө, конторасянь — видз вылө, сэсянь — гаражө... Сола пөсьнас сөйөмбыгалөм дөрөмыс өнасө эз и косьмыв. Тьпу! Оліс кодкө вөсна төждөн, а öні со потөм вор дорө коли. И нывъяссө тшөтш сьөд уджсьыд көдзөдіс, карлань жмитіс-йөткис. Велөдчөй пө, югдөдөй юрныгтө, миян моз няйт пиын эн луйкысьөй. А налы и нимкодъ — жбыркнитісны мам-батъ позсьыд да сідз кө нин шуны, öні на лөбалөны. Бордъяссөм бөрад куимнанныс карлань сетчисны. Отпускаліганыс тай кежавлөны жө-а...

Сөйтөг да ютөг войбыд на туплясис паччөрын, асьядорыс сөмын ойбыртліс, час куим-нөль кежлө. Садьмис да быттьө кокниджык лоөма, личөдыштөма висьөмыс, лэдзыштөма аслас көрт кабырысь. Но син водзас керкаыс гыа ю вылын моз катласьө, эбөссө кодкө пычиктөма, ки-кокыс луги-леги. Кыдзкө-мыйкө гын сапөгасис,

намгыштис садьмөм канькөд да видзчысьомөн, приступись приступо, лэччис паччөр сэрөгьсь. Горшыс пакталіс да, первой ва ведралань довгис, ыджыд көш тыр жуним васо гулькьис-юис. Лольштөм бөрын өшинь занавесьяс вешталіс, ывла выло видзөдліс, мый көть по сәні вөчсьө. Югдыштөма нин да, ылөдз тыдаліс. Лымьыс воддза серти ёна содөма, тыдалө, кыкнан войсо на шняпкөма-усьөма. Мир туй кузя жургис-муніс совхозлөн тракторыс, телега тыр турун кыскө, совхозса сюрукьяслы лэччөдө. Иван Наста да Педөр Анна керкаяс весьтын, пач трубаяссьыс, пуркьис-кайис вывлань лөзоват-еджыд тшын. Сюръя кодь веськыд, пыкис ловзьысь-югдысь енэжас. Сэзьдөма, сідзкө, топыда ыркнитөма.

Тшынасьысь трубаястө адзөм бөрын Паш Миш быгтьө ловзьыштис, нюмсер котөртис сылөн ропмунөм чужөм кузяыс. Со тай, садьмөмаось жө йөзыс. Олоны кызкө. Мича асыв пуксьөма, выль лун пестысьө-локтө. Тайө мөвпясыс малыштисны-шонтыштисны Мишлысь сьолөмсө, и сы син водзын, сы вежөрын, көть регыдик кежлө, а оломыс петкөдчыліс град йөрас усьөм лымьыс кодь жө сөстөмөн да небыдөн. Здук-мөд мысти Паш Миш судзөдіс нин гөбөч бокысь пу зыр, ружтігтыр сюяліс ыркалөм пачө пос помысь пыртөм пес плакаяс, гартыштчөм кос сямөдө чуткис би. Сямөдыс трачкакыліг збоя өзйис, югзьөдіс саось пач гырксө, нель пельөсөн тэчөм пес плакаяссө да нөшта на ыпнитөдіс Паш Мишлысь рудзмунлөм ловсө.

Ваньө өтнастө эз жө кут жбутвидзны паччөр сэрөгын. Няв-нявкерис Мишлысь ноксьөмсө кылөм бөрын, тыдалө, кынөмыс сяммөма. «Сяммис, дерт, — коколюкаөн песьяссө лөсьөдігмоз жалитьштис каньөс Паш Миш, — быдса кык лун сөйтөм-ютөм да. Ме вөсна жө тшыгсө пыкө». Веськөдчис копыра уджсьыс, небыдика, нюжйөдлөмөн горөдіс-корис: «Лок, лок, коньөрөй, лэччы ме дорө!» А мөдыс бара няв да няв — гөбөч вылын тапикасьө — чеччыштнысө полө ли, Мишөс корө ли. Көзяин шлапиктис-ветліс пачводзысь гөбөч приступлань, нюжөдчыліс да топөдіс морөс бердас каньөс, лэдзис джоджө. Ваньө бергалыштис-ниртчыштис Миш гөгөр, сәсся тювкнитис-пырис гөбөчө, ывлаасьны.

Пач гыркьын биыс гажаа трачкөдчис, ыпъяліс-чеччаліс яра, ворсөдчис уна рөмөн. Паш Миш нимкодьпырысь видзөдіс муркөдчысь би выло да морөс пытшкас небыд лои, быгтьө ловзьыны кутіс, выныс содыштис тшөтш. Бергөдіс мышсө пач вомлань, дыр шонтис ыркавлөм коссө, вир-яйсө шыалысь югыд би водзын. А юрас бергаліс нин: сулыштас тадзи здук-мөд, ловсө өддзөдыштас, сәсся картофель весалас, шыд өшөдас пуны. Каньсө вердас,

ачыс сёйыштас. Паччөр сэрөгад кык лунтө тулясьом бөрын сэтшөм окота лои пось шыд панялыштны, пуом картупель солон да съод няньон няклялыштны. Ок и чөскыд! Миш весиг дульсө нбылыштис, син водзас сувтліс руалысь пось шыд тасьтыс да. Лольштис пыдісянь да кадсө воштыны эз кут, гөбөчө лэччис, картупельла...

Пач ваймөм бөрын, кор пусьысис нин да съолөм бурмытөдзис пось шыд ырскис-паняліс, Ваньёос вердіс тшөтш, и пуксис Паш Миш письмө гижны. Нывьясыслы, карө. Öтиөс мөдөдас дай. Тырмас, кыис со век на дзорө, шыпасьясыс öтарө-мөдарө чеччалöны. Карас сэсса аддзысьласны, пөттөдз сёрнитасны. Öти тетрадь листө и тöрис Паш Мишлөн гижөдыд. А мый паськөдчынысö? Элясис медсясө нывьясыслы: вися пө, зэв чорыда топөдліс пес поткөдлігөн. Забеднөйсла крукыштис на быдтасьяссö: тянлы пө, карсаяслы, менам шогыд оз кыв. Көть кулан паччөр вылад, некодлы весиг ватө мыччыны. Та бөрын веськыда крапнитис-гижис: төвйыны пө на ордө лэчча, Оляясө овмөдча, сылөн патераыс ыджыдджык. Туй сувтөм бөрын и локта. Виччысьöй...

Нель пельö кусыньтис гижөдторсө, суйис конвертө, дульнас клеитис. И нөшта на кык лун кыйөдіс пошта разөдысь Аляös, öшиньысь öшиньö ветлөдіс. Сикт шөрөдзис, майбыр, нель верстыд лөö, а Мишös кокьясыс омөлика на новлөдісны. Сійөн и видзөдаліс жбыргун Алясö. А мөдыс збыль жбыргун кодь. Лэбыштас мир туй кузяыд, да он и казявлы. Кокьясыс печласьöны, видзөдан да, быттьö йөткыштчө мусьыс, медым өдсө содтыны.

— Вай, вай, катөда, — босьтис письмөтө Аляыд. — Öнi дыр лэччас, вертолөтыд кыкысь вежоннас и волө да.

— Ме пайысь. Көть мый дыра. Туй сувттөдз кө воас и, — өвтыштис кинас Миш да аслас кок туй кузя жö йөр вомöныс локтис кильчө дорас, пыркөдіс гын сапөгсө, пырис гортас.

А мый сэсса вөчан, быть мөдөд юөртө нывьясыдлы. Мед төдісны-виччысисны. Вермис кө, шуам, эз нин эськө кут мушшайтчыны налы да. Ропмуні тай сись тшак моз, дзик вермытөм кадыс воö, тыдалө. Тадзи кө мөдысь топөдас, пезьдан дай.

Карас Миш төв шөрсө и олыштас. Медся көдзыд да пемыдгажтөм луньяссö. Тулысланьыс, март помьясын, позьö бөр кайны. Сэки шондыс вылын нин лөö, гождөмланыö бергөдчас. Сөмын Ваньёыскөд кыдзи-мый? Öтнассö өд он коль. Ковмас аскөдыс босьтлыны, карөдзис. Кыдзи автобусас лэччас-а? Быть өд мун, сумкаö дзумгас дай. Мед куйлө.

Ваньö, пөттөдзис сёйөм бөрын, чөла пукаліс-вуграліс лабич помын, джынввийö восьтлывліс синьяссö, кор Миш съөкыда ышло-

лаліс. Кань, дерт, эз гөгөрво, кутшом мовпьяс пессьоны козяин вежорын, мый сийо экайтo да акайтo, гыжъяло юрсo. «Лэччылам карас али он?» — шылькнитіс Ваньлысь пашкыр гонсo Паш Миш, зіліс гажодыштны асьсo, тыртoм керка пытшкoссo тайo юалoмнас, канькoд сёрнинас. «Лэччылам вай, он жo меысь кольчы», — пызан сайысь петігмоз мортлы моз бара на шуис Миш. Мoдыс сюяс дзоргис-видзoдіс козяин вылас, быгтьo юасис: мый пo мясянь колo, мый сэтшoм-татшoмторсo менсьым пычкан? Но Миш пырис нин вежoс саяс, думсьыс кутіс лoсьoдчыны карo петігкежлo. Дыр ко нюжмасын, кадыс таялас. Он и тoдлы, туйыд сувтас, машинаяс журкнитасны йиoн дoрoм Эжва вoмoн.

Вoдз кoдзoдіс да, октябрь помын нин лoи гын сапoгасыны да важ пасьсo паччoрысь лэччoдны. Недыр мысти Эжва сувтіс, мoроз-пoль сы вoмoн йи пос дорис. А вежон коліс, вуджавны нин кутісны: первойсo пода йoз, та бoрын вoла-дoддяяс, ичoтик пoлoс машинаяс. Кoркo сeсся, тoлысь бoрын кымын, дышпырысь, карсянь автобус лэдзисны. Шуркнитіс мир туй кузя, сиктсаяслoн быдсoн сьoлoмыс личаліс.

Паш Миш бурдыштoм-ёнмыштoм бoрын лoсьoдчис жo туйo. Быд лун педзис-жoдзис керка пытшкас, чукoртіс кoлуй, мыйсюрo, сы дум серти медся дoнаторьяссo, сюяліс паськыд мешoкo да лэччoдіс гoбoчo, саймовтіс сыв кызта пач кутысь пыкoдьяс кoстo. Oнیا гудыр oлoмнад нинoм он тoд, мунан карад да, гашкo, шышгьясыд аскинас нин керкаад пыраласны, шепнитасны-петкoдасны гачтo и дoрoмтo. Шкапын луйысигoн тай Миш дзик чуймыліс-а: шышгьясыд кo жежаласны, куш киoн оз мунны. Сoмын дoрoмыс Паш Мишлoн чукoрмoма кoмын квайт, дас сизимыс, лыддис да, шнич выль на, пасьтавлыгтoм. Весиг нейлонысь вурoмьяс сюрини ки улас. Абу oти во шкапас oшaлoмаoсь, еджыдьясыс вижoдoмаoсь, кодкo быгтьo на вылo тoрoпитoма.

Вунoдліс нин Паш Миш тайo дoрoмьяс йивсьыс, сиктад oлігoн тай он быд лун выльoс пасьтав, керка йoрад бергалігoн важьясыс, кисьoм-бонзьoмьясыс лoсялoныджык. Нoшта пeсласьныгтo мужик мoртыдлы сe пoгиб. Абу вeлавсьoма да. Надюкыс, шoньянoй, шур-шар вoлі вoчас, пивсьoм бoрын дась ванас и пeслыштас-пыдзыртас дoрoм-гачтo. А oні Мишлы лoo кузь лунтыр нoксьыны, первойсo весиг сьoд кoлуйсo еджыдьясыскoд oти тaзийo дзумгыліс-суйліс. Но мoртыд быдтoрийo вeлaлo. Кыкысь шуны оз кoв. И Мишoс oтка oлoмыд унaтoрийo исoдіс. Керка пытшкoсac сьлoн oні дзим-дзурк, видзoдлан да, быгтьo нывбаба киoн гoгoр пелькoдoма. Мукoд aньяс серти сoстoмджыка oлo, мед кoть oтнac-а.

...Туйо петан войнас Паш Миш час кык-куим кежло ой-быртліс. Чеччис, дзурс пемыд на вөлі. Бура югдытөдз пач ваймөдіс, Ваньоос вердіс. «Сей енджыка, поттөдзид, карөдзид дыр ковмас лэччыны», — бергаліс пачводзын кань гөгөр Миш, кывтөм пемөстө ичот мортос моз велөдіс. Ачыс муртса пуксыштліс жө пызан сайо, кык стөкан тшай и төрис. Туйо петан лунад нинөм оз пыр. Мукөдыс тай асывсяныыс ватшкөны, вомныс пыр легө. А Миш та-дзитө абу велалөма. Асывъяснас гырксө сөмын тшайон пожъыв-лывлө.

Пачводзянь Ваньо кайис лабич вылө, куткыртчис да зумыша кутіс видзөдны, кызди Паш Миш чукөртө-тэчө өдзөс дорө көлуй, мыйкө намгө вомгорулас, кайтө, мед пө эськө автобусыс ас кадө жө воис, эз жугав-резьды вөлөкас. «А тайо сумкаас тэнө лэччөда. Мед он кынмы, пыдөсас шоньд чышъян вольсалі», — Ваньо вылө видзөдіг гораа сёрнитіс Паш Миш, сэсса лэптис-пуктис сумкасо пөлать помө.

Кор дзикөдз нин югдіс, нөшта на гөгөртис керка пытшкөссө, петалис гид-картао, пыраліс чуланө, гөбөчө, тупкаліс-игналіс быд розь. Сөмын та бөрын, сьөлөмыс личальштис-бурмис да, лэччысис пызан сайо. Лольшта пө автобус вылө петтөдз, кадыс этша нин коліс.

Мальштис Ваньлысь тупыль юрсө, синнас гөгөртис стөнын өша-лысь карточкаяссө, видзөдліс ваймөм пачлань... И курыд ёкмыль горшас тасасис, синсө тшына пывсянын моз сотны кутіс. Сьөлөмыс муткырасьны кутіс. «Ойя дай ойя, мый нө, олөмой, мекөд вөчан! — керка тырнас ышловзис нисьө ымөстис Паш Миш. — Ставныд эськө жальөсь: и тэ, шонъяной, Надюк, и кыпыд керкаой, и гажа йөрөй, да быть тай лоө янсөдчыны тьянкөд. Энө дивитөй сөмын, регьд бөр локта, тулысөдзыс терпительштой».

Чурснитис-кыскыштис беринөсь нырнас, чышкыштис ки пыдөс-нас тюрөбтөм синвасө, кывзысис Ваньөкөд асья чөв-лөняс. Ланьт-лісны канькөд здук кежло, кузь туй водзад, сөмын часі гораа шлоч-кис-гартис кадсө, мудз төдтөг вөчис асьыс быд лунья уджсө.

«Но, ме пасьтася, буди. Водэджык петам дай, мед ог кольою жө автобуссыс. Ывлаыс талун сэзы, ыркыд. Гын сапөгасьны, тыдалө, ковмас, пасьясьны. Сөянтор на босьтышти, кынөмным, гашкө, сюмав-ны кутас да. Час куимтө өд ковмас лэччыны», — өдзөс дорын пошкис-пасьтасис, сёрнитис Ваньөкөд Паш Миш. А Ваньо, коді здук сайын на лөня куйліс Мишкөд орччөн өшиньдорса лабич помын, казяліс көзяиныслысь мөдөдчөмсө да чеччис, букыша, плеш пырыс кутіс видзөдны жөдзысь-нускысь Мишлань. Мөдыс босьтис

нин киас паччөр приступын куйлысь томан, нюжодчыліс да судзодіс пöлать помысь Ваньлы дасьтöм нянь ваялан сумка. «Карад воам да, пыригмоз и шуа нывъяслы: мися, тише, тише, локтö Мишö», — ас вылас сералыштис Паш Миш, коть эськö сьолöмыс дольсвидзис да. Зіліс мыйкö вынсьыс гажодыштны керкаыскöд янсöдчан здуксö, небзьодны измöм морöс пытшсö.

Матыстчис лабичлань, корис Ваньöос:

— Лок вай, муса ёртöй, менö гажодысьöй, пыр сумкаас. Петам сэсся, мөдöдчам мир туйлань. Автобусыд миянöс виччысьны оз кут.

Ваньö бара буквыштчыліс Миш вылö, йöжгыльтчыліс, быттьö сылы вартны кодкö кöсьö, сэсся скöрысь чушнитис Мишлань, пашкыр гöныс мыш вылас весът кузя сувтліс. «Лок бара-й, эн чушъяв ме вылö», — Миш нюжодчыліс каньлань, кöсьис босьтны сійöс моздорас, дзумгыны-суюны нянь ваялан сумкаö. Мөдыд виччысьтöг чепöсьис лабичысь, уйкнитис Миш ки улысь. Паш Миш шöйöвошли быдöн, вомсö паськөдөмөн бергөдчис пышйысь Ваньлань, а сійö звиркнитис-пырис гөбөчö. «Ваньö, Ваньö, кыс-кыс», — горөдіс Паш Миш, вөтчис кань бөрся, гурйив востіс гөбөч өдзөссö. Но сөмын бөжсö аддзыліс каньыдлысь, утөвтис Ваньö медся пемыд да ляпкыд пельöсас. Пидзöсчаньөн сэтчö он во. Гөбөчыс Мишъяслөн ляпкыдик, картупель гу коркö кодйыліс да мусö ывлаас эз и петкөдлывны.

«Ок тэ, сюра лешак, вирöс пузьöдысь», — пиньнас мурчнитис Паш Миш. Кысь нö сійö төдіс, мый Ваньö тадзи вöчас, чушкөдчас да утөвтас сы ки улысь. Буретш автобус вылö петігөн, бөръя здукас! «Коть кывтöм пемöс, а гөгөрвоö, тыдалö, мый туйö лөсьöдча, аскөд көсья босьтны. Со и чушъялö, асныралö, гортö кöсьö кольчыны», — пошкис Паш Миш гөбөч өдзөс дорын, скөрмис да бара на горөдіс гоз-мөдысь: «Ваньö, Ваньö! Лок, пет вай, кыс-кыс!» Но пемыд гөбөчын вöлі чөв-лөнь. Сөмын көнкö ылын, медся пыді пельöсас югъялісны кык турунвиж чут.

Паш Мишлөн вирыс пузис. Ляскис-шыбитис лабичö каньлы лөсьöдлөм сумкасö да кутіс шлагъявны-жөдзны отарö-мөдарö, юр вемсö йирис-сотіс öти мөвп — мый жö öні вöчны. Гашкö, бөр кольчыны? Мөдөдчис нин да, кыдзи бөрсö косан. Нывъясыс виччысьöны и. Шызьөдіс куимнанныссö да. Колян кö каньсö керка пытшкас, тшыглы кулö. Кынмас, коньөрöй. Паш Мишöс Енмыс ёрас кывтöм пемöс вылад тешитчөмысь.

А часі шлочкис-гартис кадсö, тойліс Мишлы: тэрмась пö, тэрмась. Лөнь керкаад тайö точкөм-шлочкөмыс нөшкөн моз клонгис

Мишлы юр вемас, тшөктіс өдіөджык мыйкө вөчны, кодарөкө шыбитчыны-сетчыны. Здук-мөд кө мөжгас, сэки дзик нин автобуссыд коляс. Водзвыв дасьтысьөма, да кысь бөрсө бергөдчан. Картупельсө вевтгьөма-тупкалөма и, көлуйсө саймовтөма и, телеграмматө вартөма и. Сөмын асныра Ваньө, кузь гөна лешакыд, паськыд плешкыд, туйсө вомөналіс. Ыръянитө кө, мед өтнас и олө...

Паш Миш петалис посводзө, пыртіс нянь чөвпан да чегьяліс кань тасьтїө, восьтїс фрикадельки банка, кисьтїс важ көшө көдзыд ва. Дасьтїс Ваньөлы сөян-юан. Та бөрын нопгьясис да босьтїс киас кык ыджыд тубрас. Вель уна на көлуйыс чукөрмөма.

Дольсвидзысь сьөлөмөн восьлаліс Паш Миш мир туй кузя, автобус сувтланіө, быд дас воськов бөрын бергөдчыліс, видзөд-лывліс ылыстчысь керкалань, и кымын водзө кайис чой паныд, сымын пессис лолыс, сымын өнджыка нөйтчис юрас мөвп: гашкө, эз тадз ков вөчны да? Кувсяс өд пөрысь Ваньөбыс, гажтөмысла сьөлөмыс потө. Либө кын керкаад изөйтмитас. Гашкө, кувсьыны и кольчис да. Ас керка помө. Тонө тай кызди бужгылясис талун асыв. Бытгьө пиняліс-дивитіс ас керкатө кольөмысь, карө мөдөдчөмысь. Сэссия чушнитіс да гөбөчө лэччис дай. Татчө пө кольчча, ас ног вөча, дзик мөдарө...

Час мысти Паш Миш вуграліс нин турки-таркиөн лэччысь автобусын, а син водзас пыр на чеччалісны гөбөч пемыдас энөвтөм кык югыд чут; найө то ыдждылісны-паськавлісны, то лоліны чунь пом кодьөсь, сотөмөн-сотісны Паш Мишлысь муткырасьысь сьөлөмсө.

...Быдса төлысь оліс Паш Миш карын, сувтїс ыджыдджык ныв ордас, а кытшовтїс ставнысө. Бытгьө и гажа на ордын, вердөны-юкталөны, майбыр, кынөмыд пөт. Оз ков пес пыртлыны, ва вайны... Но вежон куим мысти гажтөмтчыны кутіс Паш Миш, сьөлөм вылас деливө. Тыртөм керкаыс син водзас сувтлө, гөтырыслөн гуыс, Ваньө каньыс, кодї ыръянитіс да кольчис гортас. Мый сыкөд лои-а? Кынмис, дерт, кувсис керка пытшкас. Кывтөм пемөстө Миш өтнассө коліс, сы ыджда грек босьтїс ас вылас. Енмыд өд ставсө аддзө. Сө мокасьт тай!

Кор нин дзик телепит лои, шуис нывгьясыслы:

— Кайла ме гортө. Лун-мөд олышта. Пензияөс колө жө босьтны-а. Кувсис кө, Ваньөөс дзеба. Пыр син водзын сулалө. Бытгьө мыжа ме сы водзын.

Нывгьясыс чөв олісны. Төдісны батыслысь асныра этшсө, полыштїсны сыысь. Воча кө шуан, он лэдз, ас ногыс вөчас-а. Мед кайлө, сьөлөмсө бурмөдас да бөр на локтас. Водзө төвйыны.

Карса автобус төвзис-кайис южмөм туй кузя Эжва йывлань, быд здукон матыстис Паш Мишос чужан грездланьыс. Гыора ошинь пыр муртса тыдалисны лымйон тыром пуяс, воча локтысь машинаяс, но думнас, вежорнас Миш вөлі нин ас керкаас, доналөм-гөрдөдөм көрт пач дорын, ыджыд гын сапога, пася. Сөмын керкасө восьтөм бөрын, пач ломтас да, сьөлөмыс личалас Мишлөн. Личалас-ө? Ваньёискөд нө мый? Мишлысь морос пытшсө бытгыө көрт куранон гуркнитисны. Кувсис, дерт, каньыд. Отнадтө. Шогысла да тшыгысла. Дзевны ковмас. А кызди татшөм көдзыднас и дзеван? Лым пиө кө гуалан, понгяс да ракаяс өдий и пергясны. Тулысөдзис виччысьлас, сарайө шуйсө пуктыла дай. Картон көрөбө.

Тадзи мөвпалис Паш Миш автобусын пукалігөн. Шогалис и нимкодгясис, песис асьсө, но сьөлөм вылас кокни вөлі — гортас өд локтө, ас керкаас.

Мир туйсянь, пөсявмөныс собис-пырис. Пидзөсөдзис лымйыс пуркөдөма-усьөма. Пывсян весьтас воөм бөрын сувтыштліс, лөсьөдыштис пельпом сайсьыс сьөкыд нопсө, видзөдліс гөгөр. Кок туйяс тай оз төдчыны-а: лөк йөз, тыдалө, абу пакөститчөмаөсь. Понгяс сөмын таялөмаөсь аслыныс ордымтор, керка пельөссө вижөдз йизьөдөмаөсь...

Чөв-лөнъ йөрас. И керкаыс кын, квайтнан ошиньнас шога видзөдө собысь Паш Миш вылө, коскөдзис вөйөма лым пиө. Бара на сувтыштліс Паш Миш, шуштөм быдсөн лөлі, яндзим и, кор Ваньё йывсьыс думыштліс. Кувсьыны өд колис сийө Миш, өтнассө, көдзыд керкаө. Төв шөрын. Морөн лыйөм олөм пуксис.

Восьталис игангяс, аслас кыис тіралө. Керка өдзөсыс тратшка-кылөмөн воссис, сэтшөма кынмөма. Ывлаын кодъ пытшкас, лом-тивтөгьд.

— Ваньё, Ваньё, ловгья абу тэ, кысукой! — горөдіс Паш Миш өдзөс дорсянныс на. Видзөдліс, сөян дозгьясыс тыртөмөсь.

Пуктис нопгьяссө, паччөрө кайліс, пөлатьө, вежөс сайө пыралис. Некод эз кыв керка пытшкас. Сөмын джодж плакаясыс нора дзур-тышталисны Миш кок улын. Пөсялис весиг каньөс корсигөн. Разис пась кизгьяссө, пөрччис пеля шапкасө. Көсийс нин кинас өвтыштны да посводзө кос пєсла петавны, көрт пач ломтыны, мед көть керкаыс шоналыштас-косьмыштас. И сийө здукө пач костас шарөдчөм кыліс. Паш Миш пельсө чошкөдіс, зэвтчис быдөн тушанас. Видзөдө да, сингьясылы эз эскы. Пача-стен костсьыс Ваньёис петө. Бубуля кодъ сьөд, юрсянныс бөжөдзис саөсьсөма. Гашкө, пач горгяс и узьлөма да. Төлысь чөжыс.

Адзис Ваньё Паш Мишос, вомсө векуштис, мегыр моз ку-

сынътчис-сүвтис, чушнитис сы вылө. Быттьö эз тöд Мишöс, быттьö кодкö бокöвöй морт пырис керкаас. Омöльтчöма-вöснялöма, шöрт кодь лöома. Кучикыс летйисьö. «Коньöрöй дай Ваньöй, мый дыра тшыгтö пыкöмьд, кöдзыдсö терпитöмьд», — синвасö чышкалиг ливкйöдлис пачводзын Паш Миш. Жальыс ылькнитис сы морöс пытшкысь, синва сорөн петис ортсыö. А Ваньö воськовтис пач вомлань да гөнсö сүвтöдöмөн чушкис Миш вылө. «Вай бурасям, Ванюк, бурасям», — гораа шлюпкис-бöрдис Паш Миш, сэсся виччысьтöг öзйис-ловзис, котөрөн сорөн чепöсийс керка öдзöслань.

— Мый нö ме сулала, Ванюк! Час пeсла петала, кöрт пач ломта, тэнö верда-юктала. Карса гөснеч вайи. Калбас и, быдторсö...

Но öдзöс шытö кылöм бöрын Ваньö шыбитчис пач вом дорсыд, чеччыштис джоджö да Миш кок увтi уйкнитис-петис посводзö, сэсянь лыйыштис карта вылө.

Рытывбыд виччысис Ваньöös Паш Миш. Кöрт пачыс некымынысь гөрдöдз донавлис, шонтис-вежис керка пытшкысь уль руа сынöдсö. Дыр ломтывтöгыд öшиньясыс бöрддзисны, синва войтьясөн тюрöбтис сылысь гыöрыс стеклöяс кузя. Миш витысь кымын петалис карта вылөдз, горшыс доймытöдз горзис-чуксалис каньöс.

— Лок, Ваньö, лок. Криста ради, пыр керкаас. Сэсся некор нин öтнадтö ог коль...

Но некод эз вочавидз Паш Мишлы. Сöмын карта öдзöс сайын лёкысь омлялис вой тöv. И тайö омлялöмсьыс нöшта на шуштöм-джык лои сьöлөм вылас...



# Ас пывсян

Дзикодз сісьмыны-рутшмунны кутіс Пиля Васьяслон пывсяныс. Лудья муас пырөмөн пырө быд во. А мөдар боксянь кө, абу и дивө. Во кызь нин, гашкө, сійө больөдіс-пывсьөдіс и пузчужом кагаясөс, и верстыө войтырөс. Ачыс Пиля Вась тайө пывсянсө, дерт, эз кыпөдлыв. Гөтырыслон батыыс кулан воас лэптывлөма, бөрья вынъяссыйс. Гожөмбыд тільсьөма-пессьөма, а картопель керигон швачөдчөмаось нин небыд корөсьон. Быттьө сьөлөмнас кылөма Миш Микол мөдар югыдө мунан кадсө да ас йивсьыс нөшта өти бур пас олөмас кольөма. Пывсьөй пө, мыссьөй, ловтө да вир-яйтө став лөксыйс, мисьтөмсьыс весалөй. А ме муна, дзикодз мудзи да, шойчыштны окота... Тадзи кымын сёрнитөма кулом водзылас Миш Микол. Гөтырыслон мамыс, Пиля Одя, верөс йивсьыс тшөкыда казьтывліс. Кыкөн и тшуплөмаось-лэптывлөмаось бөрья пывсянсө да. Нельөдөс пө Миш Миколкөд олгчөжөн.

Ачыс Пиля Вась пывсянтө некор эз лэптыв. Öти-кө, том на вөлі, муртса комын вит арөс тыри. Мөд-кө, гөтырыслон мам ордын олісны да, сылөн пывсянын и пывсьывлісны. Мед көть важиник, а сьөлөмтө бурмөдліс на. Көш джын ватө кө койыштан, пельтө дзижөдө-сотө пөсь-дон сынөдыс, джодж бердас лөя ляскысьны-лэччыны.

Но кадыд тай ассьыс шөртсө гартө, пыр водзө муно, он быттьө и казявлы сійөс. Бөрья воясас Пиля Вась джодж плакаяссө гозмөдысь вежліс нин. Пөрысь йөз шулөмаось: ваыд пө весиг из розьөдө, путө сійө, майбыр, кык өдийө йирө-сісьтө. Пыран көджсьыс да полан водзө воськовтнытө: то өти джодж плака лайкьялө кок улад, то мөд ратшмунан выйын. А кольөм вежонас гөтырыс муртса коксө эз чег. Пачбокса джодж пөвйыс, вөлөмкө, сісьмөма дзикодз да шөри чегөма, кокыс и дзумгысьөма плакаяс костас. «Сө лешак, кор нин прамөя дзоньтавлан пывсянсө,— лөкгоршөн горөдіс повзьөм Катяыс.— Ме кө абу жаль, челядь йивсьыд көть думыштлы». Пывсигчөжыс сөсся дудгис-броткис, быттьө пу пилаөн гурскис Васьыльс беринөсь голясө. Шог лои Пиля Васьыль. Но вочасө нинөм эз шу. Пиньсө мурчнитөмөн коясис да петіс. Весиг эз корөсясь...

Гортас нин, чай юигөн, бөр бергөдчывліс мөвпгьяснас важ пыв-сянланьыс. Гөтырыслөн парскана кывгьясыс йирисны морөссө, сотисны-дойдисны вежөрсө. Дерт, сисьмас гөгөр, кымын во нин пыв-сяныслы да. Быд вежон тай, өтчүкөрөн, больөдчөны-мыссьөны. Гөтырыс пывсянас пыр пясласьө и. А гожөм воас да, лун космөсөн ломтывлөны. Пиля Вась сэсся пывсян сисьмөмсьыс өмөй мыжа? Кык нэмтө весиг морт оз ов...

Ас кежсьыс, тадзи кымын, мөвпаліс Пиля Вась рыгнас тшай юигөн. Гөтырсө да орччөн бергалысь-чилзысь челядьсө быттьө эз и казаяв. Пукаліс ен ув пельөсын да бергөдліс юрас чепсасьыс мөвпгьяссө отарө-мөдарө. Босьтчас кө, шуам, гожөмнас, дерт, дзонь-талас-мольөдас гөгөр. Нокыс важ пывсянад ок уна. Дждодж пла-каяссө быть вежлав, сэсся улі кергьяссө тшөтш, дзикөдз нин сисьмөмаөсь. Пачсө выльысь лөсьөдышны колө и, тшынодө, сө леша-кыд. Мый көть эн шу, а важыд важ и эм. Быттьө важ дөраөн вөдитчан: өтилаті дөман, мөдлаті резьдө... Позьө, шуам, и важ пыв-сянтө кызкө-мыйкө дөмыштны. А во-мөд мысти гөтырыс бара кутас броткыны, голясө Пиля Васьлысь гурскыны-йирны. Став вирсө тшыкөдас. Кокниджык, тыдалө, выльөс лэптыны. Важыскөд орччөн. А сись пывсянас, лөсьөдыштны да, позьө ыжгьясөс видз-ны. Оз нин ков торгья гид лэптыны. Тайө мөвп вылас и сувтіс Пиля Вась, быттьө кывкөртөд аслыс вөчис. Сэсся коркө и гөты-рыскөд аслас сьөлөм дойөн юксис. Мөдыс, дерт, пыксьыны эз кут. Ловзис быдөн верөсыслөн вөзйөмысь.

Сөр арын, кор кынмаліс да медводдза лым тупкис-шебраліс мусө, Пиля Вась гөтырыслөн воча вокыскөд пөрөдчисны. Сикт-сянь вель ылын, Мича яг бокин. Верст квайт, буди, лоө. Тані коркө орчча вөрпунктса войтыр муркөдчылөмаөсь нин эськө, но мича пожөма вөрыс кольыштөма на. Пывсян вылад шеді буретш. Яг бокас и увйысисны, чинтасисны, сэсся регыд мысти и вайисны дась кергьястө. Эз дзик горт дорас, а сикт помө, нейджыд кушинө. А та бөрын өддзис да, со өд кутшөм мортыд горш овлө, кор аслыд мырсьө-вөчө, гөтырыслөн воча вокыскөд мичаа кырсьйисны став керсө, тшупсьыны кутчысисны. Вежонөн лэптисны пывсян срубтө. Сөмын та бөрын эновтчисны уджсьыс — көдзыдавны чорыда кутіс да. «Шань таво кежлө, сюрса лыыс тай лои-а, яйсө тулыс-гожөмнас тэчам-быдтам», — өвтыштіс кинас нюмгьялысь Пиля Вась, кор гөтырыс кежаліс тшупсьысьяс дорө. И сө збыль, сы морөсын мыйкө быттьө ас местаас пуксис. Ок лөсьыд-долыд лои мортыд-лы, сьөлөмыс сьылөмөн сьылө.

Тулыснас, кор лымийыс сылі да муыс косьмыштіс, разисны срубтө

да вайисны пывсян керъяссö ас йöрас. Лун кык, картупель пук-  
тыгöдз, ноксисны гöтырыскöд — пывсян подувсö лöсьöдiсны-дась-  
тiсны. Пиля Вась гöгрöс гутор на кодйис, мед пö майтöга лёк ваис  
сэтчö чукöрмас, улi керъяссö оз сiсьты. Гуторсянныс, ваислы бокö  
петöм могысь, шор сямаöс зырйöн писькöдiс-вöчис. Бöрынджык  
пö, кöрт труба корся да сюя. Нэмöвöйся лöö ва петанiныс...

Лэптiсны выль пывсянтö öти лунöн. Гöтырыс да сылöн воча  
вокыс тшöтш отсасисны. Ворсiсны быттö. Кодi нитшкасьö, кодi  
кер помö кутчысьö. Син водзын кыпалiс пывсяныд. Быттö сэнi  
и сулавлöма, важыскöд орччөн.

Рыгнас нин пырисны гортаныс. Медся сьöкыд уджъяссö лои  
помалöма-эштöдöма. Позьö шуны, вевтöдзыс воисны. «Водзöсö  
кокниджык нин лöö, — ышöдiс гöтырсö Пиля Вась пызан сайын,  
мудз вештiг. — Водзöсö ачым нин ставсö вöча. Ковмас кö, отсыш-  
тан дай».

Но аскинас, кор Вась петiс йöрас да тэрмасьтöг кытшовтiс  
нитшкалём срубсö, сьöлöмыс быдсөн ыркнитлiс. Мөвпыштiс-  
артыштiс да, уна пöсь на ковмас кисьтны. Öдзöс писькöдны, джодж  
да пöтöлök вöчны, му лэптыны сы вылö, вевтгыны пывсянсö, öши-  
нявны, пач лöсьöдны... А Васьлөн кык ки сöмын. Нöшта ёнасö  
чер-пилад водзынсö эз вöдитчыв. «Гашкö, кодöскö медавны да?  
Олöмаджык да востер мортöс?» — мөвпыштiс-песiс асьсö Пиля  
Вась да бара на кытшовтiс гöгөр. Но недыр мысти вöтлiс нин ас  
юрысь тайö лöсвятöм мөвпсö. Батыслөн коркöя кывъясыс кöрыш-  
тiсны сылысь сьöлöмсö да. Сийö пыр шулывлiс: уджсьыд пö, пиук,  
некор эн öтдортчы. Синмыд полö, а кийд вöчö. Здукөн нинöм он  
бергöд, но вочасөн ставыс артмас. Сöмын оз ков дышöдчыны.  
Дышыд пö руш, морттö пытшкөссиянныс йирö.

Ноксис Пиля Вась выль пывсянас гожöмбыд. Ачыс нырис-  
вöчис ставсö. Писькöдiс öдзöс, öшиньяс, джоджалiс кöджсö да  
мыссян-пывсян жырсö, пач подувсö лöсьöдiс и, пачсö пуктiс, öдзөсьяс  
вöчис-öшöдiс. Сэся, öддзис да, мичмöдiс-мольöдiс гöгөр. Пывсян  
пельöсьяссö пуд сьöкта «Дружба» пилаөн кузь лунтыр ковмис  
джужгыны-пилитавны. Сё пöсьтö кисьтiс-а! Но мичаа артмис, быд  
пельöс öткодь. Чурвидзысь-öшалысь нитшсö быд кер костысь лэчид  
черөн кералiс-шыльöдiс. Атшалiс-мудзис, дерт, но сьöлём вылас  
ок долыд вöли. Ачыс öд, позьö шуны, пывсянсö лэптiс-кыпöдiс.  
Ачыс! Ас кiөн, ас лов-вежөрөн. Ломтыштiс пачсö чаг сорөн да,  
тшыныс петö-пуритö зэв азыма. Челядь моз нимкодясис Вась,  
гöтырыслы тойлiс бокас, телепит пывсьыны-корöсясьны мортыд-  
лы. «Субöтаöдзыс терпитлы нин, кык лун коли, — öвтыштчис

нюмъялысь гётырыс. — Васё ваяв да пессё лосьод. Да джек воч на. Мед жарсьыс пуксьыштлыны өдзёс дорас».

...Кадыс арлань нин катовтис, кор Пиля Вась ломтис выль пивсянсь. Медводдзаясь мыссьём-пивсьём ради. Ачыс дзик ломтис, ачыс васё ваялис, пес поткөдлис-пыртлис. Корось пивсян көджас керка лөссьыс петкөдис-лэччөдис.

Лөдсавлис гоз-мөдысь и. Посныдыка поткөдлөм кыз пу пессё би азыма зэв нямлялис, чунь кыза көртысь дорөм-вөчөм пач до-налис-гөрдөдис, пөлтчис быттьө. Кос ёсь жарыс Васьыльсь пельсё сотис, лолыштны оз сет. Пыралас көджсьыс пытшкас да утөвтас-лыйыштас здук мысти бөр нин. «Сё морө, бур жарыс, абу васөд, кос зэв. Прамөй пивсян тай артмөма», — аскөдыс сёрнитис Пиля Вась көджын, куритчигмоз. И лолыс быдөн тырли: эз өд дядьö вөч, ачыс...

Челядыс первой нырас эз петны. Жар пö да, бөрүнджык мыс-сям-больөдчыштам. Вась да гөтырыс лэччисны. Пивсисны бура дыр. Васё уна ваялис да воштынысö некытчө. Мыссисны тэр-масьтөг, төлкөн-ладөн. Ас пивсян өд, некод, майбыр, бокад оз той-лы. Гөгөр дзим-дзурк, выль кер-пөвъяссияныс, весиг нитшсьыс парма көрөн өвтө. Пукалө Вась да сьөлөмыс мортыдлөн сьылө, морөсас чеччө, татшөм шуда здукуыс эз на вөвлы да...

Коркө и корөсясьөмөдз воисны. Гөтырыс регыд мысти петис: юр пö кольмас да пласьт лө куйлыны гортын. Вась сийөс эз мөд кутны-вомавын. Оз тай быдөнлы лөсяв жар пивсяныд. Кодкө корось радейтө, кодкө — мөдарө, дэбыд ваён сөмын больөдчывлө. А Вась велалөма сьөлөм бурмытөдзыс швачөдчыны корөсьнад. Отчид пыралас, мөдысь, коймөдысь... Пельсө жарыс чишкалө-сотө, а сийө кош тырйөн на койыштлас. И өни сідзи жө. Гөтырыслөн петөм-мунөм бөрүн өтнас коли да, өддзис дзикөдз. Став мудзсө, коді шедлі пивсян кыпөдиг-вөчигас, быттьө көсийс вөтлыны. Гор-ша да азыма швачөдчис корөсьөн. Петалас көджө, лолыштгас, сяс-ся бара пырө нин. Быттьө бөръяысь пивсис-корөсясис, көть эськө ас пивсянас, выль пивсянас, медводдзаясь на да...

...Час мысти кымын, кор повзьём гөтырыс петис пивсянө, верө-сьыс эз нин вөв ловъя. Куйлис көджас ас кыём, мича джодждөра вылын. Весиг пасьтасьнысö абу слөймөма-вермөма. Вомсьыс быг чепөсийөма, летөм-песөм корөсьыс орчөн туплясис. Бөрүнджык сиктса пельшөр висьталис: сьөлөмыс пö, коньөрлөн сувтөма. Вич-чысьтөг, тыдалө. Весиг көдж өдзөссө выныс абу тырмөма востьны Пиля Васьлөн, сөстөм сынөдсө лолыштны-апыштны. Кысь нин отсөг корны, чукөстны-горөдны челядьсө ли, гөтырсө ли. Тадзи и

помасис оломыс нөшга өти коми мортлөн, кодi и уджавліс горша, и пывсьывліс-корөсясьліс сьолөм бурмытөдзыс. Сөмын шуштөм лои Пиля Васьяслөн керка пытшкын да град йөрын. И некод нин воддза моз эз нимкодясь выль пывсянлы, кодi төрыт на вайис сы мында радлун, а талун со — сы ыджда шог...



# Сола чери

Миян сиктын Малань Ваньёс быдён төдіс. Ичөт тушаа, паськыд пельпома, чорыд кабыра. Чужоьмыс тасьті кодь гогрөс, беринөсь. Восьлалігас отарө-мөдарө катласьыштө. Енмыс тай, майбыр, сетлөма Ваньлы вын-эбөссө. Кык морт мында. Но Малань Вань аслас ёнлунөн некор эз ошйысьлы, мукөд гажмөм мужичөй моз эз пуджывлы дөрөм соссө да горзы: «Кодлысь нө пув ватө кисьтны!» Көть эськө кабырыс меж юр ыджда вөлі да.

Малань Вань, мөдарө, яндысис быттьө, мый мукөд серти вын-эбөсadjык. Рам сьөлөмаён чужтылөма мамыс, вежавидзысь мортөн. Сиктын ни орчча вөр посёлокын чуньён некодөс эз вөрзьөдлыв. Көть садь, көть гажа юрөн. А уджаліс-мырсис Малань Вань орчча вөрпунктын, трактористаліс. Медсясө Эжва ю дорын, ластва вылын тільсис-ноксис. Ваясны ылі пармаысь вына «Мазьяс» чинтавтөм на пуястө, кузьысь-кузьөсь найө, отарө-мөдарө бовьялөны ёсь йывьясыс, а Малань Вань аслас көрт вөлөн отсалө йөткавныректыны найөс. Төвся кадад лун и вой ковмывлө уджавны. Дөрөмыд брөд ва лөлө. Гожөмнас личыдджык. Вөртө омөля петкөдоны да. Малань Вань сэки гожйөдчө, беринөсь мышсө шонді водзын пөжжө. Дышөдас да Эжва юас бузгысьлас, больөдчыштас челядь моз, бусняйтсьыс мездыяс. Косьтыяс, чигарка нөнялас. Сэссия ю пөлөн вывлань кайыштлас, вой кежлас шыбитлөм донкаяссө виддалас. Чериторйид сәні, кыра берег дорас, Малань Ваньлы пыр шедыштлө. Эм кө кыйдөсыс, аскөдыс босьтас, абу кө, самалас гөрд нидзувьяс да донкаяссө бөр Эжва юас вөйталас.

Пуксяс трактор дорас, а син бөжнас чөй йылын сулалысь вөр посёлокань кыйкнитывлө, кыйөдө, оз-ө тыра «Маз» мыччысь.

Шлапвидзө тадзи коркө Малань Вань шоньд лыа вылын, шпуккө-куритчө. Сьөмсө вель дыр эз сетавлыны да юрыс талун сөстөм, морөс вылас кокни. Бордьяс кө вөліны, көть лэбав каляяс моз Эжва весьтөдыс. Ок лөсьыд! А кор Ваньлысь некьгі оз дойд-топөд, сэки сылысь кок пьдөссө быттьө ачыс мутиыс гильөдны пондө. Вильыш мөвпьяс юрас бергавны кутасны, нюмьөвтлас весиг ас кежсьыс, гожьялөм чужоьмыс сйө здукас кык тасьті пасьта лөлө.



Нюмъялө-пукалө Малань Вань, дзоргө-видзөдө Эжва юлань. Буретш сэки и матыстчис сы дорө Яков Сидоренко. Кузь Яковөн сійос шуисны-нимтісны быдөн. Кыськө лунвылысь волөма, кыз сьом корсьны, тыдалө. Уджалис сійө Малань Ванькод орччөн, ластва вылын жө. Көрт крукөн чинталөм керьяссө быгльөдліс-торійө-даліс. А кор прөст кад сюрас, ю дорө шавксьөдас, шатинөн чери кыйө, донкаяс Малань Вань моз вөйталө. Коминас эз сёрнит, гозмөд кыв сөмын төдіс. «Нянь», «пань», «кукань» да нөшта некымынөс, мисьтөмджыкьяссө, дерт. Велөдөмаөсь олома морттө орччөн уджалысь комияс. Ерөмаканья!

Роч Яков кузь тушаа и вөлі. Малань Вань сылы пельпомөдзыс на. Но Вань кө зумыд тэчаса, паськыд пельпома, кыз голая, Кузь Яков сартас кодь дзик. Видзөдан да, шонді водзын косьтөм сирпи быгтьө. Нэмсө сөйлыгтөм морт. Нөшта омөля аддзө, пев кыза стеклөа өчки новлө.

— Ну как рыбалка сегодня? Проверял донки-то? — юалис рочөн Кузь Яков жбутвидзысь Ваньлысь.

— Да ни черта нет. Пусто. Червяков только мелкота сожрала, — вочавидзис рочөн жө, дерт, шонді водзын очсалысь Вань.

— Схожу к реке, вчера донку новую сделал, на пять крючков. Попробую закинуть.

— Закинь, закинь, может, тебе и повезет, — ышөдыштис Кузь Яковөс Малань Вань.

Видзөдө да, Яков сылөн кыйсянинсянь берег пөлөныс вылөджык кайис. Со сувтіс, ноксьө-тапикасьө ю дорас. Самалө, тыдалө, вугырьяссө. Недыр мысти өвтыштис кузь кинас, вөйтис-шыбитис выль кыанторсө Эжва юө. Бөрсө локтігөн Малань Ваньлань эз нин кежав, кытшолөн лэччис аслас уджаланинө.

Пукалө Вань, вомыс курзис нин шпуткөм-куритчөмсьыс. А вөр тыра «Мазьяс» пыр абуөсь. Весь тутвидзигад вильыш мөвпьяс кутісны Ваньлысь вежөрсө гильөдны. Сө лешак! Чери пө оз шед. Шедас Кузь Яковидлы, быгть шедас выль вугырьясад. Малань Вань чепөсйис сэтшөм тэрыба, быгтьө сылы емөн сатшкисны небыдінас. Кавшасис трактор вылө, пытшкас юрсө суйис. Пуклөс сайсьыс судзөдіс-перйис талун кежлө босьтлөм пажынсө. Төдө өд, мый сылы гөтырыс пуктыліс. Пуөм картофель, капуста, сьөд нянь да сола чери. Чериыс, дерт, абу ас, лавкаысь ньөбөм, ылі саридзысь кыйөм-вайөм. Юрнас и быдөн, кертөгыс мөдөдөма. Но и тайө шогмана, таысь гөтырыслы аттьө.

Малань Вань дзебис-гартыштис ки улас сюрөм дөраөн кык весьт кузя черитө да котөрөн сорөн Эжва дорө. Тэрмасьөмысла

лолыс тырис. Кузь Яковлысь чери кыянторсö öдйö и аддзис. Лöсалöм пöвтур тувъялöма лыаас да сэтчö пысалöма капрон шöртсö. «Гырысь чери вылö лöсьöдöма, лешакыд», — визьнитис Вань юрöд. Но сйö дыр эз кут мöжгыны. Кыскис васьыс донкасö, мездис веглясьысь гöрд нидзувысь öти вугыр. А сы йылö сатшкис-пысалис ыли саридзысь вайлöм черитö. Сэссия бөр вöйтис Кузь Яковлысь выль донкатö. Буль-бульвöчис-мыськис кисö юын да лэччис берег пöлөн аслас тракторлань. И ас кадö, быттö Енмыс тöдöма: чой йивсянь ластва вылö мургис-лэччис вөр тыра «Маз»...

Рытланьыс нин, удж помасьöм бöрын, Малань Вань бура дыр на ноксис трактор пытшкас. То öтилати зэлöдас, то мöдлати гартышгас, öтарö-мöдарö бергалгад, позьö шуны, вунöдис Кузь Яковлөн донка йивсьыд. Коркö видзöдлис кабина öшиньöд да вомыс паськалис: Кузь Яков шалсьöдис юлань, асьыс вöйтлöмторсö видлыны, тыдалö. Быттö абу и мудзыс сюрлöма, лайкйисьö потш кодь тушаыс öтарö-мöдарö, вöсьлалö ли чеччалö, он гөгөрво.

А Малань Вань гортас оз тэрмась кайны, няйт кисö соляркаа дöраөн чышкалö, казялис Кузь Яковсö да думнас виччысьö, мый водзö лöö. Здук коли, мöд, коймöд, гашкö, час джын... Видзöдö Малань Вань, Кузь Яковыд лыаа берег пöлөн сы тракторлань тöвзьö-веськöдчö. «Гөгөрвоис, тыдалö, менсьым дурöмтö, пинялас-матялас öни, — ёкнитис Ваньлөн сьölöмыс. — Дöзмас, сё лешакыд, дзыкöдз...»

Упкигтыр матыстчис Кузь Яков, лолыс олöма мортыдлөн дзыкöдз тырöма. Киас сола черитö Вань гөтырлысь кутö.

— Иван, Иван, вот кого я поймал, — чургöдис асьыс кыйдöссö Кузь Яков Вань ныр улöдз да кыз стеклöа öчки пырыс сы вылö чуймöмөн видзöдö. — Я долго смотрел на рыбу-то, вроде, на селедку похожа. А разве селедка в Вычегде водится?!

Малань Вань сулалö Кузь Яковлы воча да мый вынсьыс кутö морös пытшкас пыльсьысьысь серамсö, весиг пиньнас мурчкö. Но кутö жö кызкö асьсö, тöдысь морт моз гогнитö юрнас:

— Водится, конечно. Разве не слышал? С моря заходит, через Екатеринбургский канал.

— Серьезно, что ли? Вот не знал. Сколько здесь живу, а от тебя впервые слышу.

— Счас знать будешь, — скөр чужöм вöчис да водзö рочасьыштис Малань Вань. — Даже соленая иногда попадается...

Малань Вань бергöдчис да öдйö вешийс Кузь Яков дорысь. Мыйкö кö водзö юалас черисö кутысь Яковыд, Ваньös косьöбтас серамыс. Кынöмыс потö.

Воськов кызы вöчис гортланыыс, век на асьсö куто, кок шы кылö мыш сайсьыс. Видзöдлiс, сы бöрся Кузы Яков гөнечөн вöтчö. Суöдiс, вом тырнас сынöдсö апалö, öчки саяс синмыс кольча кодь.

— Как это соленая рыба водится? Здесь же не море?— öвтö сiйö чериа кинас.

Малань Вань вак-вакөн серöктiс, кутчысис кынöмас. Кузы Яковлөн пöлкан кодь тушаыс шöри жö чегис. Гигзö-сералö, да сэтшöм азыма да сёлöмсянныыс, öчкиныс лыа вылас уси. Дöйгис-воис юрас Малань Ваньлөн ышмöмыд...

Сола черитö Малань Вань гортас бöртö эз нин катöд. Вина лавка дорöдз сiйö и воис. Кык чери кыйысылөн.



# Сьод ар

Вөлі ар пом. Мисьтөм да кӱдзыд. Зэр сора вой төв летис-нетшкис өшинювса льөм пулысь бӱрья корьяссө, морт гӱлӱсӱн омьялис пач трубаын, камӱдчис кильчӱ өдзӱсӱ... Буретш сэки и кувсис Петырлӱн мамыс, Пиля Ӗдя.

Гажтӱм да букыш лунӱ катӱдисны мамсӱ Гажа ягӱ. Петыр пукалис трактор доддын, эжӱм горт дорас, зумыш да чӱв. Нина чойыс — мӱдарӱ — нуигчӱжыс ымзис-бӱрдис, лыддӱдлӱмӱн шу-алис:

— Кытчӱ нӱ миянӱс, муса мамукӱ, колян? Кытчӱ-ӱ-ӱ?..

Трактор дод бӱрся, арся нйӱтас вильсьялигтыр, довгисны Пиля Ӗдяӱс кольӱдысьяс — морт кызь гӱгӱр, сы кодь жӱ пӱрысь йӱз.

Гортсӱ лӱдзисны васӱд гуӱ. Пӱчӱяс пӱвстысь кодкӱ нора нюрк-нитис бӱрья туйӱ кольӱдан сьыланкыв, кодкӱ босьтис киас кузь воропа зыр... Нюдз сьӱкыд му шняпӱдис-тыртис лӱз дӱраа гортсӱ, нӱм кежлас янсӱдис Пиля Ӗдяӱс веркӱсас кольысьясысь, ныв-письыс.

Йӱз мунӱм бӱрын чоя-вока бура на дыр сулалисны гу весьтын. Петыр кутис-пыкис доршасьысь синвасӱ. А чойыс, ырзӱмсьыс гӱрд чужӱма, пӱдисянь ышлолалис орчӱн.

— Мӱдам вай, — шыасис дыр мысти Петыр.

— Мунам, — чӱла вочавидзис Нина да вок бӱрсяыс петис мир туй вылӱ.

Довгисны грездлань юрнысӱ ӱшӱдӱмӱн. Сӱмын кизьӱр нйӱ-тыс болскӱ-резсьӱ кок уланыс. Сьӱд арыс кодь жӱ тыртӱм да кӱдзыд чоя-вокалӱн морӱс пытшкас. Татшӱм здукад и сӱрнитнысӱ абу окота. Ас кежысь эськӱ кольыны, личӱдчыштны ловнад, мыйкӱ сӱстӱмӱс да югыдӱс олӱмсьыс казьтыштны...

— Кыдзи нӱ водзӱсӱ кутан? — юалис орчӱн осьялалысь чойыс.

Петыр чуймӱмӱн видзӱдис Нина вылӱ, бытгӱ ӱйӱс сӱ во абу адзылӱма. Видзӱдис, а думнас сысянь ылын-ылын. Мамсӱ, коньӱрӱс, казьтылӱ, челядырся кадас сунлӱ...

Чойыс оз тэрмөдлы. Шлапсыдө водзё, виччысьё воча кыв. Мый и шуан? Отка олём йывсьыс кор на вёлі мөвпыштлынысё. Лешакыс төдө, кызди водзёсө артмас. Ниналы, майбыр, лосьыд. Школа помалём бёрын уйкнитис карё дай. Верёс сайё пегис. Йөв лавкаын өні вузасьё, нөк чунялө да олө.

— Кызкө-мыйкө велала, дашкө,— ружөктө Петыр, көть эськө Ниналөн юасьёмысь сьёлөмыс топавлө. Ёкнитлас, дерт, ловья лов да. Чойыслы нө мый! Талун-аски солас теплоходө, да бөжсө сөмын аддзылан. Лэччас бөр. Сылөн карса олём. Дзик нин тай вежсьёма. Тшапмөма и. Юрсө краситөма-баситөма, шырёма дженьыдика. Паськөмыс выль, мича. Киас и пеляс зарни дзирдалө, лешак машина.

— Тырмас сэсся скөт дорын лукйысьнытө, лэччам карө,— пыркөдө еджыд юнас Нина.— Уджтө корсям и.

«Бара асланыс косө!— пузьё Петырлөн вирыс.— Лэччам да лэччам. Витөдысь дольё...»

Но Петыр чөв олө, нускө-восьлалө гортланыс, быгтьё оз и кыв чойсө. Зэв тай ті тэрыбөсь, нывбабаяс. Көть матяв. Да өд пиньё воам. Абу мича, муртса мамсө дзевисны...

— Керкатө нө кодлы колян!— лэптө юрсө Петыр.— Мөстө! Сэсся град йөрыд мый ыжда!..

— Шог жө аддзөма! Вузалам дай!

— Лосьод да вөлисти вузась!— ёрснитө Петыр.

Сё лешак, дыр пыксис эськө, но эз вермы кутчысьнысө. Мед быдлаө нырсө оз суй.

— Вольному воля!— дзирьяті пыригөн рочасьё чойыс да яркөба содтө.— Нитшсялан тані, мамыдлысь мөстө юан и!..

Пинь пырыс сөдзөдөм кывьясыс быгшнитисны-сотышгисны Петырлысь сьёлөмсө. Крапкис ас бөрсьяыс дзирья өдзёс, өвтышгис кинас:

— Ог өтнам тай нитшсяв! Гөгөр йөз жө олөны!

Керкаө пыригөн ланьтисны. Быгтьё чоя-вока костын нинөм эз и вөвлы...

Рөдвуж, гу кодйысьяс да мамсө колльөдысьяс — вель унаөн на лоисны — пуксялісны кузь пызан сайё. Сөмын Нина чойыс да Анна тьот жөдзисны отарө-мөдарө, лэпталісны пызан вылө сёян-юан. Сола тшак, пуём капуста, гырыся вундалөм яй, пось шыд, картофеля шаньгаяс, Нинаөн вайөм карса гөснеч — небыд калбас, гөрд чери, кампет... Эз на тай тыртөм ло пызаныс.

Кисьтасьнысө Петырлы ковмис. Кытшовтис быдөнөс, дзулькйөн тыртис гырысь стопкаяс, ассьыс лэпгис:

— Казьтыштамө вай...

— Бура мед узяс-шойчас Öдюкыс...

— Нэмсö колхозын тильсис-мырсис да...

— Бласлö Кростос, эз ёна и вись...

— Миянös тай Енмыс оз босьт-а...

Пызан сайын пукалысьяс шога ышловзисны, чышкыштисны синванысö. Бабаяс чурснитисны винатö, мужикулов койыштисны öтчыдөн, панясны кутисны.

Гулькнитис и Петыр. Помöдзыс стопкасö. Но тшак ни чери вомас эз пыр, горшас сёяныс тасасис. А винатö бара на кисьталис. Мöдысь дай коймöдысь... Сэссия и лыдсö воштис.

Сёйись-юысьяслөн гөлöсьясыс öдийö горзисны. Бабаяс öтамöд вежысь казьтылисны Пиля Öдяös, чышкалисны вазьём синъяссö. Мужик чукөр ызгисны-бызгисны, броткисны няйт ар вылö, быттьö поводдяыс вöли ставсьыс мыжа, пинялисны кодöскö видзму овмös кисьтöмысь...

Гажмис Изö Иван, мам боксянныс дас верстайса рöдня. Довкйöдлö пашкыр юрнас, быгльöдлö гудыр синсö, буксö:

— Кисьт, Петыр, Иван дядьыслы, юам вай...

Петырлөн сьölöмыс небыд. Пыксян öмöй татшöм шог лунö. Виль доз восьтö, юктöдö Изö Иванös, Öньö Катялы тшöтш чолькнитö. Мöдыс гу кодйисьясыс оз кольччы. Пöрлөдлö винатö пиньтöм вомнас, быттьö чай юö. Гөрдöдыштглас сöмын. Көть абу нин том, сизимдас регыд клонгас, а курыдтортö ма моз радейтö.

Муртса тышö эз воны рыгъявылыс. Öньö Катя понда жö. Борд пöла рака моз, шатласигтыр, петис пызан сайысь да зымгис сапöга кокнас:

— Йökтыштамö, бабаяс!

Чушнитисны сы вылö садьджык войтыр, Нина чойыс муртса гири-люки эз петкөд. Öдва лөньöдисны коддзём Катяös.

Разöдчисны Петыръясысь сёрөн, дзурс пемыд вöли...

Аскинас бура унаөн на кежалисны. Лювгисны, быттьö синтöм гутьяс: гу кодйисьяс, Изö Иван палялöма, Öньö Катя ызö-базö кодь. Гудыр чужöмаось, горшныс тачкö. Пукалисны кузь лунтыр, сёйисны-юисны нимлун дырйи моз. Изö Иван тапкөдис гöна кинас Петыр пельпомö, век öтитор долис:

— Белалан öтнадтö, велалан. Олöмыс велодас. Ме тай со кымын во нин. Кага ни баля...

Петыр пукалис орччөн, юрсö öшöдöма пызан весьтас, пыдисянь ышлолалис. Мый нö Изö Иваныслы. Олö тай со, Петыр моз куканьяслысь сит зыртö. Ветымын сайö, а бротикасьö керкаысь кер-

као, вина помалө. Некод жö сылы бабаяс пöвстсьыд абу сюрлöма, мам керкаас и поздысьöма. Öнi Петыр — Изö Иванлы бур пöв. Öтнас колис, гöтыр ни челядь жö абу, медся шань да мелi аныс — сулея... Тыпу!

Сьöлөм вылас Петырлы зэв деливö, кöть йирö пыр. Ачыс мыжа, морөн лыйис, асывнас гөрд вина гулькнитiс, чайтiс, кокньодас. А мөдарö бергөдiс, муртса пытшкөссö эз гугөд, шогөдiс дзикөдз. Пукалiс сьод арыс кодь жугыль, видзөдiс, кыдзи öшинь стеклöо сизьдö кöдзыд зэр, да думайтiс öтитор йылысь — кор нин муналасны юысь-сөйысьясыс. Мудзис Петыр тайö куим луннас жöдзөм-котралөмсьыс. Узьны прамöя эз сюрлы ни. Ру пиын моз бергалöолö, вежөрсö быттö кодкө гуис.

— Тшайсö кöть ю, вай гөрдджыка кисьта, — шыасис самөвар дорын пукалысь чойыс. — Куш нырыд нин кольöма.

— Нинөм оз пыр, Нина, — чукыртчылiс Петыр. — Час пальөдчышта здук, Сюруклы сола нянь лэччөда.

— Сө пöгиб тайö мөскөн, ни вердны, ни лысьтыны, — броткис-элясис пöчöяслы чойыс. — Асывнас петалiм, да матö оз сибөд, сюра лешакыд. Вöраыс чорзьöма.

Чай юысьяс лөнисны, жаялдза видзөдлiсны Нина вылö. Кодкө гораа велөдiс:

— Лэдзчысьöй дай. Кыдзи нö мужик морт кутас идрасьны...

— Нокыс öд мыйта!

— Сы мында турунтö öмöй пуктан...

Пöчöяслөн намгöмысь Петырлөн пельыс сьөдмис. Нянь шöрыштiс да петiс посводзö, посводзсянь — сарайö пырис.

Гырысь зэр войтьяс тотшкөдiсны керка вевтö, мый вынсьыс зiлисны писькөдчыны пöвьяс пыр, и тайö зэрыслөн кöдзыд ловшыыс ылькнитiс Петыр мышку кузя, волiс сьöлөмөдзыс, но сэсса бөр воши, пышйис пöсялөм морт дорысь.

Нырас öвтыштiс кос турунөн. Кутшөм чөскыд сьлөн көрыс, кöть вом тырнад апав, он и пöтлы. Быттö кольөм гожөмас бергөдчылан-волан, Эжва дорса луд вылын сулалан. Гөгөр лөнь, югыд шондi улас став ловья ловыс дзользьö-ворсö, нимкодясьö мича луннас.

Ичөтдырсяныс Петыр радейтö тадзи сулыштны, чөв олыштны кос турун дорын. Куняс синсö, кыскыштас ас пытшкас маа сынөдсö да гожөмыскөд сывьясьö. И сэтшөм кокни да сөстөм овлө морос вылас!

А талун деливö, ок деливö! Майбырöй дай олөмöй, кутшөм сөдзөн да помасьлыгөмөн тэ вöлин Петыр син водзын! Öдйö зутшкин

тай, бергөдчин увлань юрөн. Быттьо пемыд пельсө йөрмис Петыр, водзө ни бөрө туйыс абу, өткөн колис, нелямын кык арөсөн...

— Элма дай элма!— шога артмис сълөн ас кежсьыс. Сюйис кокас мамыслысь идрасян сапөг юр да куйөдөн лякөссьөм поскөд лэччис картаө.

Мөс лөня сулаліс гид өдзөс дорын, някляліс асывнас сетлөм турунсө. Кок шысө кылөм бөрын гораа бакөстіс, гашкө, вердысь-юкталысьнас чайтіс, но кор аддзис, мый тайө абу Пиля Одя, букыштчис Петыр вылө, шлапсьөдіс-вешйис карта пытшлань.

— Йөюк, мый нө меысь полан,— меліа шыасис сы дорө Петыр.— На, сөйышт, дитя, сола нянь вайи.

Ньөжйөник, мөскөд сёрнигтыр, Петыр локтіс Сюрук дінө, мыччис нянь шөрөмсө. Мөдыс кыліс нянь көртө да эз чушнит, нюжөдіс сьөд пеля юрсө: вай пө ассьыд гөснечтө. Петыр сетіс нянь шөрөмсө, малыштис мөслысь голя увсө, паськыд плешсө, тапкис мышкас. Азыма някляліс сола няньтө Сюрук, нюліс кывнас вом дорсө, тяпкөдчис. Исаліс кок увсьыс, гашкө пө, нөшта на сурас, но Петырлөн өти шөрөм и вөлі.

— Абу сэсса, дитюк, абу,— шлапнитіс кинас Петыр.— Эн дузьяв, бурасям вай. Вөрайд өд дзикөдз тшыкяс...

Сюрук кывзіс мортлысь сёрнисө, дульсьялана синмөн видзөдіс Петыр вылө, быттьо юасис: көні нө пө көзаякаыс, кор нин локтас? Тайө шог да сьөлөмтө вөрзьөдана видзөдласыс сатшис Петырлы горшас, топөдіс морөссө. Воськовтіс Сюруклань, көсийс бара на малыштны сылысь еджыд голясө, но мөс өвтыштіс юнас, муніс карта өдзөслань. Дөзмис ли, төдтөмтіс ли — он гөгөрво. Гажтөмтчис, тыдалө. Пиля Одя кувсьөмсянь нельөд лун нин, а Сюрук прамөя эз на сөйлы. Сөмын ва чурскыштас. Туруныс лясниас оз вөрзьяв и. Лысьтысьны сө пөгиб. Кос пуысь ва пычкөм кодь. Измөма вөраыс, инмөдчан да өтарө чужйө. Вөськалан кө кок улас, ордытө чегьялас, лешакыд.

Дыр на сулаліс Петыр мөс картаын, пос бокө мыджсьөмөн, гегдіс дзикөдз дөрөм кежсьыс. Кывтөм пемөс, а небось, гөгөрвоө ставсө, морт моз кылө дойтө. Муніс, эновтіс тэнө вердысь-юкталысьыд...

Пос кузя Петыр бөр кавшасис картаысь. Ичөтик тушаа, косіник, ён мортлы мөздорас төрмөн. Чужөмыс векни дай кузьмөс, ыджыд нырас берин чут шөтөма. Лөз дөрөмыс чуқырөсь, морөс шөрөдзыс разьсьөма. Гачыс паськыд, быттьо сартас йылө сатшкөмаөсь.

Мөс, кылө, сьөкыда упкис-лолаліс, кузь сюрнас клонөдчис лясниө, карта стенө. Петыр кодь жө, өтка да усьөм сьөлөма. Морт моз нетшкысьө-пессьө, выныштчө эськө, да оз вермы петнысө. Гөгөр кер, улиас и вылиас, бөрын и водзын...

Сарай өдзөс сайын зіля котшкөдіс-зэрис, бара на көтөдіс ыр-калысь мусө, Пиля Одялысь гусө. Матын, Сюрук, тэнө вердысь-лысьтысьыд, сарай өдзөссө кө восьтан, кладбищеса крестьясыс тыдалоны. Көть синтө кунь да вөтын моз лөкгоршөн горөд. Гашкө, абу збыль тайө ставыс?

Ыркнитіс Петырлөн мышкуыс татшөм думьяссьыд, сьөрсьөн-бөрсьөн чужийс коксьыс мамыслысь сапөг юрсө, уйкнитіс-пырис керкаө. А сэні ызгөны-сёрнитөны, шпуткөмаось — лөз тшын өшалө. Нинөм эз шу Петыр. Мед пукалоны, абу кө дыш. Гажаджык көть. Деливөйд босьтлас на өтнадтө.

Колис лун, сэсса мөд. Чойыс регыд и лэччис карө, бөрья тепло-ходьяснас. Петыр дзикөдз шөгө усис, кузьмөс чужөмыс топаліс, ыджыд нырыс сөмын чурвидзө. Көть асьсө гортиө водтөд.

Сийө асылө Петыр садьмис водз, пемыд на вөлі. Куйліс паччө-рын пыдзыртөм ветьок кодь. Юрыс жувгис төрыгтясьыс, ставсө өтилаө сорлалөмысь. Ышлолав, көть пиньтө йир, а вина гагйыд нөнялө, сө мокасьтө. Шулас тай вөлі мамыс, шоньянөй, корсьөм висьөм пө. Корсьөм и эм, некод вомас оз кояв. Шыбөлитіс Петырөс бара, көть пон моз омляв...

Чойсө кольөдөм бөрын, рыгтявыв, лысьтысьны Петыр лэч-чыліс. Ен мед видзас, эз гажа вөв, садь юра. Мамыслысь идрасян көлуйсө весиг кышавліс. Но Сюрук ылысянь на чушнитіс, өвтыштіс кузь сюрнас, быттьө өлөдіс: эн пө бара-й лок мелань. Петыр мелиа сёрнитіс мөскөд, небзьөдіс сылысь сьөлөмсө сола няньөн. Лөнис первойсө Сюрук, гажтөмтчөма, тыдалө, морт гөлөссьыд. А мыйөн пуксис джек вылө, вөраас инмөдчис — брун чужийс, сө лешакыд, ведраыс гуля-голя лэбзис. Петырлы муртса жө эз сюрав, чепөсийны удитіс. Гөграліс мөс дорын бура дыр, сьөд няньөн вердіс и. Но Сюрук жөдзис өтарө-мөдарө, гораа чушкис, довкйөдліс ыджыд юрнас. Скөр, синсьыс би петө. Сьөлыштіс Петыр да кайис карта-ысь. Лои суседьясас, Педөр Зоя ордө, пыравны. Гашкө, нывбабатө сибөдас, сюра лешакыд. Кыкөннад рыгтивбыд сэсса мөстө песісны. Бергалө Сюрук, төдтөмтө, көть плешкас варт. Кыдзкө-мыйкө пыч-кисны жө ведра джын йөв. Матьөн сорөн. Петырлысь көть дөрөмсө пыдзырт — люстик ва. Педөр Зоялөн синваыс доршасьны кутіс, мудзис, коньөрөй, пөрысь мортыд.

Чай пузигкості Петыр сысьяліс йөвтө, петкөдіс чуланө. Көтөрөн

сорён пызан вылө сёян-юан чукөртис, водка доз судзөдіс — Педөр Зоялысь да ассьыс мудзсө вештыны. Гажмисны сэсся, да одеколон лои лэптыны. Сы бөрын Петырлөн ставыс гудыртчис. Кыдзи паччөр вылас воома, лешакыс төдө...

...Петыр кунис синсө, зілис ойбыртлыны на. И ойбыртсьөма, ерөмакань. Садьмис тай здук мысти-а: кодкө быгтьө шебрас помнас вевттис чужөмсө. Петырлөн вир-яйыс кодзавліс, сьөлөмыс измыліс морөсас. Лов шысө кутөмөн куйліс паччөрын, пельсө чошкөдөмөн кывзысис чөв-лөняс. Но орччөн некод эз тыдав. Гашкө, каститчө сылы да, мамыслөн лолыс ветлөдлө керка пытшкас. Висьталісны тай пөрысь пөчөяс — нелямын лунөдзыс пө мортыдлөн лолыс миянкөд на олө.

Шебрөдөм бөрад Петырлөн унмыс дзикөдз воши, быдсяма мөвпыс жөдзис-бергаліс юрас. Гажтөмлунсьыс горш діныс кутіс гөрддзасьны. Сө морө олөмөй!

Син водзас сувтліс коркөя кадыс, мамыс, чой-вокыс. Сэсся найө вошлісны-сунлісны ру пиө моз, бара петкөдчылісны. Төв воліс и гожөм пуксьыліс Петыр вежөрын... Гудрасис өти чукөрө ставыс, но сөмын өні юрас дөвгис: кымын водзө олө, сымын сьөкыдджыка восьлавсьө сылы, сымын топөдө-кабыртө олөмыс. Чойыс кутшөм сюся вөчис. Муніс-утөвтис карө, майбыр, шывгө-олө. Сираліс кө юрсө Петыр моз, өні на эськө няйт пиын лукйысьө. Ас грездас. Сюсьджыкөн Нинаыс чужлөма. Абу Петыр кодь кольтан. А медся ичөтсө, Иванөс, мөдарө катовтөма — мамсө дзебны кын сьөлөма мортыд эз волы. Сьөм мөдөдөма дай. Телеграммаас сідзи и гижөма: метөг пө иналөй-дзебөй. Быгтьө Сибирид сизим му сайын. Эз и кольөд мамсө бөръя туйө. Кысь нин волас Иван. Көкъямыс класс бөрын лыйис, да өні на ветлө, көть гортсьыс петігөн синваыс дольсьяліс. Быд во пө кута воливлыны. Кыськө! Гажмис тай өдйө. Войгыштіс, да өні абу. Петырлы, медся ыджыдыслы, лои и олөмсө кутны. Быдтысьны-уджавны мамыскөд орччөн, томсянь ытшкыны-куртны, асьсө жугөдны и. Сьөкыд шуны, кымын баржа ректөма Эква вылын. Пызьөн, өтрубөн, винаөн. Сьөмыд колө, быть сэсся чегсьы. Сэксянь и юыштны велаліс Петыр, мужикъяскөд өтув мудзсө веськөдіс.

Лэптісны тай чоя-вокаөс кок йыланыс. Налы өні мый, пөсь ни көдзыд ас грездыд. А мамыслөн мыжыс эм жө. Пыр вөлі дольө Ниналы да Иванлы: велөдчөй пө водзө, карлань сетчөй, кокни олөмань. Эн ми моз скөт картаын нэмтө луасьөй. Енмыс төдө, бурө ли, лөкө ли велөдіс Пиля Одя чоя-вокаөс. Но мамыслөн кывъясыс йиджисны, тыдалө, на сьөлөмө. Отиыс Сибирө юрсө

нөбөдiс, мөдыс карө лэччис. А Петыр ас грездө коли, скөтнөйын сiт зыртө. Тыпу! Эхма, эхма...

Югдыны кутиc. Ньөжйөнник, дышпырысь, быттө сьөкыд унзi-льысь, садьмис ывла выв. Тадзисө векджык букыш лун водзын овлө. Петан кильчө вылө, да сьөлөмтө топөдө жугыль серпасыс. Кутшөм пашкыр да мича вөли льөм пу. Быттө пөрччөдөмаөсь өни коньөрөс, куш вожъясыс чурвидзөны вывлань. Гоз-мөд кор шпорөдчө кодзыд төв улын. Жуныгөны-ойзөны би сутугаяс, шуштөм да гажтөм гөгөр. Грездыс шөгө усьөм морт кодь. Ловья лов оз тыдав. Кодлы эськө и петкөдчынысө? Таладор помас, Петыръясланьыс, керка дас-дас вит и колис. Унджыкыс пөрысь пөчөяс либө Петыр моз эндөм мужикъяс. Гөтыртөмөсь, сьөдас и олөны.

...Петыр дзикөдз нин садьмис: синмыс көрт тув кодь лои. Юрыс пыр на потiс-жувгис, быттө нөшкөн вачкалисны. Куйлис да кылис ассьыс сьөлөмсө: гыпкө, лешакыд, шуйгаладорас, вель тэрыба гыпкө. Петыр эськө ёнасө нинөмысь оз пов. Совхоз фермаын сёр рытьясөдз ковмывлis отсасьны. Но мамыс кувсьөм бөрын быд шыысь чепөсийлис. Сөйны пуксяс, да горшас тасасьө. Чай вылын и олис тайө луньяссө, вина юис да. Төрыт винаыс помасис, одеколон няркнитисны Педөр Зоякөд. Мамыслөн дзевасысь сюри, зырасьөм вылө вөли ньөблывлө. Ок и крепыд, сө мокасьтө! Биөн пытшкөстө со-тыштө. А талун кежлө нинөм абу, коть юрид шөри потө, он тай небось веськөд.

Шыбитiс шебрассө, кималасөн лэччис паччөрысь. Көмтөм кок-нас шлассьөдiс пачводзө, ыджыд көш тыр клопкис-юис жуним ва. Муртса бөр эз пет, сэтшөма гудыртiс пытшкөссө. Сьөкыда ышло-лалiг, бөр кавшасис паччөрө, йөжгыльтчис-водiс. Водiс да синваыс кутиc доршасьны — сэтшөм забеднө лои Петырлы. Мыйлакө өни, тайө унзиль асылө, сийө кутиc тырвийө гөгөрвоны олөмыслысь көрсө. Курыд көрсө. Быттө өтилаө солькнитчис став шогыс, бурыс и лёкыс, гөгыльтчис-таялис Петырлысь вежөрсө, нетшкис сьөлөмсө. Олис-вылис, а со мыйөдз воис. Кодөс нө таысь мыждан? Кодөс пинялан, мый сийө чужис-быдмис сьөд вөр шөрын, ыли грездын, көни пөлынйтчөм керкаясысь кындзи нинөм эз коль?

Позялис юрыс Петырлөн. Шогав коть эн, а мый таысь вежсяс. Кольөм вежон Иван Марьяөс дзевисны, дыр олөма, көкъямысдас арөсөдз. Гусө Петыр кодйис жө. Сөрнийө воисны мужикъяскөд, да шемөс босьтiс: грездас пөрысюлов кольөма. Челядь гөлөс он кывлы. Со кытчөдз воис налөн Лунпокаыс. Мыйла воис? Кодкө өд воөдiс жө. Водзын танi ён колхоз вөли, Жданов нима. Петыр син водзын на сэкся удж-олөмыс. Сьөлөмсяньыс ставсө вөчлисны.

Видз выло нель час асылын петоны. Бабаяс ты йылөдз пыж тыр катасны, сьылігтырйи на. Шонді лэччигас бөр вооны, бара жö сьыланкыв юргö. Көть оз озыра, но сөстөма, бур ногон овлісны. Öта-мөднысö дорйылісны, шогö усьны эз сетлыны. Öні на Петыр син водзын тувсовъя лун. Школаысь буретш лэдзалисны. Нимкодя кежисны мир туйлань. Мый нö тайö? Би сюръя ыпъялө-кайö енэжлань, нямралö Микул Васьяслысь керкасö. Котралöны-горзöны мужик-бабаяс, коді зыръя, коді ведраа. Коялöны ваон азыма сотчысь керъяссö, багырöн гöгралöны. Но кызди нö пöдтан та ыджда битö? Кусöдчан машина грездас эз вöв, ва помпа эськö вайлісны, да весьшөрö: сёмöма дзоньнас, кысь нин ва коявны. А би сэк кості пыр ёнмис, муркөдіс-паськаліс, апалис керка вевтсö, кильчö вывсö.

Микул Вась нетшкысис öтарö-мөдарö, горзис мыйкö весьöпөрöм гөтырыслы, шлапкөдіс кинас...

Грездса челядь ризьялісны сотчысь керка дорын, видзөдісны, кызди верстьö йөз уськөдчыласны билань, койыштасны ва ведра, да бөр чепөсийöны, сэтшөма сотö налысь чужөмсö, ки-коксö кольтаөн гартчысь биыс.

Петыр чивгис книга тыра сумкасö потшöс бокö да лэбыштіс керка мышлань. Би тані нюліс сарай öдзөссö, быд здукөн паськаліс да ыдждіс, трачкакыліг котөртис керъясысь керъясö. Сэки и казяліс Петыр Микул Васьяслысь сьöd понсö. Сійö никсис-нетшкысис гид бокын, дом йылын вөлöма, мый вынсьыс зіліс пышйыны ыпъялысь керка дорысь. «Вунөдöмаөсь, тыдалö», — югнитіс Петыр юрын. Детинка уськөдчис понлань, но билөн лов шыыс матын нин кыліс, донөдіс чужөмсö, сотіс кисö. Лои картузнас тупкыны чужөмсö. Сувтіс пидзöс вылас, этша тракйис чепсö. Некийзди оз мын, көть бөрддзы. Скөрмис Петыр да мый вынсьыс тай кызд нетшыштас, ачыс весиг бөрвыв путкыльтчис-уси. Понйыс лыйыштіс картофель му вомөн, чепнас и быдөн. Тадзи Петыр мездіс билөн вомысь ловья ловös...

А Микул Васьяслөн керкаыс дзыкөдз сотчис. Мөскыс и куканьыс тшөтш. Став эмбурыс и. Ас выланыс мый вöлі, сійö и колис. Нель челядь шлюпкисны-бөрдісны тшынасысь керъяс дорын. Микул Вась пиньнас герчкис, гөтырыс орччөн «ойя да ойя» горзис...

Тайö шогыс öтувтис грездса войтырös, небзьөдіс налысь сьöлөмсö. Быдөн зіліс отсавны сотчысьяслы. Петырлөн мамыс, Пиля Öдя, кык юрлös катөдіс, ыж ку пась, чышъян, гын сапөг гоз, ки чышкөд... Зэв ыджыд тубрас тай гартіс-а. Петыркөд öтвылысь нуисны. Кысь нö он отсав, та ыджда шог суис да. Микул Вась-

яслөн нёль челядь, кизь кодьось на ставныс. Сэки, сотчысьяслы кёлуйсё тэчигён, мамыс шуис Петырлы:

— Век колё ота-мёдылды бур вёчны. Коть тэныд лектор вёчас кодкё, тэ эн дёзмы, водзёссё эн босьт... Бурторийён колё съёлёмсё венны.

Микул Васьяслы став грездён отсалисны. Арнас виль керка кыптіс Эжва кыр йылё.

Нелямын сайё во олё Петыр чужан грездас. Ёнасё некыгчё эз и петав. Карё лэччыліс вит-ё-квайтись, чой ордас, гёститны. Со и став ветлёмыс. Мамыслы ичотсянь отсасис. Быть ёд уджад кутчись, чоя-вокаёс Пиля Одялы отнаслы лои вердны-пасьтёдны да. Верёсыс сылён Эжва вуджигён вёйлі. Петырлы сэки дас ар муртса тыри. Нина да Иван шег кодьось на вёліны. Мый сэсся керан, тадзи кё олёмыс бергёдчис. Ковмис Петырлы бать местаас сувтны, мамыскёд шогсё да съёкылдунсё шёри юкны. Пиля Одя нэмсё куканьяс дорын ноксис. Первойсё колхозын, сэсся совхоз лои. Тасянь, Лунпокасянь, шёр усадьбаёдзыс дас квайт верст. Тулысарын няйтыс голяёдзыд. Трактортёгыд он сибав. Та вёсна ёнасё эз и кежавлыны ылі бригадаё. Ичотик грездыд ёсь жель кодь вёлі районса юралысьяслы. А кызди нё! Сёян-юантё вай, почтатё мёдёд, школатё красит-дзоньтав, лавкаад вузасьысьтё корсь... Пев ыджада грезд, а нокыс помтём-дортём. Коркё, во дас сайын кымын, волісны Лунпокаё чина войтыр, чукёртлісны татчёс олысьясёс кодзыд клубё. Видз-му овмёс лэптём-сёвмёдём йылысь сёрнисё панісны, вель гёгөрвотём «специализация» да «концентрация» кывъясён пель съёдмымён шыбласисны. Пыртам кё пё тайё вильторьяссё, быть петкёдам сиктса войтырёс югыд туй вылё, вуж вейёныс бурмёдам налысь олёмсё, содтам йёв да яй. Сэки буретш перспективатём сикт-грезд йылысь гаралисны. Тіян пё Лунпокайд на лыдё веськалё тшётш. Съёд шляпаа морт, райисполкомса предён тай шуис-а, веськыда крапкис бабаяслы:

— Посни сиктъяслён олёмыс помасьё. На вылё ми крест пуктам. Ыджыд-ё пёльзаыс, шуам, тіян Лунпокаысь? Государстволы сёмын рёскод. Гёгөр няйт, туй абу. Съодас оланнйд. Специализация да концентрация — со кутшём туй визьёд тшөктё мунны миянлы партия. А посни грездъясыд асьныс бырасны, аския луныс налён абу...

Кымыныськё мёвпаліс Петыр тайё «туй визь» йивсьыс. Оти боксянь, быттьё, лёсялё — гырысь овмёсын, дерт, унджык верман скёттё видзны, йёвтё лысьтыны. Йёзлы кокниджык и, быдсяма техникасё поэё лёсьёдны-пуктыны. Мёдарсянь кё, кодкё сись

юра жö сэни вылас пукалö. Мед көть и партийной морт. Кыдзи нö сідзи — «перспективатöм» грезд либö сикт. Нэмсö тани йöз олісны, челядьöс чужтісны-быдтісны, му вöдитісны, скöt видзисны, а öни öтчыдөн ставсö керыштны-помавны? Водзын быттьö тайö лешак перспективаыс вöлі, а талун эз ло. Öти здукөн, вылісянь шуөмөн, улісаыслысь юавтөг, натөг сёрниттөг. Мый нö сідзкö артмö? Перспективатöм кө сикт-грезд, перспективатöмөсь лооны и сэтчөс олысьяс. Тшöтш и Петыр. Кутшөмөн чужин, сэтшөмөн и кулан, съодас нэмтö кутан овны. Быд лун, вояс чөж, пöрысьмытöдздыд. Сы вöсна, мый водзвыв нин кодкö киөн плешкад гижöма — овны да кувны тэныд, Петыр, ковмас тани, Эжва йылö эндөм грездын...

«Мый сэссия керан, олөмыс кө чукыля-мукуля артмис», — мөвпыштис-содтіс ас кежысь Петыр. Сылөн öмөй ставсьыс мыжыс? Эм жö, эм, лешак, нинөм дзевны. Сюсьджыкөн колö вöлі том дырйиыс лоны, лэччис эськö карö, öни, гашкö, кутшөм прамөй мортöдз воис. А тани мый? Скöt дорын бергалö лун и вой, олөмсö оз адзвыв. Петавны некыгчö, винатö кор лöснитлан, сэки, буди, съөлөмыд личавлö-а.

Мамсö дзевөм бöрын быттьö бөръя вужйыс ори, тыртөм да деливö морöс вылас. Көть лёггоршөн горöд, көть мыйта бөрд, некод оз кыв тэнö, некодлы тэ он ков. Мир туй вылö петан, дзикöдз шогөдас. Грездыс няйтö вöйöма, важиник керкаясыс ляпмунöмаөсь, пöрысь пöчөяс кодьöсь. Быттьö мөдар югыдас лөсьöдчöны мунны. Лунпокаыс, тыдалö, сылань жö вöсьлалö...

Чөв, вуні дзик Петырлөн. Коркö на грездын школа вöлі. Нель классö Петыр сэни помавліс. Школа кындзи, вичко дорын сельполөн лавка сулаліс, ясли-сад, клуб. Колхозлөн овмөсын — мөс карта, порсь гид, вель ыджыд амбар, малязі на видзлісны, маөн чөсмасьлісны... Ас олөмөн овлісны. Вель гажаа на. Но сэссия нюкыртчыны кутіс грездыс, быттьö тшыкөдісны. Первой мөсьясөс Лунпокаысь нуисны. Совхозлөн шөр усадьбаö. Специализация пö вöчам. Сэни, ыджыд сиктын, став олөмыс кутас пуны. А йöзыд абу синтөмөсь. Казялісны, мый Лунпокалы голя вылас тальччöны, пом воö — коді кыгчö сывкнитісны. Велöдчысь гежөд лои — школа клопкисны. Клубö томан öшөдісны. Ясли-садыын некодос лои видзны ни. Тадзи и эндіс Лунпока, ньöжйөнникөн, тэрмасьтөг. Петыр тшöтш и. Нелямын сайö, а гөтырыс чужлытөм на. Кысь сійö сюрас Лунпокасыс, көть пöнара биөн корсь... Сэссия Петыр кодь эндөмыд тани эм жö уна. Таладор помсьыс көть лыддьыны: Пилёв Öньö, Певрунь Иван, Öльöй Ёгор... А мыйтаөн олөмсö лёк ногөн помалісны? Öти гажа юрөн кынмис, мөд öшөдчис, коймөд

пыжон путкыльтчис. Гажа ягын, кытчо мамсо дзевисны, йирмог босьтло — сы мында ен морт, грездсо кыподоысь-мичмодысь, кыз му улын куйло. Вина помысь бортя туйсо адзисны...

Петыр син водзо чепосйылис Гажа яг, полынтьчом крестьяс, мамыслон гуыс. Быри тай пачводз дор таялысьыд, ковдумнад чосмодлысьыд. Ок эсько, ачыс сы водзын мыжа жо да. Сюравлис мамыслы код юра Петырсянь. Иван лун дырйи на пиньо воисны. Код нин воли Петыр, но голяыс тачкис. Тодис, мый мамыслон доз дзевоме, пычкины кутис, мырдон полатьо кавшасис, курыдторсо мырддыны. Эз кут сетны Пиля Одя дозто, вод по, узь нин, эн шастит. Тойштит Петырос, модыд швачкис воча, ныр-вомас веськалис мамыслы. Тышко воисны. Бура зультис Пиля Одяос, усьом борас гоз-модысь чужыис на сапога кокнас. Эз ков эсько да, мый они вочан. Висьмис сесся мамыс. Ойзигтыр воли мессо лысьтыны лэччылас, синмыс и чужомыс лоз. Элясис пыр: пытшкосо по ворзюма. Арнас сесся кувсис дай. Гашко, Петыр дойдис, сэки, Иван лунас?

...Дзикодз кутис югдыны, а Петыр век на жуивидзис-куйлис паччорын. Сярукос эз юктав ни, кыс нин лысьтыны. Дыш воли юрсо ворзюдны, солькьясис ставыс. Вукодис и. То посьо шыбитлас, то йирмог-кодзыд.

Асывбыднад быдторйыс юрас волис. Став оломыс син водзитыс мунис. Мунис да быттьо налькйо веськалис, пемыд пельосо быттьо Петырос йоршитисны.

Корко сийо паччорын жо воли узьо. Мам кувтодзыс на. И вотасо Петыр: сы борся черон кодко воччо, керавны косийо. Пышйокотрто Петыр, а лек мортыс суодо, матын зэв. Городис сэки Петыр да садмыс. Гогор дзурс пемыд, оз гогорво, кони мый. Кималасон тапкодис юр весьтас — кер, бокас — керьяс, гогор — кер. Унзильйивсьыд муртса садсо эз вошты. Модар югыдыс и быдторйыс сэки усьли дум вылас. А паччорын и вовсюма...

Но они эз паччор сарогын вош-дзугсы Петыр, а оломас. Быттьо кер бердо топодисны. Оти туй кольо. Ачыс оломыс сэтчо петкодис...

Югзис Петырлон вежорыс, став вир-яйыс ловзис. А мый лонны — лоома, мый олома — ставыс боро кольома. Шудыс ко водзын эз усь, они кыс нин. Помавны дай, отчидысьон...

Тайо мисьтом мовпсыс Петырлон солломыс ыркавлис, сесся кык кокни морос вылас лон. Быд сон быттьо эзлалис, тиром босьтис, кынтыны кутис. Пиньсо мурчнитомон шыбитис шебрассо да тэрыба чеччис.

Первой гобочо пыралис, дзевасысь кысько, пач увсыс, ружье

перийс. Буссö чышкаліс, точкис гоз-модысь патронтогыс — видліс, уджалö оз. Сэссия пöльыштис ствол пытшкас, мед ёг эз веськав. Октис öтка пуляён, зяткис-пöдлалис ружьесö.

Ланьтліс паччөр дорö, мыйкö думайтис. Шкапысь судзöдіс кыз тетрадь, дзаж косяліс листсö да гырыся гижис: «Ме ачим став-сыс мыжа. Дзёбöй мам дорö...»

Кузь туй водзын моз, здук кежлö, пуксьыліс лабич помö, чеччис бөр да петис ывлаö. Эз кут керка пытшкөссö пежавны. Код төдас, гашкö, олöмыс ловзылас на Лунпокаын да.

...Картаын нора бакöстис Сюрук, век на, тыдалö, виччысис Пиля Öдяös. Кузь бöжа катша жбыр лэбзис керка пельöсысь, пуксис пес чипас вылö да кутис вом тырнас китшкыны-пинясьны. Но чöv вöлі гөгөр. Ланьтöма грездыс, голядзыс вöйöма пемыдас.

Войнас кöдздöдіс. Асьявылыс нин, тэрмасьомөн сапкис-усис медводдза лым, быгтьö сійö тэрмасис саймовтны арся нййтсö...



# Изья чой — менам дой

Тайё чойсё ме тшөкыда казьтывла. Медсясё ас кежысь, кор сувтлас син водзё чужан сиктöй. Изъя чойыс Кулёмдинё каян мир туй вылын. Абу ёна джуджыд, абу зэв и кузь, но аслыспөлөс. Сиктысь петём бөрын, кор мыш сайё кольё пожёма ягё дзевсьём шойна, мир туйыс торйөн нин лыаа. Гожомнас машина мунас да, кыз шуласны, тшын-бус кыптö. А чой дорас воан — серпасыс син водзад вежсьö. Кок улад посни галька чарскö. Та вöсна, тыдалö, и шуломась сиктса войтыр енэжлань кайысь мыльксö Изъя чойён. И вужъясьöма татчöс олысьяслы вежөрö мича нимыс. Сибдöма нэмыс кежлö. Кулёмдинсянь кö кодкö дереваннойсяс пöвстысь лэччö, воас Изъя чойёдз, сьölöмыс нимкодпырысь тпкочеччö морöсас: сикт сэсянь тыдалö нин, дзик орччөн. Сидзкö, гортынöсь, кузь да шуштём вöлök мыш сайын.

Изъя чойтö бокö он коль. Кулёмдинё кö, шуам, мөдöдчан. Медся дженьыд туйыс сы пыр.

Воан чой йылöдзыс, да кыпыд серпас син водзад воссьö. Шуйга ки вылын помтём-дортём парма шлывкнитчöма, Дереванной ты югнитывлö шондi улын. Вит-ö-квaйт верст кузя сийö нюжöдчöма, мир туй пöлöныс и сулалö. Вель чериа, кöть и векныдик да абу ёна джуджыд, туруна.

Веськыдлдорас, туйсянь неылын, пöль-пöчөн на вöчлём-лөсьöдлём муяс дзевсьöмаöсь кыз да пипуяс сайö. Менам челядь дырйи, совхозьяс кадö, сэнi вöли зөр сора анькытш кодзлывлöны. Силос вылö. Буретш сийö кадсяньыс и олö менам вежөрын Изъя чойыс. Аслысьяма пас колис сийö менам сьölöмö. И эз сöмын сьölöмö...

Гожöмыс сэки арланё нин катовтiс. Енэжыс кутiс зумышмыны, тшөкыда шлявгис-зэрис. Вөр-ва лышкыда козьналіс сиктса войтырлы тшак-вотöс. А совхозын зильысь-ноксьысьяс пыр на дасьтiсны мөс-куканьлы көрым. И силос, и весиг турун. Налөн тайö уджыс быд во нюжавліс сёр арöдз. То öтитор падмөдліс йöзöс, то мөдтор. Но сийö воö матiгöгöрса муяс вылысь зөр сора анькытш идралiсны öдийö, дыр нюжмасьтöг. Таысь, дерт, миянлы,



посни войтырлы, ёна нимкодъ эз вѳв. Анькытш муяс вылад гожѳм-быд собавлім да. Муртса-муртса турунвиж пуртѳсыс нырсѳ мыгчас, кыдз пу кор кыза на и эм, а сиктса челядь зѳр сора анькытш пѳвстынѳсь нин. Вель гырысьяс и кизь кодъ поснияс.

Чѳсмасьлім, дерт, пѳттѳдз. Кино вылад мунигѳн на вѳлі босьтам-чукѳртам. Дѳрѳм пытшкѳ сѳвтам-лѳдам. Кымын унджык сюрас-шедас, сымын нимкодъ миянлы. Быттьѳ кынѳма нывбабаяс лѳччам муяс вывсьыд, гортлань довгам. Вомным шердын кодъ. Но и кынѳмыд пѳт, кѳть эськѳ сійѳ кадѳ сѳян-юаныд сиктад тырмис нин, некод эз тшыгъяв да. Челядь руыд тай челядь ру и эм. Кодарѳкѳ пыр кыскѳ-катовтѳ посни войтыртѳ, мыйкѳ налы век аслыспѳлѳс колѳ. Со и сэки, вежѳрѳ кольѳм арся лунѳ ми, челядь чукѳр, кытшовтїм сиктбердса муяс, но весьшѳрѳ — гѳгѳр вѳлі ытшкѳма нин. Кодкѳ чилѳбтїс: «Вай Изъя чѳйѳдз кайламѳй. Абу ѳд ёна ылын. Сылань талун совхозса тракторъяс таргисны». Паныд некод кыв эз шу. Ми ыж чукѳр моз ызѳбтїм мир туй кузя Изъя чѳйлань. Посниѳсь на вѳлім, ар кѳкъямыс-дас быдѳнлы, код-сюрѳлы, гашкѳ, муртса унджык. Пошкигтыр воѳдчим чѳй йылѳдзыд да аддзам: и збыль, муркѳдчѳны сѳнї телегаа тракторъяс, ытшкѳны зѳр сора анькытштѳ. Гузьѳбтїм вѳрбокса мулань, нимкодъ аслыным. Анькытштѳ ми сійѳ лунѳ, мойвиис да, пѳттѳдз варским. Дерт, чорыдкодъ нин сійѳ вѳлі, эз ёна чѳскыд, пуртѳсыс вижѳдны кутѳма. Дышѳдїс сѳйнытѳ да, ворсїг-дуригмоз, ѳти трактор доддьѳ кавшасим ставѳн. Чеччалам ытшкѳм кѳрым вылад, йѳткалам ѳта-мѳдѳс, горзам-чилзам. Тракторад пукалысьыс, Сидѳр Вась, казяліс миянѳс да сувтѳдїс асьыс кѳрт вѳвсѳ. Горзѳ: эн пѳ менѳ грекѳ вѳйтѳй, лѳччѳй вай додъсьыс. Мый вѳчан, лои кывзысьны. ѳти бѳрся мѳд менам ѳртъясѳй чеччалїсны-лѳччалїсны тыра додъсьыд. А ме бѳръяѳн коли. Тракторыд, видзѳда да, вѳрзьѳ нин. Додъ помас сулала, аслам сьѳлѳмѳй ыркнитлывлѳ. Чеччыштан кѳ, ытшкѳм муѳдзыс вель ылын. Кольччан доддяс, Сидѳр Васьян сюралас. Вай чеччышта, мися. Ог ѳд, тыдалѳ, нинѳм ло! Муртса на тайѳ мѳвпъясыс лѳбыштїсны юрын, тракторыд чибѳ моз кыдз тай нетшыштчис... Тювгыси увлань юрѳн додъ помсьыд, крапкыси муас да синмысь би сывкнитліс. Садъѳс здук кежлѳ весиг воштылі. Со, мися, тѳныд анькытшыс, сюралїс вильшасьѳмсьыд.

Коркѳ-некоркѳ синмѳс восьтї да нинѳм ог гѳгѳрво, ставыс вѳтын моз. Куила ытшкѳм му ылын, а ме гѳгѳр ѳртъясѳй сулалѳны, верстьѳ йѳз, силос идралысьяс. Нюмъѳвтны кѳсья, но ог вермы. Вомѳс быттьѳ вурыштѳмаѳсь, ымза сѳмын. А веськыд пельпомѳс сотѳмѳн сотѳ, сойѳй мыйлакѳ мыш сайѳ бергѳдчѳма. Кыла кодкѳ и шуѳ:

«Кисö, тыдалö, зонкаыс музгыльтöма. Вєськöдны эськö...» А ме морöс тырөн лолала, пöсь чєпöсийс быдөн, вєськыд пельпомöс быгтö чашйöны-косявлöны. Юр вєжöрын быдсяма мөвпыс чєпсасьö. Со, мися, öнi мам-батьсянь и сюралас, ньөръяласны пöттöдзыс. Синваöй доршасьö, бöрдны окота: и ёнтысь дойысла, и сы понда, мый ставыс татшöм лёка помасис...

Сэссия матыстчис тöдтöм нывбаба, копыртчис ме вєсьтö, малыштiс сарöга кинас юрöс, мелiа шуис: «Эн шогав, пиук, гөтрасьтöдзыд дасысь на бурдлас». И виччысьтöг бергöдис-пєсовтiс киöс аслас местаö. Быгтöб биа öгырөн инмöдчисны пельпомö. Дойыс юковтiс кок чунь йылöдз. Син водзын ставыс пемдiс. Вошины кытчöкö му вылын сулалысь ёртъясьöй, тöдтöм нывбабаыд, эз кут кывны тракторлөн таргöмыс... Бара садьöс вошгылi. Ог тöд, дыр-ö куйлi. Гашкö, час, гашкö, унджык. Восьтi синмöс да вукöдö, юрöй жувгö. Аттьö ёртъяслы, абу пышйöмаöсь, ме гөгөр чöла сулалöны, зумышöсь, быгтöб найö мыжаöсь лöөмторсьыс. Отсалiсны меным чеччыны му вылысь, нуöдiсны гортлань. А пельпомöй юкалöмөн юкалö, быд вöськов бöрын сотыштö вєськыд киöс. Горт дорö воим да, гусьöникөн, шыш моз, медым мам-бать эз казьявны, пыри йөрö, керка стен бокö пукси. Ас кежысь шлюпка-бөрда, морöс вылын сьöкыд из öшалö. Рыгöдзыс сэнi тутвидзи-дзєбсяси. Гортö пырнысö ог лысьт, мыжмöм морт кодь. Пöчö жö дорйис-а. Казьялi менö, матыстчис, кинас шлапöдö:

— Көнi нö та дырасö шöйтан. Бара анькытш му вылын?

Дыр чöv олi, сэссия пычнитi ас пытшкысь:

— Киöс дойдi, пöчö, уси трактор додьясь да.

Аслам синваöй ылькнитiс нйит чужöм кузя, кутчысьны ог вермы. Топöдчи баб бердö, ырзöмөн бөрда.

— Вай, дитюк, гортö пырам, сэнi став дойтö бурдöдам,— кутыштлiс менö пöчö. Видзöда да, аслас синмыс вазьöма. Сьöлöмнас кылис сэки пöчö ичöt мортдыдлысь дойсö...

Ньөръявнытö, дерт, менö мать-мам эз ньөръявны. Мөдарö на, повзисны да гөгөрбок видлалiсны-малалiсны. Аскинас пивсян ломтiсны, пöчö да мамö доймöм киöс бура дыр майтöга пöсь ваын видзисны-кутiсны, небыдика дзабралiсны: вөрзьöма пö кö, мед аслас местаö пуксяс. Найö, дерт, сэки эз тöдны, мый вöлöма кикöд...

Тайö лöөмтор бöрас коли уна во. Ме дзикöдз нин вунöдi доймылöм ки йылысь. Но коркö öтчид, мича тувсовъя лунö, вильдi да уси. Шлапкыси эськö сiтан вылö, но нем виччысьтöг, мулань пöригөн, киöс нюжöдсис. Биа öгырөн моз жö сотыштiс вєськыд пельпомöс. Киöс лэптыны ог вермы, сёйны ни юны. Час, мися, больничаö

ветла. А сәни рентген вөчан жырйö мөдөдисны. Бурдөдчысьыс, олөма нин мужичöй, дыр видзөдис рентген снимок вылад да кокниа ышловзис:

— Но, шуда на тай вөлөмыд. Öнiя усьөм бөрад нинөм абу лоөма. Доймыштас сойыд да бурдас. А коркө важөн, буракө, челядь дырйиыд, тэ, зонмөй, китö прамөя чеглөмыд. Он помнит?

Сәки и сувтис син водзө Изъя чойыд, сы бокин сулалысь му, көнi ытшкисны зөр сора анькытш...

— Вөли, вөли öти грек. Трактор додь вывсянь челядь дырйи усьли,— вочавидзи йөзөс бурдөдысьыдлы. Ачым пукала сылы воча, дой йывсьыд вунөдi, мөвпгъясөн лэбзи сийö кадас да. Сидзкө, абу музгылтчылөма кийö, а чеглөма. Со öд кызди олөмад ставыс бергөдчывлө...

Öнi, кор поводдя вежсигөн юковтас пельпомөс, небыдика шыөдча дой дорö: «Изъя чойтö бара казътылан... Казътыв, казътыв. Öг öд пинясь-ропки. Кыздкө-мыйкө терпита».

Сө збыль, тайö дойыс меным зэв аслыспөлөс, быттьö колана весиг. Гашкө, сы вөсна, мый челядь кадөс, чужан сиктөс казътыштö? Гашкө, сы понда, мый тшөктö мөвпавны, мөвпавны и тöрыпгъя, и талунгъя олөм-вылөм йылысь, орччаөдлыны найөс, аскөд вензыны? Унатор дой пытшкас сюркнитчөма. Но нимкодъ со мыйысь: тайö дойыс менам морөсын, менам сьөлөм бердын олө. И бөръя лунөдз олас. Сийөс менсьым некод нин оз мырдды, оз бурдөд.



# «Сьолөмөй бөрдө и сьылө...»

Чужьсьылөма менам Кулөмдінын. Буретш картупель керан кадө, арнас. А кор тырөма куим арөс, мам-бать лэччөмаось овны-уджавны Дереваннөйө, асланыс чужан сиктө. Менө, дерт, тшөтш босьтөмаось. Тайө мича да гажа сиктас верстямми-быдми, тани помалі шөр школа, тасянь муні водзө велөдчыны. Дереваннөйын, Кулөмдіно каян туй бокын, пожөм пуяса шойнаын, куйлөны поч-пөльөй, муса мамөй...

Дереваннөй, Дереваннөй... Коми мулөн быд пельөсын төдөны тэ йылысь. Сулалан Эжва юлөн джуджыд керөсын, озыр уджач да писькөс вежөра войтырөн, сьывны-гажөдчыны сяммысь йөзөн, аслыспөлөс историян, уна мукодторйөн. Дерт, олөмыд оз тапикась өти местаын, сійө водзө кывтө-мунө. Но быд мортлөн сьолөмө йиджсьө төрыгъяис и талунъяис, кольө вежөрө сэтысь медся төдчанаис. Сиктыдлөн олөм-вылөмыс өд морт олөм кодь жө. И нимко-дьясьө сійө, томмылө-визувмылө, и шогавлө, и бөрдлө. Быдторйис жө усьліс Дереваннөй сиктлөн, татчөс олысьяслөн пельпом вылө бөрья нэмъяснас. Шогыс и радлуныс, бурыс и лөкыс. Медся ён, топыд тэчаса коми зонъяс, дереваннөйсяяс, юрнысө пуктісны пер-вой мирөвөй война дырйи, сэсся революция кадө, гражданскөй война воясө, фашистскөй Германиякод тышъясын. Сөмын бөрья война вывсьыс бөр абу воөмаось Дереваннөй сиктысь куимсө сайө морт. Оні сикт шөрын сулаө налыobelиск. Мрамор пөвьяс вылө гижөма быдөнлысь ним-вичсө, овсө...

Быд коми сиктлөн эм аслас история, аслас чужөмбан. Дереван-нөйсалы, ме думысь, воддза воясө (уна-уна во чөж и) медся дона вөлі сиктса школа. Мыйла вөлі, висьтышта бөрынджык, көть эськө школаыс и оні эм. Но тайө мөд школа нин, абу воддзаыс, нэмөвөй-сяис. Важыс, кодөс помавлісны эз сөмын татчөс, но и Руч да Аныб сиктса олысьяс, нимавлісны Коми му пасьтала. И кызди он нима-в! Өд сәні велөдчылісны, югдөдлісны юрнысө коми литературалы подув пуктысьяс — Нёбдінса Виттор да Тима Вень, мукод нима-лана йөз, сэтысь петісны ыджыд олөмө и учөнөйяс, и лётчикъяс, и видз-му овмөсын уджалысьяс, и учителяс. Ставнысө өмөй лыд-

дъодлан! Тыдало, оз быд дереваннойса тод, мый 1885 воо, Вологда-са духовной семинария помалом борын, сиктса Христорождественской вичкоо воома уджавны Д.Я.Попов. Первойсо волома псаломщикон, сесся дяконон, борынджык Великой Устюгса епископ сетома сылы поплысь чин. Дмитрий Яковлевич уна бурсо вочома сиктса йозлы, отсалома восьтны Дереваннойын церковно-приходской да второклассной школаяс, ачыс велодлома сэни, весиг по и Нёбдинса Витторос, нималана коми поэтос да драматургос. Ёна зиль волома мортыс. Коть и поп, абу отдортчылома му бердын уджалысьясысь, пыр отсавлома налы. А 1912 воын Дмитрий Яковлевичос борйомаось Вологодской губерниясянь IV Государственной Думаса депутатон, да сийо мунома Санкт-Петербурго.

Кык судта важ школа сулавліс Эжва юлон джуджыд кыр йылын, вичкосянь неылын. Орччон ськод — вель ыджыд сад. Кыдзьяс, козьяс, ниа пуяс. Быдон, коді велодчывліс Дереваннойса школаын, коді помавліс сийос, помнито, дерт, тайо садсо. Школаыс да сы дорын быдмысь корьяснас лоня шопкодчысь верстыо пуясыс быттыо сольнитчисны ота-модныскод. Школаыс да садийс пошти оттшотшьяось. Пуяссо садитлома татчо, велодчысьяс отсогон, дерт, А.А.Чевский. Волома сийо мян сикто кызьод нэм заводитчигон на. И пыр велодома челядьос тайо школаас. Позьо шуны, нэмсо. Сьокыд весиг артыштны, дереваннойса кымын ныв-зон помалис тайо школасо, гуляйтліс пашкыр пуяс повстти, нимкодясьліс мича веж садйон, кывзыліс лэбачьяслысь дзользьомсо. Оні на менам син водзын тувсовья луныс, кор ми, школа помалысьяс, дас окмыс морт, сулалім сад йорын, кывзім велодысьяслысь сьолөмто вөрзьодана кывьяс. Быттыо торыт на ставыс волі, а кымын во нин лэбыштіс! Сэки ми янсодчим школакод, лоня шопкодчысь пуяскод, муса велодысьяскод... Триньобтіс борья звонок, волі борья экзамен, школа помалысьяслон борья рыт. И разодчим му пасьтала, коді водзо тодомлун корсьны, коді уджавны. Но мян пиысь быдон, дерт, помнито-казьтыло школаын велодчан кадсо, учителясос, сьолөмлы дона школадорса садсо, А.А.Чевскийос, кодос дереваннойсаяс зев радейтломаось да кувсьом борас гуавломаось сыон пуктылом сад йоро.

Дереванной, Дереванной... Вежсьо олөмыс, вежсян и тэ. Шулөмаось тай: торыгьясьыс по тшөкыда казьтылан сомын бурсо. Гашко, и збыльысь тадзи да. Гашко, коркөяыс удитіс нин топыда вужьясьны сьолөм бердад, а онияыс — эз на...

Син водзын на сийо кадыс, кор сиктодз бур туй эз вөв. Коть карсянь, коть Куломдинсянь. Сэки Эжва бокрын олысь войтыр вет-

лісны-мунісны медясё теплоходъясөн. Унаён на, тыдало, вежора-ныс кутёны налысь нимъяссё: «Иван Куратов», «Виктор Савин», «Новосибирск». Быдса сутки лоо вёлі воодчыны карсянь Дереваннойодз. Но ветлісны йёзыс, подён од он шлапсьод Сыктывкарсяньыд. Бёрынджык на пыдди воисны тэрыб бордья «Заряяс». Сук моль пөвсттійд клуна-клона төвзёны вёлі. Ветлысь-мунысьыд тырыс пырас да лольштныгтё сьёкыд, бергөдчыныгтё он вермы. Быгтё оти ыджыд пельсаын йёзыс пукалоны. Дзескыд, кикокыд позяло, но терпитёны. Тэрыба вёлі ветло «Заряйд». Сизим часён и төвзёдас чужан сиктөдзыд.

Руч бёрын нин петан теплоход нырланьыс, сьёлөмыд тіпкөмөн тіпкө, виччысян, кор мыгчысясны Эжва чукыль сайысь кыр йылын сулалысь керкаяс. А «Заря» төвзё-лэбө водзё, быгтё кык пельө вундө юсё, ас бөрсяыс лэптө гырысь гыяс. И со Дереванной син водзын нин. Абу и вежсьёма, важ кодыс том да мича. Еджыд вичко тыдало, школа, сы дорын шувгысь сад, Кузнеч Васьлөн, коми сьыланкывъяс гижысьлөн, нель пельөса керкаыс медся джуджыд нёрыс йылас тутвидзё...

Школаыд, велөдчан воясыд, тыдало, быдөнлы сьёлөмас йиджтысьёны нэм кежлас. А Дереваннойса важ школаыс, ме думысь, ёна торъяліс. Оти-кө, эз оти дас во сулав сикт шёрын. Мөд-кө, мыйта нималана йёз сәні велөдчывлісны, кымын ныв-зонлы сійө восьтіс ыджыд оломө туй, сетіс төдөмлунъяс. Коймөд-кө, татшөм ыджыд да мича саднас эз вермыв ошйысьлыны мукөд школа. Сәся кутшөм вежөра, бур сьёлөма, ыджыд төдөмлунъяса йёз тані велөдлісны! М.А.Чувьюрова нәмсө учителяліс сиктса школаын, төв и гожөм, зэрө көть лым усьө, Кывтыдсянь шлапсьөдө вёлі удж выло. А немецкөй кывтө кутшөм бура төдіс да төдө на өні! Сьыло зэв мичаа и. Ачыс лөсьөдало сьыланкывъяс. Найө тшөкыда юргөны радио пыр, олоны йёз пөвстын. Сылөн «Мыйла нө тэ, донайө» сьыланкыв вөрзёдө быд коми мортлысь морөссө, чепөльтө сьёлөмсө.

*Мыйла нө тэ, донайө,  
Ылі муө овмөдчин,  
Чужан мутө эновтін,  
Отшөтшясыд өтдортчин.  
Абу өмөй дум вылад  
Югыд, сөстөм томлуныд,  
Чуркъя джуджыд берегыд,  
Паськыд ота Эжваыд?*

Коми кыв да литература дорö том йöзлысь муслун чужтисны сиктса велöдысьяс В.С.Чувьюрова, А.И.Ракина, мукöд. Математикаын зэв бур төдöмунъяс сетис Н.Е.Нестерова, биологияын — Т.П.Оплеснина, труд велöдис Н.А.Ракин, фронтöвик, бур киподтуя морт. Гөтырыс сьлөн школаын жö уджаліс, ичöt класса челядькöд ноксис. Төлка-вежөра челядьöс быдтисны гозъя. Ыджыдджыкыс, Владимир, мам-бать туйöдыс муніс. Пединститут помалөм бöрын вель дыр уджаліс Кулөмдін районын, челядьöс велöдис, веськөдліс и роноон, öні образование министерствоын зильö. Ичötджыкыс, Анатолий, наукаö сетчис. Коми муын нималана учёнöй. Батьныс кувсьыліс бура важөн, сиктса шойнаын куйлö. И уна мукöд велöдысь эновтисны нин таладор югыдсö... Кадтö тай он көртвомав, он сувтöд. Сійö ассьыс босьтö, шырөмөн шырө ловъя ловтö. Но медся төдчанаыс, мый сиктса велöдысьяс, миянөс быдтысь-туйдысьяс öні на олöны миян сьөлөмын, вежөрын. Ловьяыс и кулөмаыс. Ставөн. Му бердөдз копыр налы, бурсö, сөстөмсö кодзысьяслы!

Коркө-некоркө и Дереваннөйөдз воис чорыд веркөса туй. Карсянь да Кулөмдінсянь автобусъяс кутисны журъявны төв и гождөм. Жаль сөмын, уна сиктса олысь, буретш найö, кодъяс мунісны сьökыд война пыр, кодъяс лэптисны колхозъяс, нэмсö мырсисны видз-му овмөсын, вөр лэдзисны, сплав вылын уялісны, эз нин суны тайö выль туйсö, кыз му улын куйлöны. Водзджык эськө колö вöлі бур туйыс да, водзджык...

Дереваннөй, Дереваннөй... Зумыда тэ нэмсö сулалін кок йылад. Кужин и гажөдчывны, и уджавны, и сьывны-йөктыны. Көть вöрын, көть видз вылын, көть скöt картаын. Кор ветымынөд воясын сикт бердын котыртчис вөрпункт, дереваннөйсяяс эз жö кольны бокö. Мыйөн вермисны, сійөн и отсасисны вөр лэдзысьяслы, унаөн кучысисны пила воропö, пуксисны трактор сайö, уджалісны улыс складын. Сикт помын, ичөтик ю сайын, кыптисны медводдза керкаяс. Недыр мысти тані быдмис быдса посёлок. Сэсся бокөвöйяс воалісны, быдсяма кывъя йöзыс. Вербованнөйяс, война дырйи мыжмылөм войтыр и. И колö шуны, мый зык ни вен сиктсаяс да воөмаяс костын эз кыптив. Юкнысö вöлі нинөм. Быдөнөс öтувтис удж. Дереваннөй лесопункт нимавліс Коми му пасьта. Посёлокса челядь велөдчисны сиктса школаын, ёртасисны коми ныв-зонкөд. 1970-өд воö дасөд класс ми помалім дас өкмьсөн. Тшөтш и Руч сиктса ныв-зон. Классным вöлі, позьö шуны, интернациональнөйөн. Николай Кунц — немеч, Милаш Ришард — бать сертиыс поляк, Витя Макеев да Николай Красильников — рочьяс, Александр Удоратин, Валентина Гуляева, Иван Мозымов, Александр Гуляев —

комияс... Быдён на пиысь тōдіс этша пыдди кык кыв. Коми да роч. А медсясō, дерт, сёрнитім комиён. Кōть Кунцкōд, кōть Ми-лашкōд, кōть Макеевкōд. И öні на, аддзысьлам кō, варовитам ко-миён. Милаш Ришард олō Сыктывкарын да тшōкыда паныдась-лам улич вылын. Öдйō и юала комиён:

— Кыдзи нō олан, Ришард?

Нюмсера мортыд пыр и вочавидзас сōдз комиён:

— Ола, Öльоксан, быд ногыс. Олōмыд öд, ачyd тōдан, талун абу рай. Велōда челядьōс, быдтыся.

А сәсся казътыштас Дереваннōй йылысь, окота пō эськō кайлыны, да каднас пыр дзескыд. Чойōс видлыны, бать-мам гу вылō кежавны...

Дереваннōй йивсьыд казътыштас да, менам сьōлōмōй вōрзяс тшōтш. Нормылас быдён. Öд орччаöдны кō сиктлысь тōрытъясō да талунъясō, вель ыджыд торъялōм казялан. Олōмыд, дерт, юмов некор эз вōвлы. И бурыс, и лēкыс сәні паныдасьлō. Но бурсō, тыдалō, ми ог сяммōй мыйлакō видзны-дорйыны, лēксъыс сайōд-ны. Мыйла? Гашкō, ог кōсийй. Ог кужйō да? Велькыда шуа — оз сюр менам тайō юалōмъяс вылас воча кывйыс. Öд кутшōм бур, водзмōстчысь лесопункт вōлі водзтi Дереваннōйын. Öні Дереван-нōйын шы ни тōв. Машина-трактор гежōда жургō. Киссян вы-йын лесопунктыс. А гашкō, и киссис нин да. И йōзыс олōны тшыг нисьō пōт, пōрысь мам-батьлысь пенсия виччысьōны. А кодōс дзикōдз топōдас олōмыс — гусясьō, вина-водка гулькйō. Мōдар боксянь кō видзōдлыны, мый сәсся вōчнысō? Удж пō абу, кōть налōн, йōзыслōн, та вылō право эм. Сийōс гижōма Россияса Конституцияын (37-öд статья). Налькйын кодь олōм артмō. Вошō аския лунō йōзыслōн надеяыс. А олōмыд öд быдōнлōн öти...

Дереваннōй, Дереваннōй... Коркō öтчyd, «Заря» теплоходъяс на ветлісны Эжва кузя, чеччи пристаньын да чуйми быдён — мыйкō неладнō кыр йылас, мыйкō сәні оз тырмы. Нэмвōйся сер-пасыс сиктлōн вежсьōма-торксьōма. Нōшта видзōдлi, да вōлисти юрō воис — важ школаыс абу, му пырыс быттьō мунōма. Кырсō орччōн кайысьяс, дереваннōйса, висьталісны: сотчис пō неважōн школайд, посни челядь истōгōн дурōмаōсь да, со кутшōм ыджыд неминуча лōма. Вои сиктō да вель дыр сулалi школа местаын. Кутшōм ыджыд коромина вōлі да, со нинōм абу кольōма. Ставсō биыд апыштōма. Висьталōны — öдйō пō и сотчис, весиг кусōд-нысō прамōя эз вермыны. Сотчас, дерт. Уна дас вонад мыйтаысь мавтлісны школа пытшкōссō, ортсыса стенъяссō, джоджъяссō.

Со тай кыдзи олōмыд бергōдчō. И он пырав öні муса классъ-ясō, учительскōййō, физика кабинетō, мукōдлаō. Он кытшовт шко-

ласо гогор. Он сёрнит тодса велодысьяскөд. Сёрнитныгто сёрнитан, дерт, но важ школаас тайо сёрниыс вөлі эськө дзик мөд. Мусаджык, пыдисянджык, меліджык...

Сөмын школадорса сад ловйон кольома. Воддза моз рама шөпкөдчисны корьяснас кыз пуяс, быгтьо элясисны меным: со по тай, отнаным колим, сотчис мян школаным. Видзөдлі пуяс выло, да жаль лоины. Коньорьясөс яр биыд чишкалома жө, турунвиж корьясыс гожом шөрын гөрдөдомаось. Быгтьо арся серпас...

Дереванной, Дереванной... Оломыд водзо муно. Сийос тай, майбыр, он сувтод. Чужан сиктыд мортлы дона. Дереванной меным дона жө да муса, мед коть чужсьывлома Куломдинын. Дона сийо тов коть гожом. И сиктсалы ония съокыд луньясө. Шулөмаось тай: морт кө по сьылө, сидзкө, сийо ловнас абу на усьома. А дереваннойсаяс сьывныгто радейтоны да кужоны. И талун сьылоны. И водзо на налон голосьяс модасны юргыны.

...Вежөрө воо Тима Веньон гижлом кывбур:

*Сьолөмой бордо и сьылө*

*Виралө быдсяма ног:*

*Том кадой лэбзьома ыло,*

*Кольома пальөдтом шог.*

*Мый менам оломой тайо?*

*Кутшом эм — ачым ог тод.*

*Мый на по водзысьсө вайо...*

*Шогысла сэся коть под.*

*Некор оз бурасьлы сьолөм,*

*Оз волыв кольөмлы пом,*

*Оз бырлив морөсысь сьылөм —*

*Сьолөмой пыр кольө том.*

Быгтьо ония кад йывсьыс висьталөма-шуома Эжва йылын чужлом поэт. Ас ногыс, पोся да ловто вөрзьодана...

Збыль, сьолөмой бордо и сьылө, кор вола чужан сикто, сёрнита тодсяскөд, кежала мам да поль-пөчлон гуяс выло, ас синмон видзөдла, кыззи овсьо талун коми войтырлы. Съокыда овсьо. Коркөя серти, гашкө, лөкджыка на. Но конкө кө эм Енмыс, ме сылысь кора дзик отитор: отсав Крестос, мед ми тайо гудыр кадас дзикөдз лов-сьолөмьясон эгө жө усьой, мед быдтим-велөдим челяднымос, лыддысим, радейтим ота-мөдос да эским. Эским сөстөмас, югыдас, бурас. И асьным эгө лэдзчысьой, зумыда сулалим чужан му вылын...

## ЮРИНДАЛЫСЬ

Водзкыв пыдди ..... 3

### ВИСЬТЬЯС

Выль керка .....	4
Войясыс öнi пемыдöсь... ..	16
Мый вöлöма — ставыс кольöма .....	27
Манакъяслөн зарни .....	38
Иван лун бöрын .....	42
Батьлы гöтыр .....	52
Гöрд юра Володь .....	65
Вичко да клуб .....	70
Паш Миш да кань .....	75
Ас пывсян .....	93
Сола чери .....	98
Сьöд ар .....	103
Изъя чой — менам дой .....	116
«Сьöлөмöй бöрдö и сьылö...» .....	121

Литературно-художественное издание

УЛЬЯНОВ АЛЕКСАНДР ВАСИЛЬЕВИЧ

## КАМЕННАЯ ГОРА

Рассказы

На коми языке

Художник *А.В.Мошев*

Редактор *А.В.Тентюков*

Художественный редактор *Г.Н.Шарипков*

Технический редактор *З.А.Поздеева*

Компьютерная верстка — *З.А.Поздеева*

Корректоры *О.Л.Исакова, В.К.Тюрнина*

КР № 0034 от 03.03.97

Подписано к печати 19.11.01

Формат 84×108<sup>1/32</sup>

Бумага офсетная

Гарнитура «Академическая»

Печать офсетная

Усл. печ. л. 6,72. Уч.-изд. л. 7,4


Тираж 1000. Заказ № 3834

Коми книжное издательство  
167982, г. Сыктывкар, ул. К.Маркса, 229

Отпечатано в КОГУП

«Кировская областная типография»  
610000, г. Киров, Динамовский пр., 4

15-50



КОМИ НЕБՕԴ ԼԷԶԱՆԻՆ  
2001